

WANTOK

NIUSPEPA BILONG YUMI OL PAPUA NIUGINI STRET - 26 YIA NAU

36 pès Namba 1,163 Wik i stat long Fonde, Oktoba 10, 1996 50 toea

Gavman i lus, Wol Benk i win

PALAMEN long dispela wik Tunde i warkurai na oraitim Forestri (Amenmen) Bil bilong 1996.

Dispela nau i min olsem askim bilong Wol Benk i karim kaikai na Wol beng i win. Na strong bilong gavman i popaia na gavman i lus.

Na yet dispela i min gen olsem nau Wol Benk bai givim namba tu hap bilong helpim mani i kam long

Papua Niugini long gavman long putim ekonomi bilong kantri i go bek long gutpela na stretpela rot.

Palamen i oraitim Forestri (Amenmen) Bil bilong 1996 bihain long Praim Minista Sir Julius Chan i presentim long ploa bilong palamen. Na palamen i kisim vot na tokorait long dispela bil. Taim palamen i kisim vot, 24 memba i egen-

sim dispela bil na 38 memba i oraitim.

Wol Benk i givim namba wan hap bilong helpim mani (US\$25 milien) long pinis bilong las yia (1995) bihain long gavman i yesa long ol kondisen Wol Benk i givim.

Bihain long palamen i pasim Forestri (Amenmen) Bil bilong 1996, Praim Minista Sir Julius

Chan i tokaut olsem i bin i gat bikipela na hatpela hevi namel long Wol Benk na gavman.

Sir Julius i tokim palamen olsem ol samting na wok bilong straksarel edjasmen progrem (SAP) bilong Papua Niugini wantaim Wol Benk na Intanesenel Monitari Fan (IMF), i bin bungim hevi bikos long hevi bilong fores sekta.

Em i tok gavman i bin i laik banisim na holimpas integriti bilong palamen na sovereniti bilong kantri. Tasol kabinet i kamapim disisen long holim yet dispela straksarel edjasmen progrem long oraitim bil bilong kamapim senis long Fores Ekt we Wol Benk i laikim gavman i mas mekim.

i go long pes 2

Australia tromoi K8.5m pinis long helpim Bogenvil

I KAM inap long nau, helpim we Australia i givim long Bogenvil i moa long K8.5 milien.

Dispela mak bilong mani Australia i givim long helpim Bogenvil stat long 1991 i kam inap long dispela yia.

Helpim we ol helt na edukesen prosek i kisim moa long helpim ol arapela prosek na eria i kisim. I kam inap long nau, helpim we helt na edukesen sekta long Bogenvil i kisim i moa long K4.3 milien.

Gavman bilong Australia i luksave tu long wok ol non gavman oganaisesen (NGO) i mekim long kamapim gutpela sindaun na belisi gen long Bogenvil. Olsem na gavman bilong Australia i givim klostu K3 milien long helpim ol NGO long go hetim ol wok bilong ol long Bogenvil.

Long helpim ol pipel long ol kea senta wantaim ol rilif saplai, klos, marasin na ol arapela samting, Australia i tromoi samting olsem K1.05 milien.


Opis long Hai Komisn bilong Australia long Mosbi i tok Australia i bin skelim K17.8 milien i go long helt, edukesen na ol bris prosek long bikailan Bogenvil. Tasol bikos pait i

go het yet, ol i stopim ol dispela prosek inap ol samting i ron gut. Olsem na ol i putim dispela mani i go long ol helt na edukesen prosek long Buka distrik.

... Helt na edukesen i kisim bikipela helpim

Ol i skelim ol wok prosek long tupela hap. Namba wan em long wok bilong sanapim Buka taun haus sik. Namba tu hap em long stretim Tarlena Speselais trening senta na Bisop Wade Hai Skul. Australia Hai Komisn bai i givim tokorait long dispela tupela prosek pastaim long ol wok i go het. Bihain long ol apruvim ol disain bilong tupela prosek ya, wok long sanapim Buka taun haus sik bai stat long pinis bilong dispela mun.

Koles bilong Disten Edukesen (CODE) prosek long Buka na narapela wok long Nissan Hai Skul em ol arapela edukesen prosek we Australia i lukluk long givim helpim tu. Wok bilong tupela prosek ya bai stat long mun Disemba.



Bilas long soim kalsa Madang Intanesenel Praimeri Skul long Madang taun i holim kalsarel de bilong skul. Na long dispela foto, tupela sumatin ya Shalane (raitlan) na Sterling Ong (lephan) bilong ples Waten long Amele eria long Madang provins i bilas na redi long soim kalsa bilong ples bilong tupela. Foto: Robert Kala.

**Lukim insait & pes PNG
Med Tred Fe saplimen**

WANTOK

NIUSPEPA BILONG OL PNG STRET

Mipela olgeta i wanpela tasol

I gat ol toktok i wok long kamap nau long sampela pipel bilong Bogenvil i lusim hap ol i stap na i go bek long ples bilong ol. As i bikos ol i kisim ol pret toktok i kam long ol pipel long bagarapim ol. Sampela i lusim wok, sampela i lusim skul na ol arapela i lusim famili na pren bilong ol na i go bek long ples bilong ol. Dispela i wanpela samting o hevi mipela olgeta pipel bilong dispela kantri i mas luksave na tingting.

Mipela i noken putim asua bilong wanpela liklik grup, em ol BRA, antap long ol arapela gutpela Bogenvil pipel. Mipela i noken putim olgeta pipel bilong Bogenvil i kam aninit long dispela nem BRA. Mipela i noken pasim ai na tingting bilong mipela. Mipela i mas opim ai na lukluk long olgeta kona bilong kantri. Mipela i mas opim tingting na skelim gut hevi long Bogenvil.

Mipela olgeta i mas askim olsem: Mipela i laikim hevi long Bogenvil long go het na planti laip moa i tus o i mas stop na sevim laip?

Wok na rot bilong stretim hevi long Bogenvil i no stap long gavman, BRA, sekyuriti fos, ol sios na ol pipel bilong Bogenvil tasol. Ansa bilong pinisim dispela hevi na kamapim wanbel, sekan, belisi na gutpela sindaun i stap long mipela olgeta pipel bilong dispela kantri. Mipela olgeta i mas sanap, beten, krai, wokabaut na putim han wantaim long pinisim dispela hevi.

Pasin bilong pretim na i laik bagarapim ol pipel bilong Bogenvil husat i stap ausait long ples bilong ol i no inap kamapim wanpela ansa. Dispela pasin bai surukim hevi i go moa moa yet. Moabeta mipela i mas opim ai na tingting bilong mipela na luksave long Baibel i tok wanem. Baibel i toktok long pasin bilong soim rispek, laikim, lavim ol arapela o nogat? Baibel i toktok long pasin bilong pogivim arapela o i toktok long pasin bilong bekim bek? Kantri bilong yumi i wanpela Kristen kantri o i wanpela haiten o pekato kantri?

Plis, lusim na larim ol pipel bilong Bogenvil i stap. Noken raunim ol. Noken pretim ol. Ol i gat wankain Fridom na rait olsem mipela i gat. Ol i pipel bilong Papua Niugini na ol i brata na susa bilong yumi aninit long blesing na piksa bilong God.

WANTOK

NIUSPEPA BILONG OL PNG STRET

P O Box 1982 BOROKO
Telepon namba: 3252500
Feks namba: 3252579

PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00

Bogenvil ripot wantaim VERONICA HATUTASI

Tupela haus sik sevim sentral na saut Bogenvil pipel

OL PIPEL bilong sentral na saut Bogenvil i wok long kisim gutpela sevis i kam long tupela haus sik we i operet i stap nau long Arawa.

Dispela em long fil haus sik we Difens Fos i ranim na Arawa helt senta we i stap aninit long lukaut bilong gavman.

Long ol ripot we Wantok i kisim long Arawa, ol etpos na helt senta long saut Bogenvil i wok long salim ol lain wantaim bikpela sik na tu ol lain husat i nidim operesen i go long dispela tupela haus sik we i op i

stap long Arawa. Na nau helt senta i luk moa olsem bikpela haus sik.

Ripot i tok tupela haus sik ya i wokbung wantaim long givim sevis long helpim ol sikmanmeri long olgeta hap bilong Bogenvil. Tupela haus sik wantaim i save serim ol nesmeri na ol arapela wokmanmeri long lukautim ol sik pipel.

Ripot i tok tu olsem i gat gutpela wokbung na luksave i wok long kamap namel long Difens Fos, ol sief na pipel long Sentral Bogenvil. Ol atortu long Arawa i wok long lukluk

long opim wanpela etpos na skul long Koromira eria. Sampela skul na etpos i wok long go het long sampela eria we i stap ausait long ol eria we gavman i kontrolim. Dispela em long Manetai we ol sekyuriti fos i bin lusim long taim Operesen Hai Spit i bin stap yet long mun Julai long dispela yia.

Ripot i tok tu olsem ol BRA paitman long Sentral Bogenvil BRA i givim toktok pinis long noken bagarapim ol sevis long distrik. Bikos ol i no laik lukim ol pipel bilong ol i bungim moa

hevi. Long wankain taim tu, gutpela sindaun na kamapim belisi i bikpela samting ol pipel long distrik wantaim ol sief bilong ol i laik lukim i mas kamap.

Olsem na ol i wok strong long kamapim dispela samting. Bikos ol i lukim olsem ol hevi long Bogenvil ol i no inap long stretim inap long belisi na sekan pasin namel long ol lain husat i gat bel kros o hevi i kamap wantaim. Na tu i gat gutpela sindaun insait long ol famili, komyuniti na olgeta pipel long Bogenvil.

Buin BRA lukautim gut 5-pela kalabus

OL 5-pela sekyuriti fos memba ol Bogenvil Revoluseneri Ami paitman long Buin i holim ol long saut Bogenvil i stap orait tasol. Na i no longtaim ol bai lusim ol i go fri.

Long wankain, dispela 5-pela sekyuriti fos memba i salim toktok i kam long ol famili na hauslain bilong ol long noken wari long ol bikos ol i stap gut long han bilong ol BRA paitman long Buin.

Ol toktok long dispela samting i kamap bihain long rijonol memba bilong Bogenvil John Mornis i bin kam bek long Buin long las wik Fraide. Dispela em bihain long 4-pela de wokabaut bilong em i go long Buin distrik las wik. Long dispela wokabaut bilong Mista Mornis, em i bin raun i go long ol ples na kea senta long Buin long holim toktok na kisim tingting bilong ol BRA lida, ol resisten paitman, ol sief, ol bikman long ples na ol manmeri long distrik.

Wokabaut bilong Mista Mornis i bin go gut tasol na i nogat pasin belhat o mekim nabaut i kamap namel long ol birua grup long taim em i stap long Buin. Planti nau i lukim wokabaut na toktok wantaim ol BRA olsem strong we em i sanapim long rot bilong kirapim bek ol toktok wantaim ol BRA.

I gat planti toktok i bin kamap long taim Mista Mornis i bung wantaim ol BRA lida, sief na ol bikman bilong Buin.

Wanpela bilong ol samting we i bin stap namba wan long lista bilong ajenda long ol toktok em long stap bilong ol dispela 5-pela soldia we ol Buin BRA i holim ol olsem ol kalabus i stap. Dispela 5-pela sekyuriti fos memba ol Buin BRA i bin holim pasim ol bihainim pait i bin

kamap long Septemba 8 long Kangu nambis kea senta we 11-pela soldia i dai.

Mista Mornis i bungim 5-pela sekyuriti fos memba ya long ples we ol i stap long en long Buin.

Ol ripot i tok 5-pela ya i stap gut tasol long lukaut bilong ol Buin BRA. Ol BRA i no bagarapim o mekim nabaut long ol.

Ol 5-pela ya, tupela polisman na tripela soldia, i stap orait tasol na ol i askim Mista Mornis long tokim ol famili bilong ol long noken wari long ol. Bikos ol i stap gut tasol. Ol i raitim pas na givim long Mista Mornis long givim i go long ol famili bilong ol long Mosbi.

Bikpela bung bilong toktok long ol samting we i stap insait long Bogenvil hevi i bin kamap long ples Laguai long Buin. Dispela ples em i stap aninit long kontrol bilong ol BRA.

Ol BRA paitman long Buin i no putim strongpela toktok o askim i go long gavman bipo long ol i lusim 5-pela sekyuriti fos memna i go fri. Tasol Wantok niuspepa i gat save olsem ol i laikim nesenel gavman long lukluk gut na givim ansa long ol dispela askim bilong ol:

- Rausim olgeta sekyuriti fos lain long Bogenvil.

- Rausim ol kea senta long ailan na larim ol pipel i go bek long ples bilong ol. Dispela tu bai daunim ol hevi ibiong kaikai i sot insait long ol kea senta na ol arapela sosel hevi we i stap long ol kea senta. Dispela em ol wankain hevi tasol we i kamapim dai bilong planti ami na ol arapela yangpela Bogenvil lain long pait bilong Septemba 8 long Kangu.

- Larim polis i go wok long Bogenvil long lukautim lo na oda.

Bogenvil papamama wari long ol pikinini

PLANTI papamama long Bogenvil long dispela taim i stap wantaim bikpela wari long ol pikinini bilong ol husat i stap wok na skul long ol narapela hap long kantri.

Dispela i bihainim ol ripot i kamap long mekim nabaut na paitim sampela Bogenvil pipel long sampela provins long kantri insait long laspela tripela wik i go pinis. Ol dispela samting i wok long kamap bihainim indai bilong 11-pela soldia long Kangu nambis kea senta long Septemba 8 dispela yia. Na tu strongpela toktok we militari komanda bilong BRA Sam Kauona i bin mekim long kilim 5-pela sekyuriti fos memba we ol BRA paitman long Buin i kalabusim ol i stap.

Ol papamama long Bogenvil i askim ol pipel bilong PNG long luksave long hevi long Bogenvil. Na tu luksave olsem ol Bogenvil sumatin na ol arapela Bogenvil pipel husat i stap nau ausait long provins i nogat toktok o asua long hevi. Ol i tok pasin bilong bagarapim ol pipel long Bogenvil husat i stap ausait long provins bai no inap kamapim gutpela samting long pinisim dispela hevi.

Long Arawa insait long tupela wik nau, planti papamama i bin go long edministresen opis long autim wari bilong ol long dispela samting. Bikos ol i wari tru long ol pikinini bilong ol husat i stap long ol arapela provins long kantri.

Ol i tok em i no gutpela tumas long mekim nabaut long ol gutpela Bogenvil pipel bikos long ol samting we i kamap long ailan long dispela taim. Ol i tok i gat planti pipel bilong ol narapela provins husat i wok na stap long Bogenvil na ol i lukautim ol gut long ailan taim ol dispela samting i kamap.



Palamen ripot wantaim YAKAM KELO

Tanao tok papagraun mas kisim moa long risoses

GAVMAN i mas senisim lo na givim moa sea i go long ol papagraun we ol bikipela maining na ol bikipela bisnis projek long kantri i stap long en. Memba bilong Kainantu Avusi Tanao i tokaut long palamen long dispela wik.

Mista Tanao i tok lo bilong Papua Niugini long ol bikipela maining olsem kopa na gol, ol timba, pis projek na arapela projek moa i save givim bikipela hap mani

i go long ol ovasis kampani husat i go pas long kisim ol dispela samting. Na liklik hap tasol i save go long ol asples o papagraun.

Mista Tanao i tok dispela em i no stret bikos lo bilong mipela yet i mekim hat long mipela long kisim inap mani bilong dispela kantri. Kantri bilong mipela yet i kisim liklik na arapela ovasis kantri lain i kisim bikipela. Em i askim Minista bilong Maining na Petroleum John

Giheno sapos i gat sampela tingting long mekim senis long dispela samting.

Minista John Giheno long bekim toktok bilong memba bilong Kainantu, em i tok lo i bin kamap bipo na i bin stap long banisim ol kain bikipela wok olsem. Tasol ol dispela lo em palamen i bin wokim.

Mista Giheno i tok klia olsem gavman bilong Papua Niugini i bin kamapim wanpela bikipela senis

pinis long lo. Em i bin rausim olpela provinsal gavman sistem na putim i go long nupela rifom sistem. Dispela em senis long lo, em i tok.

Mista Giheno i tok lo ya i bin stap longpela taim na palamen i lukim olsem em i no wok gut. Olsem na palamen i mekim senis na kamapim nupela lo we i ken helpim ol pipel bilong dispela kantri. Minista i tok wankain tu, lo

bilong ol wok maining na arapela bikipela projek we i sut long ol sait bilong kisim moa sea long samting bilong yu long graun i ken kamap. Yumi ken sensim olpela lo ya na senisim wantaim nupela lo, em i tok. Mista Giheno i tok samting i stap long olgeta memba bilong palamen yet long sapos ol i laik mekim senis long dispela olpela lo, ol i ken senisim tasol long haus palamen.

Manus provins redi long rifom tasol minista stopim

GAVANA bilong Manus Steven Pokawin i askim watpo na Minista bilong Pablik Sevis i no oraitim ol provins husat i wok bihainim tokorait bilong Dipatmen bilong Pesenel Menesmen (DPM).

Mista Pokawin i tokaut long palamen aste olsem provins bilong em long Manus i bin redim ol posisen na wok bilong kisim ol wokman i go insait na wok long provins bihainim nupela senis bilong provinsal gavman rifom. Dispela i bihainim luksave na tokorait bilong DPM. Tasol Pablik Sevis Minista Joseph Onguglo i no oraitim. Mista Pokawin i tokaut olsem Mista Onguglo yet i bin tokaut

pinis long bung bilong palamen long mun Me olsem olgeta ripot na wok bilong Pablik Sevis i redi long go het. Tasol watpo em i stopim gen ol wok na posisen bilong Manus provins.

Gavana i tok dispela kain pasin inap long bagarapim gutpela tingting na bel bilong ol wokman long mekim wok bilong ol. Dispela em taim ol i amamas long mekim wok na gavman i stopim ol gen.

Dispela hevi tu i wankain long ol arapela provins we ol i bin putim aut ol posisen bilong kisim ol wokman tasol minista i bin stopim gen dispela ol posisen na holim bek.

Em i tok provins bilong em i redi pinis long karim aut ol wok insait long nupela senis ya.

Mista Pokawin i askim tu long husat Minista tru i gat pawa long tok yesa o oraitim ol wok na senis bihainim nupela provinsal gavman rifom sistem insait long olgeta provins.

Long bekim olgeta dispela askim bilong Mista Pokawin, Minista bilong Pablik Sevis Mista Onguglo i tok ol askim ya i bikipela hevi na bikipela toktok na em i askim Mista Pokawin long raitim olgeta long pepa bai em i ken bekim gut taim em i toktok gut wantaim dipatmen bilong em.

Barter askim ol memba long wok wantaim gavana

PROVINSAL Afeas na Lokel Gavman Minista Peter Barter i askim olgeta memba bilong palamen long wok klostu wantaim provinsal gavana bilong ol. Na tu ol gavana i mas wok klostu wantaim ol memba bilong provins. Dispela em long karimaut senis bilong provinsal gavman rifom.

Mista Barter i mekim dispela toktok long bekim ol toktok i sut hevi nau i stap long Sauten Hailans provinsal gavman na gavana bilong em Dick Mune.

Gavana Dick Mune i tok em i no amamas long ripot bilong em we i bin kamap ples klia na i go aut long nius long ol hevi o paul pasin we i kamap long provinsal gavman bilong em long provins.

Mista Mune i tok dispela ripot bilong ol samting i paul insait long Sauten hailans gavman em ol ripot nating tasol na i no gat trupela wok painimaut yet long ol. Tasol sampela lain i kisim ol dispela toktok na putim long nius we i nogat trupela painimaut i kamap yet.

Mista Mune i tok dispela i bagarapim tru gutpela nem bilong em na em i ting husat man i kisim dispela ripot na givim long nius i gat ol politik tingting tasol long bagarapim em.

Minista bilong Provinsal Afeas na Lokel Gavman Peter Barter i tok em i no trupela ripot taim man i givim nating namba wan ripot olsem i go aut

long nius na i nogat ripot bilong wok painimaut long ol hevi olsem.

Mista Barter i tok sapos gavana, Dick Mune i lukim dispela ol ripot na givim bekim o tingting bilong pastaim long dispela ripot i ken go long nius em nogat samting. Olsem na em i tok olgeta toktok egensim Mista Mune long dispela ripot long mani i paul long Sauten Hailans provinsal gavman em i no tru yet.

Mista Barter i tok dispela i luk olsem em ol politik lain yet long Sauten hailans i mekim ol dispela kain pasin wantaim politik tingting bilong daunim gavana Dick Mune.

Gavana bilong Isten Hailans Aite Ivarato i askim sapos gavman i wokim strongpela gaidlain o lo bilong ol minista na gavana long i mas wok klostu wantaim long karimaut dispela nupela rifom sitem.

Tasol Mista Barter i tok i gat gaidlain o lo i stap pinis long dispela rifom sistem. Dispela lo i stap insait long mama lo na Ogensik Lo. Olsem na i mas i gat stretpela man long mekim wok gut na dispela sistem bai kamap gut. Tasol Mista Barter i tok strong olsem nau kantri i kamapim nupela senis long provinsal gavman sistem na kamapim senis bilong rifom sistem, olgeta memba i mas wok bung wantaim long provins bilong ol. Ol i mas wok klostu wantaim gavana long karimaut ol senis nau dispela nupela sistem bai kamapim.

PM askim long sekim PNG Habas Bod

PRAIM Minista Sir Julius Chan i askim bod memba bilong PNG Habas Bod long sekim ripot bilong K1.3 milien we i lus long wok bilong PNG Habas Bod na tu sekim mani bilong Nesenel Providen Fan (NPF). NPF na PNGHB tupela i putim mani mak olsem K1.3 milien i go insait long Inta Pasifik Insurens Pty Ltd. Tasol ripot i tok dispela kampani no wok moa na mani ya i mas lus pinis.

Sir Julius Chan i tok ol manmeri bilong baim takis i mas save long wanem hap dispela mani i go na wanem profit i bin kamap long wok bilong NPF na PNGHB.

Long dispela wik bikipela ripot i bin kamap long nispepa olsem mak olsem K1.3 milien bilong PNGHB i bin lus long na tupela top menesmen opisa bilong PNGHB i sanap redi long bekim ol askim bilong kot long dispela hevi.

Sir Julius Chan i mekim dispela toktok long bekim askim bilong memba bilong Lufa Mathias Karani.

Mista Karani i askim Praim Minista sapos em i gat askim long wok painimaut i go insait long dispela kampani Inta Pasifik Insurens sapos em wok yet o nogat. Na tu sekim ol ripot

bilong PNG Habas Bod sapos long ol ripto ya we ol mani i wok long paul long en.

Mista Karani i askim tu sapos Praim Minista i ken tokaut long amas profit em PNGHB i wokim na tu NPF i kamapim bikos dispela em mani bilong pablik na ol i mas save long ol ripot olsem.

Olsem na Praim Minista i tok emi laikim wok painimaut i mas i go insait long dispela hevi na ripot bilong em i mas kamap long gavman i mas save.

Em i askim minista bilong Woks na Trensport Peter Yama long bungim ol bod memba bilong em na statim o karimaut wok painimaut i go insait long dispela hevi.

Sir Julius Chan i tok em i bin harim liklik bipo olsem ol mani bilong NPF na PNG Habas Bod i save go tu long dispela Inta Pasifik Insurens kampani. Olsem na em i save olsem i mas gat wok painimaut i go long dispela kampani na sekim sapos kampani ya i wok yet o i stop pinis.

Em tok sapos ripot o wok painimaut i kamap gut, ripot i mas go long seketeri bilong Fainens long em i ken lukim tu.

SOLARPOWER

Free power from the sun

NAPS MiniKit
The Solar Lighting Kit

- Safe
- Easy to install
- Rellable
- Low cost

NESTE
Advanced Power Systems

CLS (PNG)

CLEAN LINE SYSTEMS (PNG) PTY. LTD.
Goroa Street, Gordons. P.O. Box 43, Waigani, Papua New Guinea.
Telephone: PORT MORESBY: 325 2555 Facsimile: 325 0872
LAE: 472 6203 Facsimile: 472 7577 RABAUL: 982 9042 Mobile Phone: 693 3555

Palamen ripot wantaim YAKAM KELO

Lae Siti rot bai
stat long Jun

WOK bilong stretim rot long Lae Siti bai stat long Jun 1997.

Minista bilong Trensport na Woks Peter Yama i tokaut long palamen aste olsem olgeta wok bilong stretim Lae siti bai stat long mun Jun long neks ya bikos plen bilong wokim baret i no bin stap insait wantaim olpela plen bilong rot. Olsem na long dispela as, mani bilong Australia gavman AusAID i no bin kam long statim wok.

Mista Yama i tokaut long palamen olsem olpela plen bilong statim wok long Lae siti rot i bin go orait pinis tasol dispela plen o disain bilong baret tasol i hevi.

Gavman bilong Australia aninit long AusAID program i makim \$40 milien Australia dola pinis long kari-maut dispela projek. Tasol opis bilong AusAID long Kenbera i holim bek dispela mani. Tasol Mista Yama i tok long mun Jun long neks ya em olgeta dispela samting bai stat.

Mista Yama i tok long sait bilong Malahang na Butibam rot em nogat samting. Olgeta samting i orait na wok bai stat long dispela hap nau.

Mista Yama i mekim dispela toktok long bekim askim bilong nesanel memba bilong Huon Galp Tukape Masani. Mista Masani i bin askim long wanem taim tru bai gavman i statim wok long Lae siti rot? Em i tok siaman bilong Lae Siti Atoriti i tok wok i redi long stat nau tasol Minista bilong Trensport i tok i no yet.

Mista Yama i askim tu olsem wok long Lae siti rot i laik stat, ol i mas kamapim gutpela sistem bilong baret we ren i ken kamap na wara i ken ron bihainim.

Em i tok Lae em ples bilong ren na gutpela baret i ken pulim wara i go aut na rot i ken stap gut. Dispela tasol i wanpela bikpela hevi long rot insait long Lae, Mista Masani i tok.

Minista bilong Trensport na Woks i tok bikos long plen na disain bilong baret tasol na wok i no inap stat yet. Ol saveman bilong AusAID i laikim bai gutpela plen na disain bilong baret i stap pastaim long olgeta plen bilong Lae siti rot orait bai ol i ken givim dispela helpim mani, Mista Yama i tok.

Em i tok dispela projek bai i kam aninit long mani bilong Australia gavman olsem mipela i no inap long pusim ol long mekim samting i go hariap o bihainim save bilong mipela. Mipela bai mekim tasol bihainim laik bilong ol, em i tok.

Mista Yama i tok sapos mipela i laik statim wok bihainim olpela disain we mipela i kamapim pinis, bai wok long Lae siti rot i stat pinis. Tasol mipela i no laik bai mipela mekim wanpela samting i go pastaim na bihainim putim narapela plen i go insait, em i tok.

Long dispela as, olpela plen na disain bilong rot i stap yet na bai wetim disain bilong baret long kamap pastaim orait bai wok i ken stat tru.

Sir J tok ol Bogenvil
em PNG sitisen

PRAIM Minista Sir Julius Chan i tokaut long palamen olsem olgeta manmeri bilong Bogenvil husat i stap long arapela provins long Papua Niugini em ol manmeribilong dispela kantri. Olsem na ol manmeri i no ken bekim belhat na birua long ol.

Sir Julius Chan i askim olgeta memba bilong palamen long go tokim gut olgeta pipel bilong ol long i no ken paitim o bagarapim gutpela sindaun bilong ol Bogenvil manmeri husat i stap na wok long PNG.

Em i tok ol dispela manmeri em ol pipel bilong Papua Niugini na i stap aninit long lo bilong dispela kantri. Olsem na husat i mekim birua long ol bai i kisim taim long han bilong lo.

Praim Minista i tok tu olsem husat memba bilong palamen i laik go insait long traim toktok long stretim hevi long Bogenvil em gavman bai sapot tasol.

Sir Julius Chan i mekim dispela toktok long palamen long Tunde long bekim askim bilong memba bilong Wewak Bernard Narokobi long toktok we i kamap pinis olsem ol BRA pait bilong Bogenvil i laik lukim em na Sir Michael Somare.

Praim Minista i tok gavman bai givim helpim bilong em bikos olgeta samting ya i sut tasol long stretim hevi long Bogenvil. Na hevi long Bogenvil em bikpela tingting bilong gavman long stretim.

Em i tok gavman i amamas long gutpela wok memba bilong Bogenvil John Momis i bin mekim long go long Kagua na toktok wantaim ol BRA paitman husat i holim pas 5-pela sekyuriti fos. Wanpela em polis na foapela em ol ami.

Praim Minista i tok dispela toktok i go gut na gavman bai sapot yet long em bikos em gutpela rot tru bilong traim painim rot long stretim dispela hevi we i stap 9-pela krismas olgeta nau.

Tasol Praim Minista i tok bai i no gat wanpela kain komiti grup o Bai Patisen grup bilong go na toktok moa long Bogenvil. Bikos i bin gat planti kain kain grup we i bin kamap pinis na i go mekim toktok pinis. Na olgeta i gat ol ripot bilong ol i stap pinis.

Tasol em i tok sapos ol memba bilong palamen i gat sampela gutpela save o tingting i kamap, orait ol i ken kamapim na gavman i ken sapotim long ol i

bihainim long go insait long Bogenvil na toktok wantaim ol BRA long stretim ol hevi ya.

Memba bilong Wewak Bernard Narokobi i askim Praim Minista olsem sapos gavman i gat arapela tingting moa long putim i go antap long dispela raun bilong John Momis orait em i mas tokaut long ol i ken mekim.

Mista Narokobi i tok ol dispela 5-pela man i mas kam aut gut long bungim ol famili bilong ol na sindaun gut na amamas long Krismas.

Mista Narokobi i tok em i harim long radio olsem ol BRA i laik toktok wantaim em (Narokobi), Sir Michael Somare na John Momis. Bikos ol i bin toktok pinis wantaim ol BRA long bung bilong ol sampela krismas i go pinis.

Praim Minista i tok wok bilong traim stretim na bringim bek gutpela sindaun long Bogenvil em laik na tingting bilong gavman na olgeta lida na pipel bilong Papua Niugini. Olsem na gavman bai i helpim yet ol kain tingting na rot we inap kamap long painim gutpela sindaun gen long Bogenvil ailan.

The Orogen Ready Reckoner

Sapos yu gat bikpela tingting long baim ol sea insait long orogen Minerals Limites, dispela tebol aninit bai helpim yu long givim mak bilong mani em yu mas peim.

Bipo long yu mekim disisen bilong yu long baim sea o investim mani bilong yu, yu mas kisim wanpela kopi bilong prospektus na ritim gut tru.

Ol kopi bilong Orogen prospektus i stap long olgeta brens na ol liklik ajensi bilong PNGBC, Westpac, Bank of South Pacific, Indosuez Niugini o McIntosh Securities (PNG) Pty Ltd.

Ol aplikesen bilong ol sea em yu ken mekim long ol fom em i stap wantaim dispela prospektus.

Shares	Amount after 10% Discount	Shares	Amount after 10% Discount	Shares	Amount after 10% Discount	Shares	Amount after 10% Discount
300	K471	1,200	K1,884	2,100	K3,315	6,000	K10,140
400	K628	1,300	K2,041	2,200	K3,490	7,000	K11,890
500	K785	1,400	K2,198	2,300	K3,665	8,000	K13,640
600	K942	1,500	K2,355	2,400	K3,840	9,000	K15,390
700	K1,099	1,600	K2,512	2,500	K4,015	10,000	K17,140
800	K1,256	1,700	K2,669	3,000	K4,890	15,000	K25,890
900	K1,413	1,800	K2,826	3,500	K5,765	20,000	K34,640
1,000	K1,570	1,900	K2,983	4,000	K6,640	25,000	K43,390
1,100	K1,727	2,000	K3,140	4,500	K7,515	30,000	K52,140
				5,000	K8,390	40,000	K69,640
						50,000	K87,140




Sapos yu laik kisim moa save long propektus o long Orogen Roadshow Program, yu ken ring long telipon namba 180 2002, namel long 7:30 am long moning -na 5 klok long apinun em long Mande i go inap long Fraide (prais bilong ring long telipon em bai wankaim olsem yu mekim ol lokel telipon kol long olgeta hap insait long Papua Niugini).

McIntosh

McIntosh Securities
(PNG) Pty Ltd

TU MINIT TINGTING HEPI RILIJEN



FRANK MIHALIC i raitim

Sapos yu lukim birkpela haus lotu bilong bisop long Madang o long Wewak, bai yu lukim ol windo i gat kalakala piksa long glas bilong ol. Taim san i lait, ol windo ya i iuk olsem kala piksa stret. Em

PLANTI taim long Gutnius Jisas i tok olsem: "Kingdom bilong heven i olsem wanpela birkpela kaikai marit." Long kain taim olsem yumi save sindaun nabaut long tebol i gat spesel kaikai we yumi save lap na amamas na hepi. Em i mak bilong heven.

Long wan wan taim Jisas tu i save sindaun na kaikai wantaim ol wanwok. Long kaikai marit long Kana em i wokim namba wan mirakel. Jisas i pinisim wok wantaim birkpela las kaikai. Em i bin kaikai tu wantaim Sakias na planti taim wantaim Maria na Marta.

Long wanpela stori bilong kaikai marit, papa bilong haus i singautim olgeta manmeri long kam insait. Olsem tasol Jisas i singautim yumi wanwan long amamas wantaim em nau na bihaintaim tu.

Pasin hepi na amamas em i pas gut wantaim Kristen laip. Yumi Kristen i "alleluya" pipel. Ista em i namba wan pestode bilong yumi. Long olgeta Sande yumi tingim Ista gen. Long taim bilong yia 1200 samting, i gat 100 de holi

long Sios yia. Na long de holi i gat tambu long wok tru. Dispela de holi em i holido bilong tude.

Long dispela taim tu, lotu na sevis long Sande i pulap long musik. I gat ol birkpela kwaia na birkpela orkestra na ben insait long lotu. Planti saveman bilong musik i bin raitim musik bilong ol lotu pastain. Long Yurop tude long kantri Austria na Jemani, yu inap painim kain musik olsem insait long sampela haus lotu long Sande.

Long taim bilong beten ol birkpela lain pris na brata na sista tude yet i save singim ol beten bilong ol. Em ol sam bilong Olpela Testamen. Yesa, long dispela taim bipo, lotu em i samting bilong amamas na musik.

Insait long klostu 2,000 yia Kristen Sios i bin kamapim planti santu i hepi pipel. Yumi tingim tasol Sen Fransis na Sen Tomas More na Sen Filip Neri and Santu Teresa bilong Avila.

i pasin bilong wokim kala windo long ol bikela sios long kantri inap tude.

Ol i stori long wanpela Sande skul tisa i bin askim wanpela liklik sumatin, "Santu em i wanem samting?" Na em i tingim-ol windo bilong haus lotu na em i tok, "Santu em i wanpela man or meri i gat lait insait long em." Em nau! Em i gutpela tingting.

Sapos yu lukim wanpela santu tru, bai yu inap lukim spesel kain lait i kamaut long ai bilong em olsem lait i kamaut long ai bilong bebi. Santu em i man/meri bilong hepi.

Harim! Pasin hepi em i wanpela prut bilong Holi Spirit (Lukim Gal 5:22). Pasin help i pulim ol pipel olsem suga i pulim ol anis i kam. God i laik yumi mas hepi. Bilong dispela na yumi stap long graun bai yumi hepi hia.... na bihain bai yumi hepi long heven.

Tasol sore, i gat sampela lain

Kristen i sem long stap hepi. Mi lukim wanpela i smail na em i ekskyus long dispela. Lain yu i wari oltaim long sin na rong na birkpela na panis na penans. Kain pasin olsem i givim nem nogut long Kristen relijen. Sore!

Long taim Kraus i kirap long indai na i kirapim sios bilong em, griting bilong em i oltaim i tok: "Bel bilong yupela i ken i stap isi" na "Alleluya" na "yupela mas amamas". Planti taim Sen Pol i rait long ol Kristen i mas hepi pipel. Seten i no laikim man o meri i hepi. Em i hatwok long traime em. Pasin hepi em i sotkat long kamap long heven.

Wanpela taim wanpela lapun i lukim tupela yangpela Sista i sindaun long bas na i kam bek long skul na tupela i luk hepi tru. Lapun i go kamap long tupela na i askim, "Yutupela i gat wanem samting i laitim pes bilong yutupela? Mi jeles long yutupela. Mi laik painim em tu."

Em tasol wanpela eksampel bilong pasin Kristen tru.

Sacred Heart Bruda i wokim fainel promis bilong em


WANPELA yangpela man Sepik i bin wokim fainel promis long stap na wok olsem wanpela Sacred Heart Bruda long Wewak i no longpela taim i go pinis.

Nem bilong man ya em Bruder David Akom. Em i bilong Dagua insait long Is Sepik provins.

Bruda David i bin mekim fainel promis bilong em long Mamahaus long Kongriksen bilong ol Sacred Heart Bruda na Katolik Sios long Wewak.

Bisop Raymond Kalisz bilong Wewak Katolik daiosis i bin go pas long lotu bilong makim dispela seremoni. Supiria Jenerel o bos bilong kongriksen, Pater William Liebert na olpela asbisop bilong Wewak husat i stap malolo nau, Asbisop Leo Arkfield, wantaim planti arapela rilijes bruda na sista long daiosis i bin stap tu long dispela seremoni bilong makim bikde bilong Bruda David.

Bruda David i bin pinisim asosiet brud trening kos na bihain long dispela, em i bin wokim tupela yia skul novisiet.



• Bruda David Akom i mekim promis long fran bilong Bisop Raymond Kalisz

Na long narapela s6-pela yia em i bin wokim skul we ol i kolim long temporei vovs.

Olsem wanpela greduet welda bilong Lae Teknikol Koles, Bruda David i bin wok wantaim ol yangpela manki long Bois Taun long Wewak. Ol Sacred Heart Bruda i save lukautim Wewak Bois Taun. Dispela em hap we ol bruda i save lukautim ol yangpela manki husat i wokim trabel long brukim lo na ol atoriti long haus kalabus i laikim ol dispela manki long senisim laip na tingting bilong ol. Olsem na ol i putim ol long han bilong ol Sacred Heart Bruda long lukautim ol na ol i ken kamap ol gutpela sitisen bilong kantri.

Bruda David em i bin

wanpela wokman long Wewak Bois Taun.

Ol Sacred Heart Brudai lukautim tu ol yangpela manki long Erap Bois Taun klostu long Lae na Hohola Riman Senta insait long Nesenel Kapitel Distrik.

Tupela arapela bruda bai i mekim ol fainel promis long dispela yia. Nem bilong tupela em long Bruda John Taso na Bruda Joseph Kandi.

Antap long wok bilong lukautim ol yangpela manki, ol Sacred Heart Bruda i wok tu long trenim ol sios lei woka. Ol i save ranim 6-pela mun kos bilong helpim ol Katolik man long skruim bilip bilong ol na tu go hetim strong wok bilong sios insait long wanwan peris bilong ol.

Yusim blesing long mekim stret wok-Pater Michael

EDDIE SAUNDERS i raitim

OL manmeri i kisim blesing na namba long autim tok bilong God na mekim wok bilong em i noken yusim dispela long kisim namba bilong ol yet.

Edministreta bilong Mosbi Katolik Asdaiosis, Pater Michael Igo i mekim dispela toktok long las wik Sarere i go long ol komunio minista insait long wanpela lotu we i bin kamap long Sivarai Namona ausait tasol long Mosbi.

Long dispela bung, 36 lei minista i bin kam long ol peris i stap long Kupiano Raba, Boregaina na sampela ples long Hiritano na Magi Haiwe. Na tu long ol setelmen insait na ausait long Mosbi siti. Planti i bin kam long ol peris we i nogat pater na i save hat long ol pater i go tu long ol. Olsem na ol dispela sios lei woka i skruim save i go long ol dispela wok, greduet na kisim setifiket.

Taim pater i no stap, ol dispela lain bai i mekim wok we pater i save mekim. Sampela bilong ol dispela wok em long givim komyunio long ol manmeri long ples, haus sik na long ol setelmen. Na minista bilong mekim lotu bai i go pas long dispela wok sapos pater i no stap.

Tasol Pater Michael i mekim strongpela toktok i go long ol dispela lain

long noken yusim dispela namba long lipitimpim nem bilong ol tasol bilong ol long lipitimpim nem bilong God.

Pater Michael i tokim ol lain long noken kisim sik bilong sampela husat i save yusim dispela kain blesing bilong kusai na pundaun hariap long wok bilong ol.

"Sampela pater na bisop i bin yusim ol posisen bilong ol long apim nem bilong ol yet na dispela em i no gutpela long ai bilong God," Pater Michael i bin tokim moa long 300 manmeri wantaim ol lei sios woka husat i bin stap insait lotu bilong witnessim dispela blesing misa long Sivarai Namona.

Em i tokim tu ol lain long daunim ol yet na soim aut pasin bilong Jisas bikos ol bai i karim aut wok bilong Jisas.

Pater Michael i skruim tok i go na tok pasin bilong ol lain long pablik i mas soim pasin bilong ol long famili na ol liklik komyunite wantaim.

"Mi no laik harim stori olsem ol lei minista i pait wantaim ol meri bilong ol pinis na bihain go long autim tok na tu givim komunio i go long ol manmeri", em i tok.

Em i tok pasin bilong giamanim ol pipel em God i save long en. Tasol dispela tu i ken daunim nem bilong ol, sios na nem bilong Kraus.

Pastoral leta i kam long Vika Jenerel bilong Rabaul Asdaiosis, Pater Thomas Tokaliu, na i go long olgeta Katolik peris insait long Is Nu Briten

MIPELA olgeta Kristen i gat wok long givim sefti na belisi i go long ol pipel bilong Bogenvil husat i stap namel long mipela long dispela taim hevi i stap long ples bilong ol.

Sampela lain i givim tok pret long Bogenvil komyunite insait long kantri. Pret i mekim na sampela Bogenvil lain husat i stap long Is Nu Briten i bin lusim provins pinis.

Husat man i givim kain pret olsem em i no man tru. Em i soim pasin bilong rabis dok, pret dok na kain dok we i laik paitim narapela husat i nogat strong long en.

I nogat ekskyus long bagarapim ol brata na susa long Bogenvil. Nau em i taim we mipela i mas givim han long ol, givim lav i go long ol. Ol i gat nid long mipela i harim lewa bilong ol. Ol i gat nid long lav bilong yumi.

Yumi nogat rait long givim pen long narapela sapos em i bihainim narapela aidia long politik. Sapos yumi lukim wanpela blakskin man yumi ting em i man Bogenvil. Tasol

yumi i save olsem i gat ol blakskin man tu long ol arapela provins long kantri. Na sapos em i tru man i kam long Bogenvil, hau bai yu save em i bilong wanem ples stret insait long Bogenvil? Hau bai yu save man i gat wanem kain wok na pasin na tingting? Na tu em i rong tru sapos yumi lukim skin bilong man tasol na yumi laik bagarapim em.

Nau mi putim birkpela singaut i go long olgeta Kristen pipel long go long haus bilong yupela, ol famili na pren na tokaut strong olsem ol lain Bogenvil em ol lain bilong mipela na ol i noken pret moa long taim ol i stap long graun bilong mipela.

Mi askim yupela long soim laik bilong Kraus i go long ol Bogenvil brata susa bilong mipela. Mi askim yupela long pre gen long pis o gutpela sindaun i mas kamap bek long kantri bilong yumi. Na long pis i kam insait long lewa bilong yumi olgeta.


Mi askim blesing bilong God Papa i go long yupela olgeta husat i save wok long kamapim belisi pasin.

FOREST INDUSTRIES ASSOCIATION
SUPPORTS SUSTAINED
FOREST INDUSTRY FOR PNG

THE WINNING CHANGE

SPEAR

EM KOLPELA



**SPONSORS OF
NATIONAL
DARTS
CHAMPIONSHIPS
IN
PAPUA NEW GUINEA**



**SAVE LONG
OMBUDSMAN KOMISIN**

Husat i wanpela lida?

(i) Sapos wanpela minista i kamap o nominetim olsem wanpela dairekta bilong wanpela kampani o foren entaprais, em iasua long stap olsem minista long opis (Seksan 7 (1) bilong Ogenik Lo).

(ii) Sapos meri o wanpela pikinini (i no inap long vot) bilong wanpela minista i kamap o nominetim olsem wanpela dairekta bilong wanpela kampani o wanpela foren entaprais, minista i asua long stap olsem minista long opis (Seksan 7 (1) (b) bilong Ogenik Lo).

(iii) Wanpela minista husat i no givim bikpela taim na wok long opisal wok bilong em na i givim bikpela taim na wok long praivet bisnis o wok bilong em yet i asua long opis (Seksan 7 (2) bilong Ogenik Lo).

(e) Seaholding na ol arapela invesmen-(Seksan 8 bilong Ogenik Lo).

I gat 4-pela samting we i toktok long lida long seaholding o ol arapela invesmen we i kam aninit long Seksan 8 (1) (a), 8 (1) (b), 8 (2) (a) na 8 (2)

(b) bilong Ogenik Lo.

(i) I tambu long wanpela lida long i gat sea o ol arapela invesmen long ol kampani o ol oganaisesen astingting bilong ol em long mekim winmani. Sapos lida i gat sea o invesmen, em i ken stap long posisen o mak we pesenel interes bilong em i ken egensim o winim pablik o opisal interes bilong em. Na tu dispela i ken mekim wanpela lida long mekim ol samting we bai helpim kampani o oganaisesen em i holim sea o invesmen taim em i mekim opisal wok bilong em (Seksan 8 (1) (a) bilong Ogenik Lo).

(ii) Wankain tasol, meri o wanpela pikinini (i no inap long vot) bilong minista i no inap holim seaholding o ol arapela invesmen long wanpela kampani o bisnis oganaisesen (Seksan 8 (1) (b) bilong Ogenik Lo).

(iii) I tambu long wanpela lida long i gat sea o ol arapela invesmen long ol foren o ovasis entaprais. Foren o ovasis entaprais i toktok long ol oganaisesen we ol ovasisman na meri i kontrolim na ranim. Wanpela entaprais, we 26 pesen o moa (i no 50 pesen o moa) pawa bilong vot o interes i stap long han bilong ol ovasis pipel husat i no sitisen bilong PNG, i wanpela foren entaprais. Wanpela lida i mas lukim olsem ol sea o ol arapela invesmen o interes em i gat o holim i NO bilong wanpela foren entaprais (Seksan 8 (2) (a) bilong Ogenik Lo).

(iv) Wankain tasol, meri o pikinini (i no inap long vot) bilong wanpela lida i no inap holim seaholding o ol arapela invesmen long wanpela fores entaprais.

Dispela 4-pela samting i stap antap i no inap karamapim wanpela lida sapos wanpela lida i raitim na askim Ombudsman Komisn na Komisn i givim tokorait long em.

(f) Long stap wokman/meri bilong arapela oganaisesen-(Seksan 9 bilong Ogenik Lo).

Sapos wanpela lida i no kisim tokorait i kam long Ombudsman Komisn i noken holim arapela wok antap long opisal posisen. Sapos wanpela lida i holim arapela wok na em i kamap wanpela lida, em i no inap go het long holim dispela wok sapos em i no kisim tokorait i kam long Ombudsman Komisn. Wanpela lida husat i egensim dispela, i asua long opis na i ken kisim mekimsave aninit long Ogenik Lo (Seksan 9 (1) bilong Ogenik Lo).

(g) Interes long ol kontrak-(Seksan 10 bilong Ogenik Lo).

Dispela seksen i tambuim wanpela lida, famili bilong em o kampani we em i gat interes i ken kamapim kontrak wantaim ol gavman bodi bilong Papua Niugini. Dispela lo em long stopim ol lida long bungim hevi namel long pesenel fainensal interes bilong ol na opisal wok bilong ol long sevim kantri. Sampela taim Ombudsman Komisn i ken givim tokorait long kamapim kontrak wantaim ol gavman bodi. Olgeta kontrak samting ol lida i laik mekim i mas go long luksave bilong Ombudsman Komisn na wanpela aproprait atoriti.

I gat tripela samting i kam aninit long Seksan 10 bilong Ogenik Lo we i toktok long ol lida long kamapim kontrak wantaim ol gavman bodi.

(i) Wanpela lida i noken painim, kisim o holim interes long wanpela kontrak bilong Papua Niugini. Dispela i karamapim olgeta bodi na ejensi bilong nesenel gavman na provinsal gavman na ol stetutori bodi bilong gavman. Husat lida i brukim dispela lo i asua long opis (Seksan 10 (1) (a) bilong Ogenik Lo).

(ii) Dispela lo i karamapim tu meri na ol pikinini bilong wanpela lida (Seksan 10 (1) (b) bilong Ogenik Lo).

(iii) Dispela lo i karamapim tu wanpela kampani we wanpela lida i gat interes (Seksan 10 (1) (c) bilong Ogenik Lo).

Tasol dispela tripela tambu i no karamapim wanpela lida husat i raitim pas i go long Ombudsman Komisn na askim na Komisn i givim em tokorait long mekim. Luksave i mas stap olsem Ombudsman Komisn i nogat pawa long givim tokorait bihain long lida i mekim samting pinis na askim Komisn long tokorait. Lida i mas kisim tokorait pastaim long em i go het na mekim samting. Luksave i mas stap tu olsem Ombudsman Komisn bai no inap givim tokorait sapos Komisn i luksave o bilip olsem tokorait bai kamapim hevi namel long opisal wok bilong lida na pesenel interes bilong em yet.

(h) Kisim ol gris samting-(Seksan 11 bilong Ogenik Lo).

Long kisim ol gris samting i egensim lo na i kam aninit long Seksan 11 bilong Ogenik Lo. Dispela i kam aninit tu long ol jenerel provisen bilong Lidasip Kod.

Dispela lo we Seksan 11 i toktok long en i karamapim wanpela lida. Na lida i mas lukautim na tu kisim hevi long ol asosiet bilong em. Asosiet i karamapim wanpela memba bilong famili bilong em o wanpela man o meri husat o pas wantaim wanpela memba bilong famili o wantok bilong em.

Sapos wanpela lida i askim long mani o ol arapela samting o helpim olsem presen o baim hatwok bilong em long wok em i mekim aninit long opisal posisen bilong em olsem wanpela lida, em i asua long opis olsem wanpela bikos. Maski em i askim long samting na em i kisim o i no kisim, em i asua long opis. Dispela i min olsem em i ken kisim mekimsave aninit long Lidasip Kod. Wankain tasol, sapos wanpela lida i kisim samting i kam long wanpela man, meri, kampani o oganaisesen olsem samting em i kisim long bekim bilong wok em i mekim, em i asua long opis aninit long Lidasip Kod na Seksan 87 bilong Kriminel Kod Sapta 262. Na tu sapos wanpela lida i yesa long kisim samting i kam long arapela man o kampani o oganaisesen, em i asua long opis.

Wanpela lida i noken, bihainim opisal disisen em i mekim, askim o kisim ol samting o helpim i kam long wanpela man, kampani o bisnis. Em wanpela lida i mekim dispela, em i ken sanap long ai bilong kot aninit long Lidasip Kod na Kriminel Kod. Braiberi na korapsen i nogat kamap olsem tupela samting o pasin we i orait long mekim insait long Papua Niugini. Wok i stap long wanwan lida na sitisen long tukim olsem dispela tupela pasin i noken kamap na stap long kantri. Tingim, braiberi na korapsen i no save mekim wanpela man o meri i ris-tupela samting ya i save kilim na bagarapim man na kantri.

i kam long las wik Fonde Oktoaba 3

(c) Pesenel Interes-Lida i yusim opisal posisen bilong em long helpim em yet (Seksan 6 bilong Ogenik Lo).

Dispela em i wanpela bikpela na impoten eria we Ogenik Lo i tambuim ol lida long mekim long opisal laip bilong ol olgeta de.

I gat tripela samting aninit long dispela eria we Seksan 6 i tambuim ol lida long mekim.

(i) Sapos wanpela lida i gat ineters long wanpela samting na em i laik yusim opisal posisen bilong em long mekim dispela samting, em i mas tokaut long Ombudsman Komisn na ol arapela atoriti long laik bilong em na wanem samting em i laik mekim. Sapos lida i no tokaut long laik bilong em na samting em i laik mekim, lida i brukim lo (Seksan

6 (1) bilong Ogenik Lo).

(ii) Sapos wanpela asosiet bilong wanpela lida i gat interes o laik wanpela samting we lida ya i mas yusim opisal posisen bilong em long helpim dispela asosiet bilong em, lida ya i mas tokaut long Ombudsman Komisn wanem samting em i mekim long helpim asosiet bilong em. Sapos lida i no tokaut long Komisn, em i brukim lo (Seksan 6 (1) bilong Ogenik Lo).

(iii) Sapos lida i no haitim na mekim dispela tupela samting i stap antap, em i brukim lo (Seksan 6 (2) bilong Ogenik Lo).

(d) Ol samting we ol minista i no inap mekim-(Seksan 7 bilong Ogenik Lo).

I gat tripela samting we i toktok long ol minista i mekim we i pasin bilong makim ol pasin ol minista i no sapos long mekim taim ol i holim opis. Ol dispela samting i kam aninit long Seksan 7 we i toktok long ol minista tasol.

Bai wasim gu long kol wara



PM noken haitim toktok

Mi laik sapotim tingting bilong NCD Gavana Bill Skate olsem em i taim bilong senisim palamen o gavman.

Ol lida i mekim planti giaman tok-tok. Tasol ol i stap yet olsem ol lida. Praim Minista Sir Julius Chan i sakim toktok bilong namba tu bilong em long ol toktok bilong rivais baset bilong dispela yia. Em i senisim planti tingting Mista Haiveta i bin mekim long baset.

Na olgeta hevi i go long Mista Haiveta.

Sir Julius i go pas long kabinet. Olsem na em i mas save pinis na givim tokorait long olgeta toktok Mista Haiveta i bin mekim long nesenel baset. Bilong wanem em i laik haitim tok? Sapos i gat wanpela man em yumi ken poinim pinga long em na tok olsem dispela man tasol i go pas long ol asua i kamap long baset, dispela man em Sir Julius Chan. I nogat arapela man.


Nau tu Sir Julius i laik haitim toktok bilong pren bilong em Ben Micah.

Raka Maimu-Nou emi wanpela man husat i wok longpela taim long Foren Afeas. Em i no inap toktok nating. I luk olsem Sir Julius i bin givim tokorait long Ben Micah long i go askim ol lain bilong Saina sapos ol i laik baim sampela sea long Gobe.

Sir Julius, ol giaman bilong yu i stap ples kli. Sapos yu lida tru olsem yu save bikmaus olgeta taim, ating yu mas risain long palamen nau. Mipela i inap pinis long giaman na hait toktok bilong yu.

**OPIM
AI**

wantaim
JOE KAU



FIA i laik haitim sin

Long dispela taim tu ol lain bilong Fores Industri Asosiesen i mekim planti nois tru long ol niuspepa na redio. I gat tok tumbuna olsem ol lain husat i mekim planti nois tru i gat sampela sin long haitim. Ol i yusim bikpela mani tru long mekim ol dispela nois.

Ol i yusim wanpela atis long autim toktok bilong ol long ol piksa long ol niuspepa. Olsem wanem, i gat piksa tru tru long soim?

Sapos ol i soim ol poto o piksa tru bilong ol samting i kamap long ples we ol i katim timba, bai yumi lukim olsem i nogat wanpela gutpela samting i kamap.

Olsem wanem, ol niustlain i no inap go aut na lukim sapos switpela toktok FIA i mekim long ol piksa bilong atis i kamap tru o nogat?

Arapela tok tumbuna i stap olsem pasin bilong mekim samting i winim pasin bilong toktok. I luk olsem FIA i sot long ol pasin bilong mekim samting olsem na ol i bimaus nau.

Na ol niustlain i pasim ai, opim maus na daunim huk.

Mipela i mas prea long Bogenvil

Las wik na wik bipo i bin taim kainkain hevi, samting na toktok i bin kamap gen insait long kantri. Ol samting, lewa na ting na laip bilong ol pipel.

Baset bilong DPM Chris Haiveta na takis long pei, kaikai na kerosen bilong ol grasrut manmeri i sikirapim bel na brukim lewa bilong ol manmeri. Tasol ol pipel long ruel eria na ples i no save long wanem samting i kamap. Pen bilong ol takis i go antap bai ol i pilim tru. Ol bai tingting na wari tasol long lewa na tingting bilong ol.

Na hevi bilong Bogenvil tu i pairap wantaim gutpela na nius nogut. Gutpela nius, triplela soldia na tupela polisman ol BRA i holim pasim bai i no inap dai long han bilong ol. Memba bilong Bogenvil John Momis i toktok gut wantaim ol BRA pinis. Na toktok i kamap strong. Sampela lain husat i belhat long ol BRA i wok long mekim nabaut long ol pipel bilong Bogenvil i stap ausait long Bogenvil. Planti Bogenvil na Solomon Ailan sumatin i lusim skul na i go bek pinis. Na njus na piksa long EMTV i soim BRA ami na toktok wantaim BRA Komanda Sam Kauona long Sande Oktoba 29. Sampela lida na menmeri i ritim kranksi liklik. Ol i sutim tok long man i mekim piksa ya i sapotim BRA. Dispela ating i no tru. Sapos man i gat lewa long kraik bilong pipel, bai ol pipel i laikim na rispektim em na toktok gut wantaim em. Ol lain mekim piksa i no wansait. Olsem na ol i go kisim piksa bilong bilong BRA na toktok wantaim komanda bilong BRA Sam Kauona. Ol BRA i rispektim

**GLASIM LEWA
na
TINGTING**
wantaim
**Eddie
Saunders**



ol. Dispela i mas kamap salens long yumi olgeta gutpela manmeri bilong PNG. Yumi wanwan i mekim wanem long helpim ol brata susa i sindaun long kain hevi na ol arapela hevi? Yumi mas larim ol Bogenvil manmeri i stap long ol arapela hap long kantri i stap belisi wantaim mipela olgeta. Yumi wan nesen, wan pipel na wan kantri. Sapos yumi glasim gut bai yumi luksave olsem lewa bilong ol gutpela manmeri bilong Bogenvil i save bruk olgeta de. Tasol ol i no inap tokaut. Krai i stap tasol long lewa na tingting bilong ol. Ol i save wari na prea long Bogenvil i mas kamap na stap gut gen. Ol i speisel pipel na ol i blesing bilong God wankain olsem yumi olgeta.

Nau yumi glasim mini baset bilong Deputi Praim Minista Chris Haiveta na skelim olsem manmeri i gat save na tingting i ken mekim long abrusim hevi bai kain baset i bringim long yumi. Gutpela, Chris Haiveta i harim kraik bilong ol pipel na rausim takis em i bin tok long sasim long ol wok manmeri. Na dispela i soim lo bilong demokratik gavman yumi bihainim. Gavman na ol lida i mas harim na skelim tingting, wari na hevi bilong pipel na mekim polisi na lo


bilong kantri bai tasim laip bilong pipel. Na Mista Haiveta, Sir Julius na gavman nau i tok long takisim poka masin. Em ol laki mani pilai bisnis we i save stilim mani bilong ol manmeri nating na bringim hevi na sindaun nogut long famili. Glasim Lewa na Tingting i bilip em taim nau long yumi ol grasrut manmeri long tingting gut na skelim wanem sameing i impoten tru na gutpela long laip bilong mipela na famili na spenim mani. Famili bai kaikai, drink wara, i gat klos, haus, amamas na sindaun gut wantaim. Sapos yumi tingting gut, yumi ken glasim olsem.

Taim yumi pilim pen long dispela, yumi mas skelim tu long senisim sampela pasin na laipstail na samting yumi save spenim ..iani nating. Long mekim toktok long takis long rais (namba wan kaikai bilong yumi ol grasrut) bai mi tok olsem. Em i taim nau yumi stat long kaikai ol kaikai bilong yumi yet long gaden, bus, wara na solwara. Yumi yet i planim na tu bai givim mani long ol pipel bilong ples bilong yumi yet. Kaukau, taro, yam, banana, kumu, prut, abus na pis. Em ol gutpela helti kaikai. Bai yumi i no inap kisim sik daibetis samting. Ol sik i kam long kaikai bilong prisa na stua.

Yumi mas tingting nau. Em taim bilong yumi long go bek long graun. Planim gaden, painim abus long bus na wara na wokim haus long diwai bilong bus bilong yumi yet. Na stap belisi pasin bilong helpim wanpela na arapela na amamas. Em we bilong yumi pipel bilong PNG na Melanesia bipo bipo yet i kam long tumbuna.

RICE

That's right



PNG LAIPSTAIL

Noken givim beksait long ol refusi pipel - WCC

VERONICA HATUTASI i raitim

LONG dispela taim nau long planti hap bilong wol, ol hevi bilong bikpela pait i stap na laip na sindaun bilong planti pipel i bagarap.

Ol dispela pait i kamap long hevi bilong wok politik, envoirnmen o ekonomi. Ol hevi olsem i bagarapim sefti bilong ol pipel na ol pipel i ranawe lusim ol asples bilong ol na olgeta samting we ol i wokhat long laip long kisim.

Nem we ol i givim long ol dispela lain pipel em refusi. Sampela i kolim ol olsem pipel pipel husat i nogat ples bihain long ol i lusim asples bilong ol. Na ol i go stap long ol arapela hap.

Ol sios long wol i gat bikpela wari na tingting long laip, stap na sindaun bilong ol dispela kain pipel. Wol Kaunsil bilong ol Sios (WCC) we i makim maus bilong ol Kristen sios long wol i bin putim kamap wanpela ripot long mun Septemba las yia long ol dispela kain pipel.

Komiti we WCC i kamapim long lukluk long dispela samting em ol i kolim long Sentral Komiti.

Ripot we WCC i mekim i givim salens i go long ol sios long lukim dispela samting olsem wanpela bikpela hevi long dispela taim. Na long ol sios long mekim samting long helpim ol refusi na tu ol arapela pipel husat i lusim ples bikos long ol hevi.

Long pulim bikpela tingting bilong ol sios na long wol olsem hevi bilong ol refusi em i wanpela bikpela samting na long olgeta long mekim samting long helpim ol dispela pipel. Sentral Komiti bilong WCC i bin makim 1977 olsem Ekumenikel Yia bilong ol sios long sanap strong wantaim kain ol pipel olsem ol refusi.

Sentral Komiti i putim hiumen rait bilong ol pipel olsem wanpela bikpela samting we i givim rait long ol pipel long stap gut wantaim nogat lain i bagarapim ol pipel long ol asples bilong ol yet. Moa long 100 nesanel na intanesanel sios bodi long wol i bin raitim na givim tingting bilong ol long kamapim wanpela astingting we i karamapim ol dispela pipel.

Long wanpela astingting we i go wantaim stemen ol bin oraitim pinis, Sentral Komiti i bin putim dispela singaut i go long ol memba sios:

- Glasim, wanel long en na kisim na bihainim astingting bilong Sentral Komiti.
- Tokaut komitmen bilong ol sios long sait bilong ol dispela pipel long sevim insait long olgeta levul bilong ol sios.
- Soim rot we WCC na ekumenikel famili inap sapatim ol long go hetim ol toktok we i stap long astingting na
- Givim ripot long ol samting we ol memba sios i mekim i go long jenerel seketeri bilong WCC long namel bilong 1977.

Komiti i egensim strong tu wok bilong kamapim ol anti pesenel main na askim ol sios long bung wantaim na kempen long lukim olsem ol atoriti i no bagarapim ol refusi we ol i salim ol i go bek long ol asples bilong ol.

Hia long PNG, planti pipel i wok long bungim wankain hevi. Bikpela tru em long Bogenvil we ol pipel i lusim ol asples bilong ol na ol i stap nau long ol kea senta.

Ol i lusim ples na gutpela sindaun bikos pait i stap na go het long allan. Gavman na ami i

fosim ol i go stap long ol kea senta long lukautim sefti bilong ol. Planti bilong ol i laik stap bek long ol asples bilong ol we i gat ol gaden kaikai na ol arapela samting we ol i ken yusim long go hetim gut laip na sindaun bilong ol. Taso ol i pret na tingting long laip bilong ol na famili bilong ol. Ol i pret nogut ol birua i pait na karamapim ol.

Long Bogenvil nau, moa long 60,000 pipel i lusim ples na i go stap insait long ol kea senta. Ol dispela kea senta i stap long ol hap we i stap aninit long kontrol bilong gavman na sekyuriti fos i lukautim.

Long sampela rot, i gat ol gutpela as long stap long kea senta. Bikpela tru em long sait bilong lukautim sefti bilong ol pipel. Taso long sampela rot i no gutpela bikos ol pipel i nogat fridom tumas long mekim samting long laik bilong ol. Sampela i lukim laip long kea senta olsem laip long haus kalabus.

Planti pipel i no ekspriensim dispela kain laip bipo bikos em i nupela samting long kantri. Taso dispela hevi bilong refusi pipel i kamap na i stap pinis long Papua Niugini.

WCC i lukluk i go bek long as bilong refusi na wanem tingting na helpim ol inap givim long ol.

Long olgeta hap bilong wol, pait na sindaun nogut i wok long mekim na ol pipel i lusim ol asples bilong ol. Planti tausen pipel i stap long dispela hevi na long olgeta de ol i wet long gutpela sans. i kamap na ol bai i go bek long ples tru bilong ol.

Taim pait pasin i go het, ekonomi o wokmani bilong kantri i go daun, envoirnmen i bagarap na hevi bilong ol refusi pipel i no luk olsem bai go daun liklik. Ol gavman long olgeta hap i wok long pasim dua long ol boda bilong kantri bilong ol. Planti sios tu i wok long givim beksait i go long ol arapela pipel i kamap long dua bilong ol.

Beksait long pasin bilong planti pipel i lusim ol asples bilong ol, i gat ol stori bilong ol hevi we ol pipel i bungim, ol pen long ol famili i bruk na ol arapela sindaun nogut long laip we ol i bungim.

Ripot bilong WCC i soim olsem long 50 man long wol, i gat wanpela refusi o wanpela intanesanel maigren (man o meri o pikinini husat i lusim asples bilong em na painim narapela kantri long stap long en) i stap. Planti bilong ol em ol meri, pikinini na ol yut. Planti pipel i lusim ol asples bilong ol long sampela kain hevi i stap long kantri bilong ol.

WCC i tok olsem ol sios lain, ol i gat bikpela wari na lewa bilong mipela i go aut long ol dispela pipel we hevi bilong politik, ekonomi na sosel sait i kamap na givim bikpela hevi i go long ol na ol i lusim ol asples bilong ol. Ol i pret nogut ol bai kilim ol, sampela ol i tokim ol long lusim ol asples bikos hevi bilong envoirnmen long wanem i gat ol maining, loging na ol wel na ges bisnis.

Sapos yumi glasim gut ol samting, yumi ken painimaut olsem as long ol dispela samting i kamap em bikos yumi stap long sosaiti we ol pipel i gat ol narakain-pasin tumbuna bilong ol yet, kainkain sios na kainkain tokples. Long sampela taim, yumi no save lukim ol arapela olsem Krai i stap namel long yumi. Taim ol sios i pasim dua bilong ol long ol pipel i stap



• Hia long PNG, gutpela na kliapela piksa em ol refusi bilong Wes Irian.

namel long ol na i givim beksait i go long ol pipel husat i stap long dispela kain hevi, ol i no mekim strepela pasin.

Olsem na WCC i salensim ol sios long glasim gen astingting na wok bilong ol na lukim olsem sios em i bilong helpim ol kain pipel. Sios bilong ol kain pipel olsem. Wankain taso sios bilong Jisas Krai i bilong kain ol pipel olsem.

Taim ol gavman i wokim ol strongpela lo long kisim ol refusi (na ol pipel bilong narapela kantri) insait long wanwan kantri bilong ol, pasin bilong pablik long olgeta hap bilong egensim ol i go strong moa. Olsem na WCC i putim salens i go long ol sios long wanem rot ol bai bihainim long karamapim ol refusi pipel. Olsem wanem, ol bai lukim ol yet olsem sios bilong ol refusi pipel o tanim beksait long ol? Ol sios bai i lukim dispela olsem wanpela hevi taso we bai ol i traim long stretim olsem hevi bilong ol refusi o ol bai i traim painim hap ol i ken stap long en na lukautim ol rait bilong ol.

Vailens o pasin bilong mekim nabaut, paitim o kilim dai narapela man, pasin bilong i no lakim ol lain we i gat narakain skin kala na pasin bilong i no luksave o no laik givim helpim long ol refusi pipel i sampela bikpela hevi we ol refusi pipel i bungim. Moa yet, ol meri na ol pikinini i save kisim taim tru bikos ol yangpela na ol arapela meri em ol i save bungim hevi long ol man i bagarapim ol. Dispela kain pasin i save givim ol moa hevi na sem long ol yet na famili bilong ol.

Sios i lukim olsem dispela kain pasin i kamap long ol manmeri na pikinini em i wankain long pasin bilong sleveri bikos dispela i bagarapim na daunim digniti bilong wanwan man na famili. Pasin bilong fosim man na brukim ol pikinini, famili na long ol komyuniti bilong ol i bagarapim laip na sekyuriti bilong ol. Dispela tu i save bagarapim skul bilong ol pikinini long taim ol i stap long ol refusi kern.

WCC i tokvailens na injastis pasin we i mekim na ol pipel i lusim ol asples bilong ol na bungim ol hevi we yumi i lukim pinis i salensim ol sios na ol Kristen long tokaut klia gen wanem helpim yumi i ken givim long ol brata na susa bilong yumi. Bikpela bilip bilong ol sios olsem ol Kristen lain em long bilip olsem hiumen laip em i holi bikos God i wokim man long piksa bilong em yet. Olsem na as bilong Kristen bilip i stap long rispek bilong hiumen digniti (we man i gat ol rait) maski wanem krismas bilong em, wanem wok em i holim, em i man o meri, wanem skin kala, na rilijen bilong em. Na dispela bilip i mas stap aninit long lo bilong ol kantri.

"Nogat sosaiti inap sindaun gut long em yet na wol sapos em i no luksave na rispektim digniti bilong wanwan man na laip," WCC i tok. WCC i tok tu olsem wantaim ol presen bilong ol risos we God i givim yumi, yumi gat wok bilong lukautim ol samting we God i givim yumi. Taim nogat gutpela lukaut long ol dispela samting i kamap, ol pipel i bungim tu

wankain hevi. Bihainim tok i stap long buk Baibel we i toktok long luv, jastis na pis, dispela i mekim yumi sekim yumi yet na bihainim Kristen pasin bilong helpim ol lain we sosaiti i no lukluk tumas long ol.

WCC i askim ol sios long mekim sampela samting nau long traim stretim hevi bilong ol refusi pipel. Long lukim olsem samting tru bai i kamap, ol i mas karim dispela hevi i go long ol gavman na atoriti we i save mekim ol disisen na tu givim ol helpim. WCC i tok dispela samting em ol sios i mas wokbung wantaim na traim stretim o daunim.

"Planti wanwan grup husat i gat strongpela tingting long dispela samting i wok long helpim ol refusi pipel. Bikos dispela hevi i wanpela bikpela samting, i no gutpela long wanpela grup i wok em yet long givim helpim," WCC i tok.

Long lukautim laip na hiumen digniti bilong ol refusi pipel, WCC i salensim ol memba sios long banisim na promotim rispek i go long ol refusi pipel.

WCC i lukim ol dispela kain helpim olsem bikpela samting:

- lukautim ol laip na sefti bilong ol refusi pipel
- lukautim ligel na hiumen rait bilong ol dispela lain pipel
- promotim intanesanel stended long Yunaited Nesen.
- strongim wok bilong jastis na pis na lukluk long sait bilong politik, sosel, ekonomik na envoirnmen na painim as long watpo tru na ol pipel i kamap refusi, wok strong long kamapim gutpela sindaun na
- givim sapat na helpim na sanap strong wantaim ol refusi pipel.

FOREST INDUSTRIES ASSOCIATION
SUPPORTS SUSTAINED
FOREST INDUSTRY FOR PNG

Pikinini save nais taim em liklik yet

AMAMAS wantaim ol pikinini em taim krismas bilong ol i stap namel long 1 na 3 yia. Bikos long dispela taim bai yu olsem papa na mama bai i gat bikpela wok yet long sapotim na strongim pikinini long kaikai, waswas, senisim kolos, mekim em i go long slip na pilai wantaimem long mekim emi amamas.

Dispela em sampela bikpela samting we papamama i mas mekim pastaim long pikinini i kisim skul long ol samting we em yet inap mekim long bihain.

Insait long dispela wan na tripela krismas bilong ol liklik pikinini, bai yu stap klostu na poroman tru wantaim pikinini bilong yu. Planti taim bai ol papa tu i save laikim long slip klostu wantaim bebi bilong em. Bikos em i gat dispela spesel amamas we em i kisim long pikinini bilong em. Em i gat spesel poroman o prensip wantaim pikinini we i no wankain long prensip o poroman em i gat wantaim ol bikpela lain pren bilong em.

Papa na mama bai tingim kain kain rot long wanem kain stail bilong kaikai em pikinini i mas kisim. Na em i mas kaikaim wanem kain kaikai. Tupela bai traim long baim ol bilas we pikinini i mas werim na luk smat long en. Tupela bai baim ol kain kain liklik samting long pikinini i mas laikim na pilai wantaim long haus.

Tupela i laikim bai pikinini i mas kisim gutpela skin na em i mas groa gut. Taim wanpela sik i kisim pikinini, tupela bai hariap tru long painim marasin o kisim em

i go hariap long haus sik. Dispela pikinini i kamap olsem wanpela spesel samting insait long laip bilong mama na papa long dispela taim.

Taim papa i go dring raun wantaim ol wanwok, pren o poroman na ol i stori nabaut, em bai tokim ol olsem, mi papa ya. Bikos em i gat dispela bel amamas olsem em i gat wanpela spesel samting long laip bilong em.

Pikinini tu i save senisim laip na sindaun bilong mama na papa long sindaun gut long haus na stretim laip bilong ol long famili i kamap gut.

Long pastaim, papa em man bilong dring spak na raun long nait long painim bia na danis nabaut. Em i man bilong agris long arapela meri moa, maski em i marit pinis. Em i no save sindaun gut tumas wantaim meri bilong em. Na ating meri tu em meri bilong laik baim planti bilas olgeta taim. Em i save laik pilai ol laki gem olsem kas na binggo nabaut.

Tasol taim dispela spesel pikinini i kamap, papa na mama inap lusim sampela pasin olsem. Bikos tingting bilong tupela bai stap moa long pikinini. Taim bai sot long tupela long mekim arapela samting bikos tupela i mas givim moa taim long lukautim pikinini.

Maski papa i pilim tait long wok na i laik malolo liklik long haus o mama i sik na i laik slip gut. Tasol taim pikinini i kra, tupela i mas kirap na go karim em na traim long mekim em i stop long kra.

Ating papa na mama i no save go long lotu, tasol dispela taim bai tupela i go



• Bubus Theresa Maki i amamas long karim bebi Shirley Taterai. Bubus i amamas na smail moa bikos bebi Shirley i gat stail tu ya.

long lotu. Tupela bai kisin pikinini i go long kisim baptis long haus lotu na soim arapela manmeri long pikinini bilong tupela.

Dispela em ol senis we i save kamap tru tru long laip bilong olgeta famili. Yu ting bai i no inap kamap tasol em yet bai kamap long sensim laip na sindaun bilong yu.

Dispela em i laip bilong senisim sindaun na tingting bilong yu i go moa long famili laip tasol.


Taim amamas wantaim pikinini i pinis.

Bikpela senis tru i save kamap taim pikinini i groa kamap olsem 4-pela krismas na i go antap. Bikos long dispela taim, bai yu

lukim olsem pikinini i save long wokabaut, em save long painim na kisim kaikai em yet na kaikai, em save long waswas, go long toilet, wokim bet bilong em yet, go long slip na mekim ol samting long strong bilong em yet. Dispela taim, lukaut bilong papamama long pikinini taim em i liklik-yet bai stop. Papa na mama i no inap wari tumas long pikinini bikos em i ken mekim planti samting long strong bilong em yet. Tupela i ken lusim pikinini i stap wantaim arapela famili lain long lukautim em i stap na tupela i ken go raun long maket o stua samting.

Long dispela taim pikinini i kamap bikpela pinis we krismas bilong em i 4 na i go antap, pikinini i wokim pren wantaim arapela pikinini. Em i go pilai wantaim arapela pikinini. Em bai i no pilai moa wantaim papa na mama. Taim em i harim ol arapela pikinini i pilai long ausait, em bai tekov pinis. Bikos em i pilim olsem em i no bebi moa bai em i pilai wantaim papa na mama. Em i laik pilai wantaim arapela bikpela pikinini wankain olsem em yet.

Planti taim bai papa na mama i kros, bel hat na paitim pikinini taim em i no harim tok. Taim em i bikhet liklik, bai yu kirap paitim em long mekim emi lainim gutpela pasin na harim tok. Long dispela taim nau, bai yu gat belhat na kros i kamap long pikinini gen taim em i bikhet liklik.



• Wanpis Ezra i sindaun isi tru long sia na wetim husat bai sori long em na kam pilai wantaim em.

Olsem na long dispela taim, papamama i lusim gen dispela spesel amamas tupela i bin gat taim pikinini i bin bebi na liklik yet.

Haus bai i gat laip

Tasol amamas bai i no inap pinis tru bikos taim pikinini i bikpela pinis, em bai wokabaut i go i kam na pilai pilai raunim haus o insait long haus tu. Em bai mekim ol nois long toktok o singsing. Na taim arapela lain i harim dispela nois bilong pikinini long haus, ol bai save stret olsem em haus bilong wanpela famili. Taim haus i nogat nois, ol arapela bai i ting em nogat man long haus ya o em ol yangpela marit tasol long haus ya.

Ol bubu long ples na ol kandre, ankel na anti nabaut bai amamas long kam long haus bikos ol i laik sindaun pilai na toktok wantaim pikinini ya. Ol i save nau olsem em i haus bilong famili we man na meri pikinini i stap. Na i no bilong ol yangpela singel lain. Ol arapela famili bai save olsem em ol bai amamas long bung wantaim na toktok, kuk kaikai na kaikai buai samting wantaim gut na bihain bai ol i go bek long haus bilong ol. Ol famili bai amamas long bung wantaim na serim ol samting.

Haus we i nogat pikinini long en i no gat gutpela luksave tumas long ol ara-

pela famili memba na ol lain famili bilong yu yet tu.

Na yu yet tu bai i no laik sindaun gut tumas long haus wantaim ol lain tambu o pren o lain bilong yu yet. Bikos tingting bilong yu em bai long raun, go lukim pilai o mekim arapela samting long ausait.

Tasol pikinini tasol bai mekim yu amamas long bung wantaim arapela famili bikos yu bai laik long tokim em olsem, em ankel bilong yu, em anti bilong yu, em abu man na abu meri na ol kain samting olsem. Yu bai laikim tru long pikinini bilong yu i mas save gut long olgeta lain famili bilong yu stret.

Tasol bikpela samting em, long dispela taim bilong amamas, bel kros na wari long famili, em i taim bilong famili long groa. Dispela em olgeta samting insait long laip bilong famili long mekim em i groa.

Pikinini bai kamapim amamas na tu kamapim wari o kros. Tasol em bilong bungim famili wantaim, mekim papamama i sindaun isi long haus wantaim, mekim papamama i kamapim gutpela pasin na gutpela sindaun long haus. Na dispela bai soim tru famili laip na nupela kain laip we man na meri i kam bung wantaim long kamapim (marit) na dispela famili laip inap go het moa yet inap tupela i kamap lapun na indai na ol pikinini bai kamap bikpela na kisim ples gen.



• Bikhet bilong ol Manus em olsem yet. Papa Parkop i sindaun krangi taim tupela boi bilong em i subim han nogut.

Kanga skelim laip long Mosbi siti

"Tru tumas ya, laip hia long Mosbi i hat tumas. Em ples bilong strong long mani tasol. Olgeta samting i kos mani. Ol lain husat i save kisim bikpela mani long potnait i laki." Dispela em ol toktok bilong wanpela man long ples husat i no longtaim i go pinis i bin kam long Mosbi na stap samting olsem tupela wik. Na long las wik Sarere Oktoba 5, em i go bek long ples bihain long tupela wik maus bilong em i drai tru long spetim wanpela gutpela buai bilong Sepik. Man ya em Joseph Kanga Karol. Em i bilong ples Surumba long Hawain eria long Wewak insait long Is Sepik provins.

Nem tru bilong dispela man Surumba em Joseph Karol. Tasol olgeta lain long ples bilong em i save kolim em Kanga. Olsem na nem Kanga i kamap niknem bilong em.

Long tokples Boiken, kanga i min maus. Bikos man ya i wanpela man bilong toktok, ol lain long ples bilong em i stat long kolim em Kanga i kam inap nau dispela nem i pas long em na stap. Tru tumas, wanwan man i gat pasin bilong em yet. Wankain, tasol, wanwan meri i gat pasin bilong em yet. Kanga i no kam long Mosbi bikos em i laik raun na lukim Mosbi. Em i no kam long Mosbi bikos em i wanpela bisnisman husat i gat planti mani na i laik painim gutpela ama-

mas. Em i no kam bikos em i laik luksave long laip insait long biktaun bilong Papua Niugini Mosbi siti.

Kanga i kam long Mosbi bikos gavman, aninit long nem bilong Papua Niugini Difens Fos i salim tiket long em. PNGDF i no salim tiket long em long kam na joinim fos long kamap wanpela soldia na i go pait long Bogenvil. Nogat.


Difens Fos i salim tiket na Kanga i kam long Mosbi long indai bilong wanmarit bilong em leit Mesa Paul Panau. Komanda bilong Delta Kampani bilong Papua Niugini Difens Fos long Taurama.

Leit Mesa Paul Panau wantaim 10-pela opisa bilong em i bin dai long han bilong ol BRA paitman long Kangu nambis kea senta long Bogenvil, Not Solomons provins long Septemba 8 long dispela yia. Olsem na Kanga i kam long Mosbi bikos em i wari long wanmarit bilong em leit Mesa Panau. Na em i laik serim dispela wari, sore, belpen wantaim famili bilong wanmarit bilong em na tu wantaim famili bilong tambu susa bilong em (meri bilong leit Mesa Panau).

Leit Mesa Panau na Kanga tupela i maritim tupela susa. Kanga i maritim bikpela na leit Mesa Panau i maritim liklik. Kanga i lusim Wewak long Sande Septemba 22



• Long sait bilong ol gaden kaikai ol i salim long maket, Kanga i lukim olsem prais bilong ol kaikai dia tumas na skel bilong kaikai i daunbilo tumas.



• Kanga i kalap nogut long luksave olsem long Mosbi siti, wanpela drai kokonas i kos 40t o 50t. Long Wewak taun maket, Kanga i tok olsem wanpela mama i ken baim wanpela drai kokonas long 20t tasol. Long Mosbi em i tok dia tumas.

Samting we i mekim dispela man long ples i tingting planti em kos bilong ol samting-kaikai long maket na stua, klos, sevis olsem helt na ol arapela samting. Bikos em i wanpela man long ples, em i pilim olsem laip long Mosbi i dia na dia tumas. Na taim em i sindaun na skelim tingting, em i save tok: Ples ya ples, yu bai wari long wanem samting.

"Mi stap na wokabout raun na skelim ol samting na lukim olsem laip long Mosbi i hat tumas long kain man olsem mi husat i kam long ples. Sapos mi laik kaikai buai, mi mas spenim mani. Long ples, mi no save baim buai. Mi save kisim tasol na kaikai." Kanga i tok. Wanpela hap Kanga i go lukluk raun em Wod Pablisng Kampani, kampani husat i save printim Wantok niuspepa. Em i go na lukim ol niusman i mekim wok bilong ol na tu ol wokmanmeri i mekim wanwan wok bilong ol long redi long printim niuspepa. Kanga i lukim ol printa bilong kampani i printim Wantok niuspepa na em i sanap isi tasol na lukluk i stap. Em i sanap niuspepa long ai bilong em na bipo long pepa i go aut long provins bilong em, em i namba wan man long kisim na ritim wanpela. Wanpela printa bilong Samarai i tok klia long em long ol masin i wok olsem wanem na tu wok bilong wanwan masin.

Insait long tingting bilong em, em i laikim olsem de bilong em long go bek long ples i mas kam hariap. Bikos em i man bilong ples na long stap nating long Mosbi i no gutpela tumas. Em i save long laip bilong ples na laip bilong siti i hat tumas long em long bihainim.

Em i lukim olsem tupela wik i longpela taim tumas long em long lusim famili na ples. Olsem taim Laipstail i askim sapos em i amamas long stap na raun long Mosbi, em i tok laip long Mosbi i stap long mani. Sapos yu gat mani laip bai isi long yu na sapos yu nogat mani, sori tumas, yu bai kisim bikpela taim. Nau Kanga i stap long ples na em i mas amamas long spetim buai na tok bilas long buai bilong Mosbi.

long apinun na kam long Mosbi. Em i kam na sore wantaim famili bilong wanmarit bilong em. Long Mande Septemba 23, bodi bilong wanmarit bilong em i go long matmat long militari matmat long Taurama Bareks bilong PNGDF.

Bikos em i kam long indai bilong wanmarit bilong em na tu long soim pasin bilong rispek, em i mas stap liklik wantaim famili bilong meri bilong em. Bikos long sait bilong kastom iong planti ples long Papua Niugini, pasin bilong lusim ol tambu lain na ranawe i no gutpela tumas. Kain pasin olsem i ken daunim nem bilong yu na tu i mekim ol tambu lain i wari na pulim toktok i go i kam.

Bihain long bodi bilong wanmarit bilong em i go long matmat, Kanga i stap wantaim arapela wanmarit bilong em long Mari Bareks samting olsem tupela wik. Dispela wanmarit bilong em i bilong Finsafen long Morobe provins. Em i maritim bikpela susa bilong meri bilong em na meri bilong leit Mesa Panau. Sotpela taim Kanga i stap long Mosbi na em i limlimbur na i lukim olsem Mosbi i wok long gro na senis. Planti bikpela haus na kainkain samting na developmen i wok long kamap. Na em i wok long tingting insait long tingting bilong em yet na tok "tru ya, Mosbi i wok long develop hariap hariap." Kanga i bin kam long Mosbi sampela yia i go pinis. Tasol em i no bin raun na lukim ples. Bikos em i kisim lapun papa bilong em i kam long haus sik na tupela i stap tasol long haus i go na tupela i go bek long ples.



FOREST INDUSTRIES ASSOCIATION
SUPPORTS SUSTAINED
FOREST INDUSTRY FOR PNG

"WE NEED A NEW HOUSE,

"Haus bilong mipela olgeta taim i save stap olsem wanpela hatpela driman tru. Mipela save sevim moni liklik, bihain mipela yusim olgeta na stat ken long sevim ken. Ekwiti Account bilong mipela senisim olgeta dispela. Nau mipela bai igo insait long nupela haus bilong mipela".

Ekwiti Account bilong mipela, em ol ibin wokim long helpim yu baim haus bilong yu yet. Yu isi tasol statim wanpela sevim wantaim mipela, na bihain yu mitim dispela taim mipela makim, orait mipela bai givim yu moni long baim haus. Yu bai stil mekim propit long moni bilong yu insait long benk na kamapim wankain we bilong sevim moni. Dispela bai helpim yu long kisim haus bilong yu hariap.

Ekwiti Account bilong mipela, iken givim yu pes step long kisim nupela haus.



WE SHOULD TALK TO THE BANK."

Caroline Ila, Librarian

Bik Bro

REBO



OL SAPOTAS BILONG VIPERS ANAMAS TRU NA SINGAUT!!!

ERS! GO! GO!

SKOA I GO ANTAP MOA!!!

SKOA I GO ANTAP MOA!!!

Winfield SKOAB

VIPERS VS NOT B

24 6

GO INSAIT!

REBOKISIM BAL NA MEKIM FIL-GOL!!!

BUTT!

KLOSTU FUL-TAIM NA OL I PILAI ISI!!!

WAN-MINIT TASOL I STAP LONG FUL-TAIM!!! OL I SALIM BAL I GO LONG REBO!!!

REBO!

Igo moa Neks Wik!!



SIPAK MAIK

KARIM TELEFON IKAM, MI LAIK RINGIM LOYA BILONG MI!!

LOYAZI! LONG WANEM. YA?!

STAP ISI! MI LAIK EM KAM NAKARIM MI IGO LONG HAUS!

WHEN!!

TASOL SAGEN I TOK EMBAL KARIM EM IGO!!!

NO, NOKEN WARI LONG TRANSPORT. BAI MIPELA KARIM IGO LONG HAUS. NOKEN WARI TUMAS!

MAN, OL I GIVIM V.I.P TRITMEN LONG MINISTA MAIK!!!

OL I ESKOTIM EM OLESEM WANPELA BIKMAN!!!

ER, BOIS, INAP YUPELA STOP LONG BLAK-MAKET!!! MI LAIKIM BIA!!

Igo moa Neks Wik!!

Painim pren

Nem: Jerry Wukawa
 Krismas: 19
 Save Laikim: Harim rege musik, pilai soka, lukim narapela spot, raitim leta na lukim Pepsi Fizz long TV

Mipela 4-pela wantaim ya i bilong dispela Adres: P O Box 2959, Lae, Morobe Province.

Nem: Benjamin Tundu
 Krismas: 20
 Sex: Man
 Save Laikim: Ragbi Lig, lotu, mekim penpren na lukim TV
 Adres: P O Box 4948, Boroko, NCD.

Nem: Monica Peter
 Krismas: 18
 Sex: Meri
 Laikim: Lotu na ritim baibel, TV, Volibal na raitim leta
 Adres: P O Box 4943, Boroko, NCD

Nem: Jeniffer Peter
 Krismas: 16 (meri)
 Laikim: Go Lotu, kaikai buai, swim long wara, TV na raitim leta
 Adres: P O Box 4948, Boroko, NCD

Nem: Rehap Kunam
 Adres: Angoram Provincial High School, Private Mailbag, Wewak, ESP.
 Krismas: 15 (meri)
 Save Laikim: Pilai soka, go long lotu na serim toktok bilong god wantaim ol narapela, go skul, pilai tas ragbi na mekim fani stori.

Nem: Tamai Bur
 Krismas: 21 (man)
 Adres: P O Box 4665, Boroko NCD
 Save Laikim: Pilai spots, harim musik, raitim leta, stori wantaim ol poroman na serim tingting wantaim.

Nem: Asbin E. Banta
 Krismas: 18 (meri)
 Adres: P O Box 1640, Lae, Morobe Province
 Laikim: Harim rep na rege musik, pilai soka, volibal na gita, mekim poroman, senisim presen na marit.

Nem: Timmy Jay
 Krismas: 20
 Adres: PO Box 356, Kainantu, Eastern Highlands Province
 Save laikim: Tok fani na pilai wantaim ol poroman, Lukim TV, pilai ragbi lig na rait i go long poroman.

Nem: Peter Sai
 Krismas: 32
 Adres C/Mission Yauluwape, P O. Box 297, Lumi, Sandaun Province
 Save Laikim: Ritim Niuspepa na raun lukim ol pren na Wantok. Go Long Sande lotu na harim toktok.

OVASIS PENPREN

Nem: Emma Sam
 Adres: Box 366, Russel Street, Cape Coast, Ghana. W/A
 Krismas: 28 (meri)
 Save laikim: Senisim ol strongpela lav leta, raun na ron.



Nem: Roslyn Graham
 Adres: Box 459, Tantri Cape Coast Ghana. W/A
 Krismas: 28 (meri ino marit yet)
 Save laikim: Musik, muvi, raun na mekim nupela poroman.

Nem: Ernest K. Asante
 Adres: Sandstone Hills, P O Box 426, Cape Coast, Ghana, W/A
 Krismas: 20 (man)
 Save Laikim: Pilai futbol, klos, musik, mani na lukim ol nupela ples

Nem: Kweku Asante Junior
 Loadstone Hills, Box 426, Cape Coast, Ghana, W/A
 Krismas: 15 (man)
 Save Laikim: Piksa, ritim buk, mani na ol samting.

Mipela ol lain daunbilo i laikim ol poroman namel long 30 na 50 krismas long rait long mipela

Nem: Beatrice Ama Nezier
 Adres: C/O Willie, P O Box 202, Cape Coast-Ghana
 Krismas: 25 (meri)
 Save Laikim: Spots, Marit, na musik

Nem: Mary Nasah
 Adres: C/O Kweku Sackery, U.C.C. Water Service, Cape Coast-Ghana
 Krismas: 26 (meri)
 Save Laikim: Spots, musik na marit

Nem: Patience Anita Dankwa
 Adres: C/O Willie, P O Box 202, Cape Coats, Ghana
 Krismas: 26 (meri)
 Save Laikim: Spots, musik na marit.

Nem: Rebecca Morerrson
 Adres: C/O Isaax Hutton, Water Service-U.C.C., Cape Coast, Ghana
 Save Laikim: Disc musik, pilai tenis, marit na senisim ol presen.

Nem: Amos Poison
 Krismas: 22 (man)
 Adres: Box 318, Cape Coast, Ghana
 Save Laikim: Spots, ritim baibel, amamas na musik

Nem: Philemina Yankah
 Krismas: 24 (meri)
 Adres: Box 1064, Tantri Road, Oguaa, Ghana

Nem: Cecilia Esi Sam
 Krismas: 24
 Adres: Box 318, Oguaa City, Ghana.
 Save Laikim: Lav leta, swim, senisim ol poto na presen.

Mani em liklik samting

...bikpela samting em lukim stret long ai

RODNEY KAMUS i raitim

SAMPELA samting insait long wol tude em planti manmeri long Papua Niugini i save olsem ol i mas lukim yet. Na maski prais bilong go insait i bikpela tumas, ol i no save wari.

Kain ol samting olsem wanpela ben bilong narapela kantri i kam o bikpela konset na tu bikpela ol spot.

Tingim! taim biknem rege musikman bilong Saut Afrika, Lucky Dube, i bin kam long Mosbi las yia krismas na ol manmeri i wel na longlong nabaut long lukim em. Maski sas bilong geit fi i bikpela tumas, planti manmeri i lusim mani yet long lukim dispela man Afrika.

Taim Brisbane Broncos na Penrith i kamap long stat bilong dispela yia, maski tiket i K20, planti tausen manmeri i kamap long lukim dispela tupela ragbi lig tim bilong Australia i pilai.

Na long las wiken long Mosbi, em bikpela taim tru bilong ol sapota bilong ragbi lig na planti manmeri i sevim liklik mani bilong ol long lukim dispela bikpela pilai namel long ol PNG Palai na ol Australia Kangaroos.

Prais bilong lukim ol Kangaroo na Palai i pilai long las wiken em ol sia aninit long haus em K20 na ausait nating em K10. Prais bilong ol liklik mangi husat i skul em K4.

Pilai ya tu i kamap long wanpela lus wik na i no potnait bilong gavman. Tasol planti tausen manmeri i bin kamap long lukim dispela bikpela pilai bilong Nesenel Ragbi Lig.

Tutsi Kaupa wanpela yangpela mangi husat i save stap long Sabama Setelmen insait long Mosbi yet i tokim Wantok olsem em i sevim K10 bilong em taim em i harim olsem ol Kangaroo bai kam pilai.

"Mi bin salim botol, askim ol wantok nabaut na tu mekim ol kainkain liklik wok nabaut long painim K10 na kam lukim dispela bikpela pilai," Tutsi i tok.

Em i tok olsem mani i no bikpela samting sapos yu gat bikpela laik tru long lukim ol man em yu save glasim wokabout na pilai bilong ol gut tru long televisen.

"Ol dispela Kangaroo husat i kam em mi save lukim ol long televisen na nau em sans bilong mi long lukim ol long ai bilong mi stret. Olsem na mi mas painim olgeta rot long go insait na lukim ol man tru i pilai long ai bilong mi," em i tok.

Long las wik Trinde taim ol Kangaroo i pundaun long Mosbi ples balus, samting olsem 5 tausen manmeri na sapota bilong ragbi lig i bin kamap long Mosbi ples balus long lukim ol

Kangaroo i kamap. Sampela i go long lukim ol man olsem Danny Moore, Gary Larson, Terry Hill, Matt Sing, Michael Buettner na ketpen bilong Australia yet Geoff Toovey.

Olgeta hap ol Kangaroo i wok long raun insait long MOSbi siti, planti manmeri i bihainim ol. Ol i mekim olsem tasol i go inap long Sande taim bikpela pilai i kamap namel long ol Kangaroo na Palais.

Bipo long bikpela pilai ya i kamap, em wanpela liklik pilai i bin kamap namel long ol Junia Kangaroo na ol Pot Mosbi selekt sait.

Long dispela pilai, planti sapota i no amamas tumas long wanem i nogat trupela pilaia ol i laikim i pilai.

Tasol taim ol Kangaroo i go insait long pilai graun na hatim skin liklik lohg ron i go i kam, man olgeta manmeri i singaut nogut tru na kolim nem bilong olgeta pilaia.

Sampela man na ol meri husat i gat ol liklik kamera i kalap i go insait long pilai graun na sutim piksa bilong ol pilaia.

Wanpela sapota Jim Nobis i tok olsem ol i laik kisim poto bilong ol yet wantaim ol pilaia na putim long album bilong ol na bihainim ol i ken soim olsem dispela man i save kamap long TV em ol i lukim em long pes bilong em stret na kisim poto wantaim em.

"Mi westim bikpela mani long kam na lukim dispela ol pilaia olsem na mi mas kisim sans long kalap i go insait na kisim poto wantaim ol. Sapos mi nogat sans long dispela, sapos mi tasim skin bilong ol tasol bai mi pilim orait liklik," Jim i tok.

Em i tok olsem planti lain wantok bilong em i kamap long lukim pilai na ol i wok hat tru long painim dispela K20 long kam lukim pilai.

Em i tok moa olsem bikpela sapot bilong ol tru i stap wantaim ol Palai long wanem dispela em nesenel tim bilong kantri na olgeta manmeri i mas sapotim. Dispela i wankain tu sapos ol Kumuls i pilai.

"Tasol mipela i kam long sapotim ol Palai na tu long lukim ol biknem pilaia bilong Australia. Olsem na mipela i mas painim olgeta kain liklik rot long kisim mani na kam lukim dispela bikpela pilai."

Sampela manmeri tu i ken tingim

yet long taim Lucky Dube i bin kamap na pilai musik bilong em long PRL graun long pinis bilong las yia.

Taim man ya i bin pundaun long Mosbi ples balus, planti tausen manmeri i bin kamap long lukim em na sampela i go wail nating tru.

Taim ol manmeri i go wail long lukim dispela man ya na laik tasim skin bilong em, ol polisman i mas yusim tiages long stopim ol na olgeta hap em i wokabout, ol man i karim ol kala bilong rastafarian (god bilong ol blekman bilong Afrika) i go wantaim ol. Ol kala em grin, yelo na ret.

Na taim ol Kangaroo i kam, planti i karim ol bikpela sain we i gat poto bilong ol biknem pilaia bilong ol na ol i singautim nem bilong ol. Wanpela man husat i kisim bikpela singaut tru em kepten bilong Australia Geoff Toovey.

Planti manmeri i save olsem ol i mas lukim dispela kain ol biknem man o meri. Long wanem ol i save ting olsem nogut dispela em i wanpela taim tasol long laip bilong ol long lukim dispela ol lain.

Olsem na ol i no save wari long lusim hamas mani long go na lukim. Maski sapos prais i stap long K10 o K20, em liklik samting tasol long wanem bikpela samting em ol i mas go lukim ol yet.

Olsem Jim i tok: "Mani em i liklik samting long wanem sapos yu gat sans long lukim wanpela kain biknem man olsem, yu mas painim olgeta rot long kisim mani na lukim em. Em i kam long ples bilong yu na prais i liklik. Sapos yu laik go lukim em long ples bilong em, dispela bai kosim yu bikpela mani tru."



FOREST INDUSTRIES ASSOCIATION
 SUPPORTS SUSTAINED
 FOREST INDUSTRY FOR PNG



□ Kanage wantaim sampela poroman bilong em i go limlimbur long Manus maket i stap na em i tingting long kaikai sampela drai pis ol meri Manus i wok long salim i stap long maket. Em nau boi lusim ol poroman i go sekim ol drai pis long maket. Kanage sekim ol pis i go na kamap long wanpela yangpela meri. Susa ya i wok long salim ol gutpela drai pis stret. Em nau Kanage sindaun i go daun long fran bilong susa ya na askim: Susa, hamas long abus bilong yu?

Yangpela meri ya lukluk strong long Kanage na kirap askim em: Yu askim long wanem kain abus? Kanage smail na tokim susa ya: Na bai wanem kain abus gen, em ya abus bilong kaikai ya. Yangpela meri Manus na lap tasol na tokim Kanage: Abus i stap long bokisais tasol i hat long rausim bikos ais i holim pasim na i strong long rausim.

Papa Kanage
MANUS

■ Kanage wantaim Junia i kalap long Air Niugini balus long Mosbi na i go long Madang. Balus i ron namel long Mosbi na Madang na tupela resa wokmeri bilong balus ol i kolim eahostes i kisim ol bisket na loliwara raun na givim long ol pasindia. Tupela resa ya givim kaikai i go na i go kamap long Kanage wantaim Junia bilong em. Em nau wanpela bilong tupela resa ya i givim bisket long Junia na bihain em i givim wanpela kap loliwara.

Taim resa ya i givim kap loliwara i go long Junia, Junia i kisim kap loliwara na kirap pingaim han bilong resa ya. Tru tumas, resa ya i kirap nogut na lukluk strong tru long Junia. Kanage i no save olsem Junia i mekim kain pasin olsem. Bihain liklik na resa ya i wokabaut i go long beksait bilong balus na Junia i kirap na tok olsem: Yu ya maski, yu karim stret ya. Junia i tok olsem na Kanage i kirap nogut stret na paitim maus bilong Junia. Tasol dispela wokmeri bilong balus i smail na tokim Kanage: Laki tru na em i liklik manki yet. Sapos em i bikpela olsem, bai mi lainim em long ABCD.

Cloud Nine
KEREMA

□ Wanpela taim lapun Kanage wantaim misis bilong em i kros. Tupela mekimsave i go na misis bilong Kanage i belhat na kirap mekim nabaut long ol samting insait long haus. Kanage i stap ausait na harim misis bilong em i mekim nabaut long ol plet na sospen insait long haus. Na em i kirap singaut i go insait long misis bilong em na tok olsem: Olsem wanem, ol pelet na sosopen i kaikaim yu na yu rap long ol? Misis Kanage i harim daling bilong em i tok olsem na em i bel kaskas olgeta. Na em i kisim hap stik bilong tanim saksak na i go sanap long dua bilong haus na tokim Kanage: Sapos mi putim dispela hap stik antap long het bilong yu, yu bai kolim nem bilong bubu meri bilong em.

Lapun Kanage i harim misis bilong em i tok olsem na em i lap indai stret. Bihain na em i kirap tokim lewa bilong em: Tru tumas, sapos dispela hap stik i tanim bek na kaikaim yu, yu bai tingim gen namba wan taim mitupela i bung long yia wan. Ol bubu bilong tupela i harim Kanage i tok olsem na ol i kirap tokim misis Kanage: O bubu meri, em bai yu yet nau.

The Oldman
BULOLO

■ Kanage em i wanpela yangpela man. Na wanpela mama i save traim lak long em. Mama ya i save traim lak long Kanage tasol Kanage i no save bisilong mama ya. Mama ya traim i go i go na em i belhat olgeta.

Wanpela taim long belo mama ya i lukim Kanage i kilim skin long wok i stap na em i go na tokim Kanage: Se, wok bai no inap ranawe. Em belo ya, kam na mitupela i go na bai mi sautim lans long yu. Kanage skelim askim bilong mama ya na em i save olsem mama ya i laik bringim em long peka-to pasin. Olsem na em i kirap na tokim mama ya: Em orait, mi no hangre. Bai mi wok i stap. Bekim bilong Kanage i mekim mama ya i kros olgeta na kirap tokim Kanage: Bai mi strong yet i go inap mi holim pasim tel bilong yu. Na taim mi holim tel bilong yu, yu bai no inap ting lus long nem bilong mi.

Kanage lap indai na tokim mama ya: Yu ting mi wanpela paralais man.

Kanage Fan
BUKA

Man i ting rokrok na kilim namba wan meri



LONG bipo, bipo tru long taim bilong ol tumbuna bilong mipela, wanpela man wantaim meri bilong i bin stap. Tupela i gat tupela pikinini.

Wanpela taim man ya i tingting long maritim narapela meri na em prenim wanpela meri. Bihain long sampela mun i go pinis, man ya maritim dispela nupela meri bilong em. Na ol i bin i stap gut long liklik taim tasol.

Ol i stap gut i go i go na wanpela taim nau namba wan meri bilong man ya i bin i go baim posin bilong bagarapim het bilong man bilong em. Em i go na baim na kisim i go na putim i stap long haus.

Wanpela taim man ya wantaim namba tu meri bilong em i go long bus long sekim ol banis bilong kisim abus we em i bin putim long sampela de i go pinis. Tupela i wokabaut i go na kamap long bikbus tru we man ya i putim ol banis long kisim abus. Tupela i go kamap na man ya i kirap tokim namba tu meri bilong em long i go long narapela rot na i go waitim em i stap long wanpela liklik haus man ya i save i go i kam long bus na slip long en.

Em nau namba tu meri bilong em harim tok na em i go long dispela narapela rot. Em i



wokabaut i go na em lukim wanpela traipela rokrok i sindaun i stap long wanpela bikpela lip bilong diwai. Taim em i lukim rokrok ya, em i kisim dispela rokrok na em i pasim wantaim ol lip na pulmapim long bilium bilong em na em wokabaut i go.

I no longtaim tumas na em pilim pen long beksait bilong em. Olsem na em i rausim bilum na stat long sikirapim beksait bilong em i stap. Pen ya i go bikpela na em pilim nogut stret. Olsem na em singautim man bilong em i go long em. Taim man ya i harim meri bilong em i singaut, yu save nupela meri ya, em i ron i go hariap tasol na askim namba tu meri bilong em olsem: "Bilong wanem yu wok

long singautim mi?" Na namba tu meri bilong em i tok: "Wanpela samting i stap long beksait na i wok long tasim mi." Taim man ya i lukluk, sori tumas, em lukim traipela rokrok ya i mekim hol insait long beksait bilong meri ya na sindaun i stap.

Man ya i lukim na kirap tokim meri bilong em: "Wanpela rokrok i stap insait long yu ya." Na em slipim meri bilong em i go daun. Na kwiktait tasol em i mekim paia na kukim gras bilong tripela kapul em kisim long banis.

Hariap tasol em i katim bel bilong tripela kapul ya na rausim ol bel, na kukim antap long paia i lait. Taim ol bel bilong kapul i kuk gut tru pinis, em i hangamapim ol bel bilong

kapul long stik na holim i stap klostu long rokrok i satp insait long hol long beksait bilong meri em.

Man ya tokim rokrok ya: "Sapos yu wanpela man tru tru, orait yu kam ausait long skin bilong meri ya na yu kam kisim dispela abus."

Rokrok ya i harim olsem na gutpela smel bilong ol abus ya tu i mekim na em i kam ausait long beksait bilong meri bilong em. Taim rokrok ya i kam ausait, man ya i kisim hap paiawut tasol na em kilim rokrok. Rokrok i tromoi lek han i go na dai olgeta.

Bihain meri bilong man ya i pilim bagarap olgeta long beksait bilong em.

Man ya karim meri bilong em na em i stat long wokabaut i go long haus. Em i karim meri bilong em na kra i go inap em i go kamap long ples. Na em i laik lukim ya nogat, dua bilong haus i pas. Em i opim dua na i go insait na lukim planti blut nabaut i kapsait i stap klostu long dua na i go isnait long rum bilong namba wan meri bilong em.

Hariap tasol em i go sekim insait long rum ya nogat, em holim wanpela kol samting. Em i go laitim paia na lukim gut na lukim olsem meri bilong em indai i stap long rum. Tupela liklik pikinini bilong tupela meri i go lusim wantaim ol lain bilong em long ples bilong em.

Man ya i go toksave long sampela lain long ples na ol i kisim bodi bilong namba wan meri bilong em i go na planim.

Samting tru i olsem nmba wan meri i tanim na kamap sanguma na i laik kilim namba tu meri. Olsem na em i kamap rokrok na mekim hol long beksait bilong namba tu meri bilong man bilong em. Tasol man bilong em i kilim em.

Mescy Blue
Kumin Village
Mendi

Meri bilong mi paul na mi laik rausim em

Dia Lalplain,

Mi bilip olsem meri bilong mi no save stap gut wantaim mi. Olsem na mi laik rausim em. Tasol famili bilong mi i laikim em na ol i laikim mi long stap yet wantaim em. Nau yet em i gat bel na mi gat tingting olsem arapela man i mas givim bel long em. Famili bilong em i laikim mitupela long lukim wanpela welfea opisa na toktok long dispela hevi. Bai mi mekim wanem? Bai mi lusim em wantaim bebi o nogat?

WHOSE CHILD?

Dia Pren,

Mipela i sori long harim hevi bilong yu tasol mipela i no inap tokim yu wanem samting long mekim. Disisen i stap long yu, meri bilong yu na ol famili na lain bilong yutupela. Mipela bai tokim tasol sampela samting long yu ken tingting na mekim wanpela disisen.

Hia em sampela kwesten o askim yu ken tingting.

1. Watpo na yu ting olsem meri bilong yu i no stap gut wantaim yu? Yu gat evidens long em i paul wantaim arapela man o yu harim tasol ol toktok we sampela taim i ken giaman toktok tasol? Em i tokim yu olsem em i save paul wantaim arapela man? Sapos nogat, husat i tokim yu? Yu ting i tru olgeta olsem em i paul wantaim arapela man o ol man? Sapos em i no mekim dispela samting, i no gutpela long yu sutim tok nating long em.

2. Long pas bilong yu, yu tok olsem famili bilong yu i laikim meri bilong yu. Na ol i laikim yu long stap yet wantaim em. Yu



ting ol bai laikim em sapos em i paul wantaim arapela man?

3. Taim yutupela i marit, yu na meri bilong yu i laikim na luvim wanpela na arapela? Yu laikim na luvim em nau? Em i amamas o nogat? Yu mekim ol gutpela pasin long em o yu wok long mekim ol pasin nogut long em? Em i gat laik long stap wantaim yu o nogat? Toktok long meri bilong yu na painim aut wanem samting em i pilim o ol tingting bilong em.

4. Yu ting i tru olsem pikinini ya i no bilong yu? Sapos yu na meri bilong yu i bin slip wantaim na em i kisim bel, yu no inap save. Sapos pikinini i bilong yu, i tru olsem yu laik lusim pikinini wantaim mama bilong em?

5. Yu no tokim mipela yu marit long kastam pasin o aninit long lo bilong gavan. Sapos yu marit aninit long Marit Ekt, yu ken lusim meri bilong yu aninit long Matrimonial Causes Ekt long Nesenel Kot. Dispela i ken kisim longpela taim na tu kos bikpela mani.

Ol hevi we i ken oraitim wanpela man o meri long lusim o rausim patna bilong em aninit long Matrimonial Causes Ekt em

sapos man i paul wantaim arapela meri o meri i paul wantaim arapela man, mani kamapim bagarap long meri o meri i kamapim bagarap long man, man o meri i stap longpela long patna bilong em long tupela yia i pasin bilong go het long dring bia.

Sapos yu lusim meri bilong yu wantaim nogat gutpela as na em i tok olsem yu papa bilong pikinini, em i ken kotim yu aninit long wanpela lo ol i kolim Deserted Wives na Children Ekt.

Sapos yu marit annit long kastam, dispela i min olsem yu mas brukim marit aninit long kastam. Sapos wanpela meri i marit aninit long kastam na emi asua na man bilong em i rausim em aninit long kastam, em i no inap long askim long sampela mentenens. Em i ken askim long mentenens long ol pikinini aninit long Child Welfare Ekt o aninit long Deserted Wives na Children Ekt. Ol dispela samting i stap long pepa we Lo Rifom Komisin i kamapim.

Yu ken lukim olsem samting o disisen i no stap long tingting bilong brukim marit i no brukim marit. I gat planti samting long dispela. Bilong wanem na yu no laik toktok wantaim meri bilong yu na tu sampela wantok long dispela hevi? Sapos yu save go long lotu, inap yu toktok wantaim pasto o pater long dispela hevi bilong yu?

Wanem samting yu laik mekim, tingting gut pastaim long yu mekim wanpela disisen. Bikos wanem disisen yu mekim, ansa bilong dispela disisen bai pundaun long meri bilong yu na pikinini we i stap yet long bel bilong em.

Lalplain

CITY PHARMACY

BANK CHEQUE OCTOBER 1996

PLEASE PRINT OR BEARED

CITY PHARMACY

THE SUM OF **THE ONE MILLION KINA K 1'000'000-00**

CLEARANCE

376 876910 345 *Sub*

PRICES ARE SLASHED
NOT NEGOTIABLE

PRICES ARE SLASHED




Antique Photo Frame 5 Asst was 13.50
K6.75



Sports Chair was 11.90
K5.95




Selected Healthtex Clothes
1/2 PRICE




Ambershade Sunglasses was 8.50
K4.25



PANAMATE CAMERA
7.50
4.99



EUCRYL SMOKERS TOOTHPOWDER
4.70
3.99



SHOPPING BAG
3.50
2.99




NICE BODY SPRAY
2.95
1.99



NECKLACE
3.65
2.99




GODREJ HAIR DYE
3.50
2.50



VIDAL SASOON ZINI SHAMPOO




LADE PARIS PERFUME



PERFUME SAINTIMA



KIDS CARTOON VIDEOS



ROUND & OVAL BASKETS




WESTERN EXPRESS TRAIN SET



LADIES PVC BAGS




KEY CHAIN BOTTLE OPENER



NAIL POLISH



KITCHEN APRON



FAIRPLUS HERBAL CREAM

BUY ONE GET ONE FREE

BUY 1 GET 1 FREE · BUY 1 GET 1 FREE · BUY 1 GET 1 FREE

- **Prices Are Slashed**
- **Its All Got To Go**
- **So Hurry and Save**

Great Prices... Good Health
CITY PHARMACY
 NATIONWIDE

Glasman em konman bilong Lae

Dia Edita

PIA mi wanpela manki long Sepik mi stap nau long Lae long Ten Siti setelemen. Na mi laik putim aut dispela toksave long yu husat man o meri long Morobe na tu long yu husat man o meri long narapela provins na yu stap nau long Lae siti o wanem kona bilong Lae siti. Mi laik tok olsem sapos yu lukim wanpela lapunman. Em fatpela man na em i gat kela long het na oltaim em save werim kep. Dispela man em bilong Morobe provins.

Mi laik tok save long yupela olsem tambu tru long yupela harim wanpela giaman politikis bilong em na bai yupela bai guria long saplaim ol samting long em olsem bia, simuk, buai, kaikai na ol abus olsem kakaruk. Dispela man em i wanpela giaman man. Nogat moni bilong em na tu

nogat bisnis bilong em.

Em wanpela rapis pipia man em save raun raun nating long giaman politik long kisim pe saplai long ol man. Na tu em save pretim ol man tu na wanem ol samting ol save saplaim long em ol bai i no inap stop o pinis. Bikos ol bai pret long ol dispela giaman bulsit toktok em mekim ya na ol bai wokim yet. Em i bin mekim planti taim pinis long trikim ol man na kisim bikipela moni long ol. Na ol bin belhat na ol i rausim em. Wanpela long Baundri rot na wanpela long Labu wan. Dispela man em i hap kas Busama na Labu man. Em i wanpela klasman bilong orait sik bilong ol man. Tasol em save pilaim giaman politikis bilong em long em long sait long kisim fri saplai long helpim em yet. So sapos yupela painim dispela

man i stap wantaim yupela na mekim sampela giaman mauswara long yupela.

Noken larim em i stap wantaim yupela. Wanpela samting tasol rausim em tasol long haus na sapos yu harim giaman politik bilong em i no long taim na bai yu painim olsem yu bai sot tru long kaikai na moni tu wantaim. Na taim yu sutim graun i stap nau em kirap na paul long narapela hap.

Na wanem samting em i giamanim yu long en bai nogat nau.

So em tasol mi gat long putim aut dispela toksave long yupela.

Toksave sapos yu wanem man i laik spaotim o agensim. Mi welkam tasol long lukim pas bilong yu long Wantok.

KenYean Joe
Manki Sepik, Ten Siti Blok

Raskol mas brukim supa maket long Ramu moa yet

Dia Edita

MI wanpela manki long asples Dumpurumpu long Madang provins we Ramu Suga kampani nau i stap.

Mi wok wantaim Macate Pty Ltd long Ramu planti yia nau. Mi no amamas long dispela kampani long wanem, mipela i save wok Sande tu Sande na i no gat taim bilong mipela long malolo na lotuim God.

Dispela Macate trading i wokim planti maŋi tru. Bikos em i wanpela soping aria bilong Ramu Suga kampani na planti tausen manmeri i wok insait long Ramu i save kisim sevis long en.

Mipela ol wok manmeri bilong Macate i mekim bikipela wok tasol

kampani i save paim mipela K50.00 tasol. Mi bin amams tru long wanem long Mande Jun 24th ol rascal bin holim pas na kisim K50,000.00 kesmani.

Mipela i wok haŋ nating na mani i go long han bilong ol lesman.

Mi nau askim ol stilman o raskol long go het yet na mekim ol dispela pasin bai ol bosman i ken luksave long hevi bilong mipela ol wokman na wok meri.

Em tasol na yu husat i laik rait na sapotim em laik tasol.

Masprak
Nowan Onton
Ramu Suga.

Watpo PNG gavman laik givim indipendens long Bogenvil?

Dia Edita

MI wanpela man bilong Hailens provins, mi i no amamas long Prais Minista Sir Julius Chan i laik givim self-gavman, i go long Bogenvil. Mi laik askim Prais Minista Sir Julius Chan olsem.

- Sapos yu givim self-gavman long Bogenvil na yu ting yu inap ronim dispela kantri PNG gut?

- Sapos yu givim self-gavman long Bogenvil na bihain bai yu mekim wanem?

Ating dispela gavman bilong Chan/Haiveta i surik o pret liklik long stopim dispela hevi nau i stap long Buka. Bogenvil em i no wanpela bikipela kantri o provins. Em liklik ailan na populesen tu em i liklik, gavman mas baim wanpela hap ples olsem long Niugini ailan o long hailans na kisim

olgeta manmeri, pikinini bilong Bogenvil na lukautim olsem refuji kem na insait pik dok i stap long Bogenvil tokim Difens fos long kilim indai tasol.

Yu tingim amaspela ol difens BRA wok long long kilim indai.

Tingting bilong mi, mi no laikim dispela gavman bilong PNG givim self gavman long Bogenvil orait mi tok tru olsem ples bilong mi i gat gold, kopa na oil, so mi bai pait hat long kisim self-gavman tu.

Mi tok tru.

Na Papua Niugini em bai i stap we bihain, Sir Julius Chan?

Yu husait laik sapotim dispela tok o engesim orait rait tasol i go long Wantok.

Mr Mandaka Tage, Boroko Mosbi

Maritmeri noken tok pilai long ol yangpela

Dia Edita

MI wanpela manki bilong Sandaun provins, tasol nau mi stap long Lae Morobe provins, na mi laik autim wanpela wari o komplem bilong mi, long pasin mi save lukim long ol meri i save mekim long Morobe. Na mi lukim planti ol marit meri i no save was gut long maus bilong ol.

Na ol i save tromoi toktok nating long ol yangpela manki na ol

sekyuriti gad na ol skulman.

Na wanpela hap tok bilong meri em olsem, Yes bos kain bilong yu ya: Yu luk ya: na yu karim stret.

Plis dispela kain tok i save mekim ol yangpela manki i save kamapim planti kinkain tingting long ol meri.

Dispela tu i save mekim na ol yangpela manki i save gris wantaim ol marit meri, na dispela i

save bagarapim marit laip bilong ol. Mi ting ol meri i mas tok long ol man bilong ol yet, em gutpela na i no long narapela man. Bikos taim yu tok olsem, em yu kirapim tingting bilong ol yangpela manki. Em tasol husat laik sapotim o egensim em laik tasol.

Nick-Peter Herowi
Edwak Lumi
Sundaun provins

Salim pas i kam long:

WANTOK NIUSPEPA
PO BOX 1982
BOROKO. NCD

Noken makim nambis lain

Dia Edita

MI laik yusim niuspepa bilong yu long mekim sampela toktok i go long pipel bilong Burung, Kuat na Mongi Konstituensi, insait long Finsafen eria bilong Morobe provins. Mi yet mi wanpela man bilong Kwat konstituensi, mi gat tupela toktok bilogn 1997 nesenek ileksen bilong ol pipel long dispela tripela eria long lukim skelim na bihain namba wan toktok bilong mi i go long ol pipel yet.

Mi laik bai olgeta man meri long dispela erai long wok bung wantaim na makim wanpela kandidat long hap bilong yumi yet long sanap long narapela palaman bihain long 1997 nesenek ileksen.

Planti yai kam pinis yumi makim ol man long nambis olsem ol Kote na Yabim na yumi no lukim wanpela senis kamap isnait long eria bilong yumi."

Olsem na em taim nau bai yumi sanpa strong wokbung wantaim na mekim kamap sampela senis long 1997 Nesenek eleksen, nambatu toktok bilong mi i go long kandidat hsuat bai sanap nefis long makim tripela eria.

Mi laik bai yupela tu wok bung wantaim na nominetim wanpela tasol bilong yupela long sanap. Long resis. Sapos yupela mekim olsem em, bai yupela brukim vot na bai ol lain bilong nambis bai win gen.;

Bihain bai yumi luk nogut long ai bilong ol pipel. Olsem na plis pastaim long nesenek ileksen yupela makim tim wanpela man tasol long sanap long resis. Bihain long faivpela yia orait yumi makim wanpela ken long sanap. Mi yet nu no amamas long hamaspela yia nau i kam i no lukim wanpela gutpela sevis i go insait long Burang, Kwat, na Monfi konstituensis.

Long pinsim toktok bilong mi, mi laik tok olsem. I noken tru harim gris toktok o pait politikis i kam long long kendident sanap long nambis, em ol gris tasol. Long kisim namaba bilong yu.

Ol kisim namba bilong yu pinis yu inap long lukim ol gen bihain long ileksen. Ol i go hait pinis long Lae na Mosbi, inap narapela ileksen bai yu lukim-pes bilong ol.

Nogat sem bilong ol long kam na gris long yu gen long kisim namba tasol. Olsem na plis 1997 nesenek ileksen, yu tingting gut na putim mak bilong yu.

Mak bilong yu tasol bai kamapim em long eria bilong yumi.

BG Gaing
Kuat konstituensi
Morobe provins

Mumeng na Buang pipel bai vot long laik

Dia Edita,

MI laik kmaapim liklik toktok i sut long pas bilong brata H Nalau bilong Mosbi i bin kamap long niuspepa long Jun 6 1996.

Brata, yu bin rait na kamapim ol dispela toktok. Ol pipel bilong Mumeng na Buang i mas sapotim Samson Napo na putim em gen long palamen bikos em i no bin bringim sampela projek o wok developmen insait long eria long ol sampela yia em i bin stap memba long palamen.

Brata sapos yu wanpela pren o wantok bilong memba, orait mi laik tokim yu olsem yu yet i daunim memba pinis long kain tok yu bin mekim.

Brata, yu bin askim tu olsem wanem kain wok projek o developmen i kamap long

Mumeng Buang eria na mipela i laik senisim lida. Brata ating sapos yu wanpela tumbuna bilong Mumeng na yu stap long Mosbi, i gutpela yu lusim Mosbi na kam bek long ples na helpim ples long develop. Harim, developmen em i no ol lida tasol bai kamapim, em yumi olgeta wanwan. Olsem na mi askim yu long kam bek na givim han.

Namba tu em wanem kain sevis na developmen em ol pipel bilong Mumeng na Buang i save kisim na ol i laik senisim lida? Brata, mi laik tokim yu olsem mipela ol pipel bilong ples i save kisim ol sevis olsem marasin long haus sik, skul, ekstensen wok bilong ol didiman na ol arapela tu. Brata yu toktok long wanem kain sevis em mipela i no save kisim. Yu laik bai yu kalap long fri ka bilong gavman long Mumeng i kam long Buang o yu laikim gavman fri sevis, olomon.

Namba tri toktok bilong yu i tok olsem husat pikinini Buang i laik sanap long 1997 ileksen i mas lus tingting na givim sapot long

Samson Napo yet.

Brata Nalau, mi laik tokim yu olsem husat i laik sanap long ileksen em laik na bilip em yet long sanap. Nogat man i stopim laik na tingting bilong pipel long sanapim husat pikinini ol i gat laik long en.

Brata, sapos yu wanpela sitisen bilong Mosbi siti, orait i moa gut long yu lukuk na glasim gut wanpela lida bilong yu long wanem hap bilong Mosbi yu stap long en na maski subim nus i kam long asples.

Brata Nalau, mi laik tokim yu olsem, strongpela bai i stap na nogat strong bai pundaun.

Brata, long mi yet, bai mi no inap kempen long wanpela kendidet stret olsem na brata, stap isi long Mosbi na noken tra im subim nus. Larim ol pipel bilong Mumeng na Buang i stap long laik bilong ol inap long 1997.

B. Roma (Poksie Buang)

Gavman mas givim indipendens long Buka

Dia Edita

MI laik putim wari we mi no amamas long ol plant PNG Difens fos i dai nating long hand bilong ol BRA long Buka. Mi laik tok olsem, yupela ol gavman inap givim laip ken long ami bilong yu bek? Taim ol i dai, ol kisim moni pikinini na ol i go olgeta long ples matmat. Laip bilong yumi ol man em bikipela samting. Ol ami ol wok long idai long han bilong ol BRA tasol. Dispela pait bilong ol BRA em liklik samting long yupela ol gavman long wokim sampela action long ol. Pinisim ol we bilong yupela ol gavman.

Sapos nogat givim ol indipenet, oneway tasol Nogat kilim olgeta BRA, wokim sampela tenknick, yu gavman yu slip tumas, opim ai bilong yu, long taim inap yupela solim pinis. Yupela

larim ol isi isi na planti ami bilong PNG i stop pinis.

Ol liklik ailan tasol mekim na ol ami wok long i dai wantaim ol polisman olsem wanem.

Wanem taim stret bai yupela gavman wokim eksen long ol. Wokim wan de tingting tasol, yu gavman yu gat pawa long wokim na stretim dispela trabel.

Em westim planti yia pinis. wokim kwik eksen, givim indipendens kilim ol i dai tasol. Inap ol ami bilong yu mi i dai long pait long kantri PNG, wantaim ol arapela kantri tasol ol ami dai nating long han, bilong BRA na em i no stret. Em liklik samting nating long ai bilong yupela ol gavman tasol yu gavman pasim na planti ami wok long idai.

Steven Baiyo PNG



Wokim blak pawa na go pait

Dia Edita

Mi laik autim tingting bilong mi long ol Difens Fos na Papua Niugini gavman. Long tingting bilong mi, mi laik tok olsem gavman mas lukluk i go long Kastam bilong ples. Bipo ol papa na tumbuna ol i save pait na ol i no save go nating nogat tru.

Mi laik tok olsem bipo ol i gat pawa o mesik ol i save wokim na ol i save kilim ol birua bilong ol.

Olsem na mi laik tokim yupela ol difens, traim na kisim ol wanwan bikman long ol ples nabaut na lukim pawa bilong em bai yupela kirap nogut long ronim ol BRA long Bogenvil. Mi tokim yupela stret save em i stap na sotgan em i stap tasol yupela i no inap winim ol na planti soldia i wok long dai. Na mi i gat wari tru long ol soldia i save dai long han bilong ol BRA ami bilong Bogenvil.

Mi wanpela grasrut bilong ples mi givim yupela dispela tingting.

Yupela save bipo ol papa tumbuna ol i laik i go pait ol save lukluk long pawa na tumbuna kastam bilong ol na i save go pait wantaim ol bilip bilong ol.

Em wari bilong mi i go olsem na yu husat i laik sapotim tingting bilong mi rait tasol i kam long Wantok na mi ken lukim.

Elias Kundi
Lae Morobe.

Angoram pmv nogat rispek

Dia Edita,

Mi laik autim bikpela komplem bilong mi i go long ol pmv bilong Wewak na Angoram insait long Is Sepik provins.

Komplem bilong mi em ol dispela pmv draiva i no save i gat rispek long ol turangu mama long ples husat i save laik go long maket.

Mi lukim long olgeta bikmoning tru o hap nait yet, bai ol pmv ya i kam mekim nois long ples long kisim ol mama i go long maket.

Mi lukim dispela i no gutpela bikos em biknait tumas. Na ol turangu mama i mas slip gut pastaim. Dispela kain pasin bilong hariap hariap i save mekim na ol mama pundaun long ka long na bagarapim ol yet bikos ai bilong ol i slip yet na ol i no kisim gut malolo na pmv i kam kirapim ol.

Mi ken lukim tu olsem long kisim pmv i go long Wewak taun na kam bek long Gavien Raba Risetelmen kem, em i no longwe. Em i klostu tasol long ron i go i kam. Olsem na ol dispela pmv i mas yusim het bilong ol gut.

Narapela hevi tu inap kamap em sapos draiva bilong ol dispela pmv i no kisim gut malolo o ai bilong ol i no slip gut, ol inap damim o kapsaitim ka. Ol draiva i mas tingim dispela hevi o birua inap kamap long ol sapos ai bilong ol i slip yet na ol i no gat gutpela malolo.

Mi ting olgeta manmeri i save kisim gutpela malolo long kisim gut strong long mekim wok.

Mi skelim dispela pasin olsem ol draiva i nogat rispek tru long ol turangu mama bilong ples na i laik pusim ol tasol long kisim mani. Planti mama i pundaun pinis long ka long dispela pasin.

Mi yet i ting dispela pasin ol draiva i mekim i no bihainim lo bilong trefik. Na tu ol i no bihainim laik na oda bilong trefik.

Em tasol komplem bilong mi na husat i laik tromoi moa tingting antap em laik tasol.

Julie Margretts
Angoram
Is Sepik provins

Givim indipendens isi tasol long Bogenvil

Dia Edita

Mi wanpela ples manki bilong Nuku distrik insait long Wes Sepik. Mi i stap nau long Vanimo na mi baim ol niuspepa na mi lukim olsem. Gavman bilong yumi i kamapim planti hevi pinis na planti Bogenvil ailan pipel i dai pinis na ol polis na ami tu bilong yumi yet i lusim laip bilong ol pinis na gavman i no tingting long lukluk na painim aut gut watpo pait i wok long het yet.

Mi rait long sapotim brat ya, Maro Gaia bilong Lae long skulim moa tok long helpim na kirapim. tingting bilong gavman long bel isi na givim indipendens long ol Bogenvil pipel.

Plis PNG het bilong gavman i mas wanbel nau na i no ken pasim tumas ol long i stap aninit.

Long yumi yet givim ol indipendens noken wari tumas long ol na ol arapela samting ol i gat. Yumi tu i gat inap gold, kopa na arapela maining i stap.

Plis gavman i mas tingting long ol indai bilong Bogenvil ailan pipel na ami na polis bilong yumi indai pinis. Em i no liklik hevi long kantri bilong yumi em i bikpela moa na God i lukim pinis ol dispela asua bilong gavman bilong PNG i kosim long bagarapim laip bilong ol pipel.

God em i stretpela jas na em i save gut long as bilong dispela pait namel long PNG ami na Bogenvil ami long dispela pait.

Mi tok strong olsem Julius Chan i mas pinis long praim minista na narapela man i mas kamap praim minisa bai em i givim indipendens long ol

Bogenvil ailan pipel long lukukim ol yet.

Ol Bogenvil ailan pipel i laik kisim indipendens. Em i hat tru na pait i stap yet. Ol Bogenvil ailan papagraun i no kisim gut moni bilong kopa long gavman olsem na pait i stap yet.

Plis gavman i mas opim ia na ai na gutpela na klinpela tingting long mekim sampela senis hariap bipo yumi lusim planti laip bilong ol soldia na ol manmeri yet bilong Bogenvil ailan.

Plis sapos yu husat i laik sapotim em i welkam o, yu gat arapela tingting long autim long em welkam tu.

Florian B Asu
Vanimo

Sapos yu laik salim pen pren i go ovasis raitim leta long inglis

Lukim gut Baibel na klia

Dia Edita

Mi save amams long ritim *Wantok Niuspepa* long olgeta Fonde, mi wanpela manki Oksapmin tasol mi kam i stap long Ok Tedi Mining Limited.

Mi laik bekim pas bilong brata Cletus Tuluk bilong Lumi.

Brata yu mas paul ya brata Cletus yu i gat buk Bible o nogat mi ting yu nogat buk Baibel ya. Brata inap yu tokim mi wanem hap bilong Baibel i tok i nogat tambu long ol samting brata yu mekim dispela tok na yu yet yu no pret a? Ating yu strongim sin bilong yu yet na yu tok olgeta samting i orait long yumi kaikai.

Mi save Cletus yu wanpela tisa na yu no save i go lotu. Yu lukim Baibel bilong yu long 1 Korin 3: 16:17

Sapos Cletus yu nogat buk Baibel nau mi tokim yu. Yu mas baim baibel na yu lukim dsela baibel ves Efeasas 5:18 Sindadaun 20:1 Aisaia 5:11 Luk 21:34, Matyu 24:48-50.

Brata yu lukism dispela baibel ves an sapos yu man bilong dring na kaikai buai yu lukim na tanim bel. Em tasol yu husat i laik spotim dispela pas bilong mi laik tasol.

Handipeng Gutul
Western provins

Gavman lus tingting long mipela ol gret 6

Dia Edita

Mi sapotim pas biong wanpela brata, Jacob, Monding, bilong Lae em tok long Wantok Nius bilong wanem gavman i no kisim ol gret 6 long ami. Ating mipela ol gret 6 i no skul, na mipela i nogat save a. Olgeta taim mi save lukim long posisen Vekensi we ol save raitim na nidim ol get 10 na yunivesti graduets tasol.

Na mipela turangu i stap olsem pipia lain stret.

Liklik save mipela save kisim long skul i bagarap nating. Na dispela save bilong mipela, em mipela save joinim raskel pasin na sampela taim bagarap save kam long mipela.

Olsem ating gavman mas luksave long dispela long ol gret 6 turangu

lains. Wanpela tingting bilong em olsem gavman mas go na lukim long olgeta sios, o lotu na askim long yut, husat em hat wok long misin bilong ol na dispela misin bai givin yut long wok.

Sapos dispela i no wok inap yupela kisim ol gret 10 na yuni studen na taim wok i kamap no ken tokim mipela ol gret 6 dropouts em bai mipela ranawe. O kilim yupela ol gavman soldia long tamiok o naip. Em bai mipela fomim wanpela rebels na egensim yupela ol gavman.

Em tasol tingting nogut bilong mi.

Amyalu Pavi
Gulf province, Baimuru

Indum i gat Hua ailan tu o nogat?

Dia Edita

Mi wanpela manki Kabwum mi save i stap long Hagen.

Mi gat liklik komplem long ol Hua ailand Indum insait long Kabwum Morobe provins. Mi save harim olsem ol Indum save tok Hua ailand (Sea) Sibruk. Dispela tok mi ting ol save tok pilai tasol bihain mi bin harim stret long ia bilong mi na mi no bilip.

Long Julai 1 96 wanpela man Indum Hua ailand bin ringim wanpela sista save wok long Hos Res na tok olsem inap mi pren wantaim yu o nogat.

Na tu sista ya bilong Selepet insait long Kabwum distrik tasol бага meri ya kirap na aksim бага man na em tok yu bilong we?. Baga kirap na tok mi bilong Hua ailand (Sea) Sibruk Indum.

Man ya ting olsem meri ya bilong narapela hap provins tasol meri tu bilong Selepet klostu long Indum tasol em ting olsem em trikim sampela meri. Tasol sista tok mi bilong Selepet na man ya lusim telepon hariap.

Brata yu ting yu mekim dispela tok i gutpela. Tasol long mipela ol lain Kabwum save i stap long Hagen mipela pilim i no gutpela long dispela tok.

Hau Ailand (sea) sibruk Indum. Brata mi laik askim yu olsem. Wanem hap bilong Indum i gat solwara istap.

Mi harim stret long lau bilong mi yu bin tok olsem Hua ailan sibruk olsem na mi askim yu. Inap yu tokim mi olsem aua ailan sibruk, i stap we?

Brata noken westim taim bilong sampela hap provins, insait long Kabwum o Morobe

provins mipela save olsem nogat wanpela Hua ailan (sea) sibruk i stap na tu nogat solwara. Ating Wap, Nibako, Kondolop na Dengop, Sorong ol mas i stap insait tru long si na Indum wanpela stap long Hua ailan.

Brata dispela tok ya semim mipela mangi Kabum, bikos yu bin tok Hua ailan i stap long hap bilong Kabwum olsem na mi putim dispela komplem long Niuspepa.

Na tu noken giaman ol meri olsem mi save wok ami. Dispela tok em yu giaman stret. Em tasol.

Sapos yu brata o sista laik askim, mi tok orait long Wantok Niuspepa.

Lock Konok
Mt Hagen

Politik tasol nogat developmen

Dia Edita,

Mi wanpela manki Manus na mi stap long ples. Na mi laik autim wanpela tingting bilong mi.

Olgeta taim mi lukim na harim planti man i toktok na stori long politik. Planti lida bilong mipela long pajamen na long provinsal gavman i save mauswara tumas long toktok long politik.

Tasol sapos yu lukluk gut insait

long olgeta dispela mauswara bilong ol, i no gat tru kaikai bilong toktok bilong ol. Nogat wok developmen i save kamap long mauswara bilong ol.

Ol i tok tok planti na apim nem bilong ol olsem lidman. Tasol wok tru bilong soim dispela lidasip o politik bilong ol em nogat olgeta.

Olsem na mipela ol pipel bilong ples i save sindaun na lukim olsem ino gat wanpela developmen tru na

mipela les pinis long ol politik tumas long ia bilong mipela.

Mi ting ol pipel i mas senisim olgeta dispela lidaman husat i save toktok tumas na nogat tru kaikai o wok developmen bilong em.

Em tasol komplem na wari bilong mi.

Bennie Sanio
Lorengau

Gavman i mas lukluk long haus kalabus

Dia Edita,

Mi wanpela manki bilong kol ples hailans na nau mi i stap long Bomana haus kalabus na wok olsem prisen woda. Mi laik sapotim wanwok brata ya William John i bin kamap long Wantok Niuspepa namba 1,147 Jun 20, 1996.

Brata ya i bin tok olsem stretim olgeta haus kalabus long kantri. Mi laik sapotim dispela pas bilong em bikos tru tumas olgeta haus kalabus i bagarap na i no gutpela tumas long ai bilong mipela ol woda.

Mi laik tok olsem lo na oda i kamap bikpela na inap gavman i mas wokim o

stretim olgeta haus kalabus long kantri pastaim na kalabus ol man na meri.

Sapos gavman i no wokim wanpela samting na kalabus man i ranawe na bikpela komplem i kam long mipela ol woda na gavman i no wanbel long mipela long ronawe bilong ol kalabus. Bikos olgeta haus i bagarap na kalabus man i ronawe olsem snek, rat long bus.

Em tasol pas bilong mi long sapotim pas bilong brata. Husat i gat sampela gutpela tingting moa long skruim antap em laik tasol.

SK Bomana, Prison Zoon, NCD



1997 BUDGET REPLY SPEECH

PRESENTED ON BEHALF OF THE OPPOSITION BY

**HON. MASKET IANGALIO, CBE, MP
SHADOW MINISTER FOR FINANCE**



MISTA Spika, long makim Oposisen mi laik putim aut ripot bilong mipela long tekim dispela Rivais Apropriesen Bil bilong 1996 na Fainensel Bil bilong 1997. Dispela kantri nau i bruk i go daun pinis. Gavman i go pas long dispela hevi na ol bagarap na baset nau i bruk i go nogut olgeta.

Mista Spika, mi laik putim stret olsem Oposisen i askim nau long rausim dispela Baset Bil we i bin kamap long palamen long las wik. Mipela i mekim dispela singaut long makim pipel bilong Papua Niugini husat i bungim hevi nau, ol i go paul bikos long gridi pasin na i nogat gutpela lukaut bilong gavman.

Mista Spika, nogat wanpela memba bilong palamen o ol pipel inap bilip long tok bilong gavman. Mipela i no go gut nau. Mipela i bin kisim planti tok givman, mipela i bin bagarap, nogat man i tingim mipela moa. Olsem na inap em inap.

Mipela i no wanbel long dispela baset. Mipela i no wanbel long ol rot na pasin gavman i mekim. Na mipela i no wanbel long olgeta tingting bilong gavman long pulim mani i kam. Mipela i no inap kolim amendmen long dispela bil. Mipela i askim long rausim. Mipela askim gavman long tokaut long mak dispela kantri i sanap long en. Mipela i askim gavman long mekim tok tru long dispela 1996 baset we mani i go aut long en. Mipela i laik lukim tru ripot bilong 1997 baset we mani bai i go long en na mani bai i kam long en. Mipela i laikim tasol trupela baset we i mas kamap long mun Novemba olsem planti baset bipo.

Las wik Tunde, Mista Spika, Minista bilong Fainens i tokaut long dispela baset olsem nupela kain baset. Palamen Hanset pepa i ripot stret long maus bilong Minista olsem planti mani tru bai i go long ol dipatmen na ejensi na ol provins. Em i tok em i no inap daunim amas mani bai i go aut. Wanpela rot long pulim mani em long apim rot bilong pulim mani. Tasol long wanem kos?. Olgeta Papua Niugini manmeri, papamama, pikinini, fama, studen, bas draiva, liklik bisnisan, waitman, blekman na olgeta kain kain man i save baim bikpela prais moa long kaikai bilong ol. Long wokim dispela kain baset, gavman i mas lukluk long rausim ol sampela samting we i no gutpela tumas.

Mista Spika, dispela gavman i stap long narapela graun olgeta. Ol i no tingim tru kra' bilong ol pablik manmeri bikos long dispela rabis disisen bilong gavman. Tupela de bihain long Mista

Haiveta i tokaut long dispela baset, Mista Andrew Baing i tok gen olsem Praim Minista i no givim tok orait bilong em na tu pati bilong em i no givim tokorait bilong ol long dispela baset. Sapos olsem, nogat wanpela baset inap kisim tok orait inap kabinet i oraitim. Husat bai mipela i bilipim, Mista Baing o Fainens Minista Haiveta.

Namba tu Praim Minista i tokaut long Independen Niuspepa olsem Mista Haiveta i tok Praim Minista yet i bin kisim dispela baset ripot i go long kabinet taim Mista Haiveta i bin go long Australia. Long skelim toktok bilong namba tu Praim Minista, olgeta lain long kabinet i bin sapotim dispela baset.

Mi ting olsem nogut Deputi Praim Minista i tok givman na Mista Baing i tok tru. Sapos olsem, dispela baset proposel i no bin kisim tokorait bilong kabinet na dispela i min olsem Mista Haiveta i givmanim yumi yumi i gat wanpela pepa we i no bihainim lo.

Mista Spika, mipela i bin kisim toksave tu olsem kabinet i bin oraitim 1997 baset tasol i no gat gutpela ripot o rot bilong pulim mani i kam long neks yia na dispela we Minista i tokaut long las wik em em yet i wokim long save bilong em yet.

Mipela i no laik bilip long dispela stori bikos Fainens Minista yet i bin tokaut tu olsem, olsem lida yumi mas harim toktok bilong ol pipel maski em i sut long yumi ken glasim bek step bilong yumi long ol taim i go bek.

Sapos dispela olgeta samting em tru long ol toktok bilong dispela baset, wanpela rot tasol long Minista na Deputi Praim Minista i ken mekim em long risain. Em i mas risain long sevim gutpela nem bilong em, sevim gutpela nem bilong opis bilong Deputi Praim Minista na tu gutpela nem bilong Fainens opis. Sapos nogat, Praim Minista yet i ken rausim em.

Mista Spika, mi salensim Praim Minista tu long putim aut NEC ripot long palamen bai yumi ken lukim husat i tok wanem na husat i sainim NEC disisen.

Nau yumi harim olsem Praim Minista i kam bek pinis long raun bilong em long ovasis long sevim mipela long dispela hevi Chris Haiveta i bin mekim. Mista Haiveta i tok dispela em nupela kain baset we i gutpela tru long Papua Niugini. Na Praim Minista i mekim narapela toktok gen long senisim dispela baset gen. Husat bai yumi bilip long en?. Wanem samting i wok long kamap nau?. Wanem kain gavman em

dispela? Husat i mekim ol disisen na ol i mekim olsem wanem?.

Mista Spika sampela man i ken tok olsem gavman i no wok gut wantaim. Na dispela em tru. Tru olsem gavman wantaim ol edvaisa bilong em i no mekim gut samting. Ol minista i no klia long ol hevi na samting we i wok long olgeta de.

Wanpela samting nau em gavman i no inap bungim taget bilong 1996 baset. Long dispela as, em i go het na putim hevi i go antap long ol pipel gen we em i go het na putim moa takis antap long ol samting. Ol i laik mekim dispela grisim Wol Beng long kisim dispela dinau mani. Bikos nau mani i sot long planti samting gavman i kirap na putim kamap dispela Rivais Baset bikos long ol klangki tingting na disisen bilong em yet.

Mista Spika, mi ting dispela ino wanpela rot tasol long amamasim Wol Beng. Mi ting gavman i mas mekim senis long dispela Forestri Ekt Amenmen bilong Andrew Baing we i bin kamap long palamen na i no kisim wanpela sapot liklik.

Gavman i no winim wanpela samting yet long dispela rabis baset bilong em.

Mista Spika, mipela i no laikim ol pasin bilong dispela gavman. Mipela i no laikim dispela tingting we gavman brukim reveniu bil i go bilong em yet long ekspendisa bil. Mipela bai save olsem wanem long dispela reveniu bil?. Olsem wanem bai mipela i save long amamas mani bai kantri i lusim taim mipela i no lukim dispela reveniu bil?. Mipela i tok tru na mipela i laikim i mas i gat dibet o toktok bilong skelim dispela baset i mas kamap long palamen, long nius, long ples, bikpela ples bung, long wok ples o long rot tu.

Mista Spika, reveniu em i no ansa long hevi bilong yumi. Yumi mas luksave long ol eria bilong skelim mani i go long ol na givim i go long ol gut. Yumi mas go daun long ol samting we kantri bilong yumi na ol pipel i ken baim.

Wanem samting gavman i mekim em stretim rong bilong em long kamapim takis i go antap long ol bisnis na pablik. Mista Spika, yumi lukluk long sampela ol rot olsem; takis i go antap long pe bilong ol wokman husat isave kisim moa long K4000. Mista Haiveta i tok dispela takis bai sut tasol long olgeta wokman husat i save kisim bikpela pe. Mista Haiveta i mas save olsem planti bilong ol wokman i save kisim liklik pe. Olsem na dispela takis bai i go long ol yet long pe

we i stap namel long 4000 na 6000. Yu ting bai i nogat askim long ol wokman long kampani i apim pe bilong ol sapos pe bilong ol i go daun bikos long takis. Na yu ting bai ol kampani i go het yet long apim pe bilong ol wokman?. Ansa em nogat tru.

Takis antap long kampani takis. Gavman i tokim yumi olgeta pinis olsem yumi nau i orait bikos long diveluesen. Wanem ol kampani i go gutpela pinis bikos long diveluesen?. Mista Haiveta i tok gavman bilong tude i gat bilip long ol invesmen komyuniti bilong hia yet. Dispela em narakain olgeta bikos ol kampani i mas mekim profit pastaim long gavman i ken lukim goap bilong ol kopret takis. Olsem na mi no lukim wanpela kampani i mekim yet bikpela profit we gavman i ting.

Gavman i laik apim takis tu i go antap long rais. Dispela em kaikai tru bilong olgeta manmeri bilong dispela kantri. Gavman i tok pinis olsem planti mani moa bai pundaun long dispela kantri bikos long diveluesen na flot long kina. Dispela i min olsem kantri i wokim bikpela mani pinis na amas mani em i laik kisim gen long ol pipel long apim kain takis olsem?. Em i soim olsem em i laik mekim ol pipel i go angre olgeta.

Wanpela samting yumi ken lukim. Kos bilong bas fea, kos long ron long sip, olgeta samting yu baim long Mosbi i go antap. Ol sop, tin pis, tin mit, rais paket, flaua, ti, suga, bokis masis, seken han kolos na ol samting we ol pipel i baim i gat kos o sas bilong trenspot i stap insait wantaim ol takis bilong gavman tu wantaim.

Olsem wanem long petrol?. hap bilong ol papa bilong ka i save yusim petrol bai kisim taim. olsem wanem long ol dingi we i save ron long ol asples?. Makim long ples bilong Mista Haiveta yet long ronim dingi long Lavari i go long Kerema, Uritai, Ihu o Baimuru na skelim kos bilong petrol we 15 toea long wanpela lita i go antap. O ron bilong pmv ka long Lae i go antap long Wabeg?.

Fainens minista i no bin soim yumi wanpela data o statistik long mekim klia olgeta dispela takis ripot bilong em, na ol takis em i laik putim i go antap long ol samting. Em i tok rais kampani i wokim planti bikpela profit pinis. Dispela em rabis toktok. Mi ting ol memba bilong palamen i mas ritim ripot bilong Sean Dorney long Independen niuspepa we em i soim ol toktok bilong Minista na ol toktok bilong em long rais.

Apim prais long ol fuel na petrol bai

apim prais bilong ol samting ya long PNG yet. Na planti industri na kampani bai lusim mani, nogat profit, pasim wok, ol wokman bai lusim wok bikos long dispela tingting na disisen nogut bilong gavman.

Mi bin lukim save olsem prais bilong bensil na disel i bin go antap tasol prais bilong eveiesen ges i nogat. Dispela i min olsem bikos praim minista i gat ol helikopta na balus?

Minista i bin tokaut long dispela baset bilong em long givim moa mani i go long ol eria olsem Edukesen, Agrikalsa, infrastraksa na Lo na Oda. Dispela em olsem 3 pesen i go antap long ol baset bilong ol. Tasol olpela ripot i tok inflesen bai i go antap long 7 pesen. Dispela i min olsem ol dispela eria i lusim baset bilong ol i go daun.

Dispela gavman i save mekim planti pasin giaman. Minista na ol biknem pablik sevans i save bungim ol memba bilong pablik na praivet secta long ol kain kain miting na ol semina long tokaut long ol nesenel ekonomik developmen forum, putim ol tingting na toktok long ol invesmen. Dispela em ol wanem samting. Nogat tru. Olgeta minista i wok long promis long ol kain kain samting tasol i no save givim wanpela samting.

Mista Spika, ol memba bilong dispela haus na ol pablik i nogat wanpela wanbel long dispela gavman. Olgeta hap nau ol i tok beksait long dispela baset. Olgeta lain long semba ov Komes, Pablik Emplois Asosiesen, Tred Yunion Kongres, Fising Industri Asosiesen, Nesenel Fores Risos Ona asosiesen, ol niuspepa, ol man bilong autim tingting, ol pablik na olgeta kain kain lain i mekim ol toktok egensim pinis dispela baset.

Longdispela as, Oposisen i muv long olgeta baset ripot long palamen las wik i mas stop pastaim. Mi askim olgeta memba long yusim gutpela tingting na vot egensim dispela baset na yumi olgeta i mas skelim gen pastaim. Ol pipel i makim yumi long was na lukautim-welfea bilong konstituens. Dispela Rivais Baset na 1997 Fainens Bil bai mekim olgeta samting i go narakain. Ol bai kamapim moa hevi long ol pipel gen. Ol bai givim hat taim long ol kampani long mekim wok bilong ol na i no inap long pulim invesmen i kam. Yumi mas senisim dispela baset na putim gutpela baset we i sut stret long gutpela sindaun bilong ol pipel.

Mista Spika mi askim gavman long lukluk gut long baset ripot bilong ol praivet sekta we ol i givim i kam long ol industri bodi bilong ol. No ken abrusim ol. Ol i save moa long wokim bisnis na ekonomi moa long ol lain i wok long Fainens, Sentrel Beng na ol ministriel opis.

Mista Spika, mi laik toktok tu long dispela senis we gavman i kamapim long apim takis antap long ol Pika Masin. Dispela i soim olsem gavman i kirap nogut. Yumi gat wanpela bil i stap long palamen long rausim dispela Poka Masin long kantri. Nau yumi lukim gavman i laik apim takis long Poka Masin long stretim dispela baset bilong em

wantaim nupela takis. Larim yumi traim long holim vot long dispela lejislesen bilong rausim poka masin. Sapos gavman i win na poka masin i stap yet, orait larim na yumi lukluk long arapela rot bilong lukaut na banisim dispela industri. Gavman i wok long lukim dispela poka masin olsem wanpela bikpela rot bilong pulim mani long en. Dispela em nogut tru bikos em i ken kmapam planti kain kain hevi long komyuniti taim gavman i putim planti bilip long dispela masin bisnis.

Mista Spika, em i isi na i no stret long husat Oposisen na gutpela memba bilong palamen long sapatim nating dispela 1996 Baset Rivisen na 1997 Fainens Bil.

Mista Spika, mi ken tok olsem 1995 baset i bin narakain olgeta long olgeta baset bikos long dispela taim kantri i bin bungim bikpela hevi long sait bilong mani. Long dispela taim, planti kampani i pasim wok bikos long ol bil bilong ol, planti sosel sevis i no wok, hevi long Bogenvil i wok long go bikpela moa, planti raskel pasin i kamap long ol taun, paul na stil pasin i wok long kamap planti. Tasol long dispela taim, Praim Minista wantaim ol lain bilong em i wok long go het yet na raun long olgeta hap bilong wol. Olsem na mi tok olsem sapos dispela pasin i kamap gen bai volkanu i pairap. Em i pairap nau long olgeta hap bilong kantri nau.

Mista Spika, planti bikpela hevi long sait bilong mani tude i kamap bikos ol hevi bilong pablik em gavman i no save lukluk gut na stretim. Olsem na long dispela as, ol sevis i no save go long ol pipel na baset bilong ol tu i no save go kamap long ol.

Mista Spika, mi skelim 1996 baset olsem em i pulap long win tasol na sapos yu lusim han long em, bai em i go na yu i no inap long holim bek.

Mista Spika, yu ken tingim long 1995 mi bin askim long wokim mini baset long stretim ol hevi i kamap na bringim baset long mun Mas 1995. Dispela em long mekim yumi luksave long eria we mani bai i go long en na kamapim gutpela baset long Novemba.

Tasol Fainens Minista i no harim tok bilong mi. Nau 9-pela mun bihain, em i kamapim dispela Mini Rivais 1996 Baset long traim stretim hevi we mani i sot long planti ol dipatmen, provins na ol sevis.

Gavman, Mista Spika, gavman i bin tromoi moa mani abrusim 1995 baset na gen tromoi moa mani abrusim 1996 baset. Nau em i laik painim mani long putim i kam insait na stretim ol dispela hevi olsem na emi kamapim ol dispela reventu baset we bai i givim bikpela hevi moa long ol pipel. Nogat gutpela plening na mensmen.

Noken yusim Orogen Sea Flot na Wes Nu Briten Wel Pam projek olsem bai dispela i pulim bikpela interes long sait bilong invesmen long kantri.

Tru olsem tupela samting ya em tupela bisnis eria we bai i kamap gut long bihain. Tasol gavman i go het long

salim sea bilong stet long tupela eria ya long painim mani long stretim hevi bilong mani long kantri. Gavman i no gat arapela tingting moa.

Mista Spika, Fainens Minista i no tokaut yet long em bai mekim wanem long mani bilong dispela tupela bikpela projek ya. Mi no laikim em bai yusim mani long wei bilong kisim na tromoi tasol. Gavman i mas kisim mani na putim long gutpela rot bilong pulim mani long planti taim bihain we ol pikinini long bihain tu i ken kisim helpim long en.

Mista Spika Fainens Minista i no tokaut tu long em bai yusim profit bilong oil pam na MRDC long baset bilong bihain.

Mista Spika olpela baset bilong dispela 1996 Rivais Baset i soim olsem K1,924.3 milion. Tasol taim ol i lukim gen, ol i apim i go antap long K2,044.0 milien. Dispela em K119.7 milion i go antap. Em i mekim dispela bikos:

1. Ritrensmen kos bilong ekstra K15.7 milion
2. Ekstra mani bilong givim long ol ami long Bogenvil wok K27.0 milion,
3. Kabinet disisen long givim moa mani i go long ol spesel wok olsem Projek aninit long Rurel Diviloopmen Program K45.0 milion.
4. Kos i go antap long domestik interes kos long K12.0 milion
5. Givim moa K41 milion i go long ol bikpela eria we gavman i tingting long en na tu K29.5 milion bilong ol wok mentenens na K8.5 milion i go long Home Afeas, Yut na Wimen.

Mista Spika, dispela baset i sut long ol samting we i nogat gutpela plen bilong ol. Dispela baset i senis long olpela mak we ol i makim long brukim tasol K1,924.3 tasol nau ol i go antap moa long K2,044.0 milion.

Bringim ol kabinet miting i go aut long Mosbi siti long wanwan provins long dispela taim we nesenel ileksen i kamap klostu em politiks kempen tasol bilong ol pati i stap long dispela gavman. Na dispela tu i kosim bikpela mani long go aut.

Bikpela lain opisel i save raun wantaim Praim Minista long ol wok i save kos bikpela mani moa long kisim balus na helikopta. Bikpela mani go aut long ol dispela kain samting na planti haus sik i stap nating nogat marasin, ol skul i pas bikos nogat inap mani na planti rot i go nogut bikos no gat mentenens long ol.

Mista Spika long 1996 Baset mi askim gavman long lukluk long givim mani i go insat long wok bilong Rural Developmen Program (RDP). Mi askim gavman long watpo gavman rifom na dispela RDP i no inap kisim helpim. 6-pela mun bihain na gavman i stat long painim mani bilong givim i go long wok bilong RDP.

PNG i gat planti samting long pulim mani long ol. Tasol gavman i yusim ol dispela mani long ol samting nabaut. Ol mani gavman i yusim i no go long wok bilong stretim ol developmen long sait bilong sosel, ekonomik na arapela bikpela eria.

Mista Spika, dispela kantri olgeta taim i save harim olsem bai i gat planti mani tru. Nau ol pipel i wet yet long harim na lukim dispela planti mani bai i kam ol nogat.

Yumi wok long harim olgeta taim olsem ekonomi i wok long go gutpela nau. We stap ol dispela benefit. Watpo na ol pablik i wok long givim hevi long ol disisen bilong gavman yet?

Wanem samting Mista Haiveta i wokim em narakain olgeta long ol palamen bipo i kam. Nogat wanpela memba i save putim baset long palamen na wanpela de bihain em i rausim gen. Long olpela Haus biong Asembli na ol palamen bipo tu dispela pasin i no save kamap.

Kantri nau i askim moa askim olsem: - Mista Haiveta i tokaut long tru mak na sanap bilong dispela kantri taim em i kamap minista?

- Mista Haiveta itok tru o nogat long ol toktok bilong gavman wantaim Wol Beng long SAP program bilong kisim K25 miline dinau bilong Wol Beng?

- Mista Haiveta i bihainim rot stret bilong pablik fainens mensmen Ekt long putim aut dispela tripela baset?

- We ol toktok bilong Mista Haiveta long ol wok bilong ekonomik long kantri i tru na ol manmeri i ken bilip na Mista Haiveta em fit long holim na ronim wok bilong Fainens Minista long go pas long Fainens bilong dispela kantri.

Mista Spika, dispela kantri i laikim trupela ansa long ol dispela toktok.

Dispela hevi em bikpela na i askim gavman long rausim dispela bil bilong 1996 na 1997 Fainens Bil long palamen na mekim gen long Novemba.

Mipela i no wanbel tru long dispela bil i kamap long palamen. Olsem na dispela haus i no inap long oraitim.

Mista Spika, tingim, Gavman baset i bikpela samting tru insait long kantri. Ol samting gavman baset bai kamapim i bikpela na impoten long laip bilong ol pipel bilong kantri. Gavman baset i ken kamapim ol wok na samting long ol bisnis. Baset i ken kamapim samting long ol pikinini. Na i ken kamapim gutpela na nogut long olgeta pipel.

Mi askim olgeta memba long lusim tingting na putim long arere politik hevi, pati hevi na ol pesenel hevi bilong ol. Na putim pipel bilong mipela paslain.

Ol pipel i toktok na autim tingting bilong ol pinis long dispela baset. Mipela i mas tok nogat long dispela baset. Mipela i askim gavman long redim wanpela gutpela na stretpela Reventu na Ekspendisa Baset na bringim i kam long dispela Haus long Novemba.

Mista Spika, mi muvim mosen long tok nogat long rivais 1991 Apropriat Bill na 1997 Fainens Bil.


Tenkyu Mista Spika na ol Honorebel Memba.



WANTOK PABLIK NOTIS

Sapo yu laik advertais, telepon 325 2500 na askim long

Miri Aiori Ext. 214
 Jeffrey Maliou Ext. 215
 Jack Mahuru Ext. 217



POSITION VACANT

CIRCULATION MANAGER

Word Publishing Company Pty Ltd is seeking the services of an experienced Circulation Manager for our busy newspaper distribution department.

Necessary qualifications include:

1. Experience in this or a related field.
2. Ability to manage a large permanent and casual staff without close supervision.
3. Able to work long and irregular hours.
4. Effective communication skills in dealing with newsagents, subscribers etc.

Remuneration and other benefits will be discussed at interview.

Apply in writing with resume, references and the names of two referees to:

Ms Anna Solomon
 Acting General Manager
 Word Publishing Company P/L
 P O Box 1982, **BOROKO** NCD

FOR RENT

3 Bedroom House, Fully Furnished,
 Security Fenced

Location: Rainbow Estate

Amount: K200/week

Contact: James Telephone 322 6594 (BH)
 326 2670 (A/H)



THE Independent

The Voice of Papua New Guinea!

On sale from Friday afternoon in Port Moresby and Saturday morning in the provinces. The Independent keeps you up to date with all the latest national and international news and sport plus separate liftout sections on entertainment, education and a full racing guide.

In-depth reports complemented by a professional team of regular columnists and international news services, The Independent makes great reading every week.

DON'T MISS YOUR COPY!

PROUDLY PUBLISHED BY WORD PUBLISHING COMPANY PTY. LTD.
 P.O. BOX 1982, BOROKO, NCD, PHONE: 325 2500, FAX: 325 2579.

PNG'S only Business newspaper!



BUSINESS

Look out for the
 October issue on sale!



Don't Miss Your Copy!

only
50t

PROUDLY PUBLISHED BY
 WORD PUBLISHING COMPANY PTY. LTD.

More information

Call us on Ph: 325 2500 or Fax: 325 2579

WANTOK PABLIK NOTIS



THE Independent

Baim wanpela kopi tete na lukim
 ol nius bilong PNG, wol na
 kainkain nius bilong spot tu.

*Pepa
 bilong yumi
 stret!*

**LONG
 60t
 tasol**

BAIM NA RITIM!

PORT MORESBY SOCCER LADDER

Premier Teams	P	W	D	L	F	A	PTS
University	23	15	5	3	55	18	50
Babaka	23	14	6	3	51	28	48
Rapatona	23	11	5	7	43	26	38
Hoods	23	11	3	9	33	40	36
Ela United	23	9	7	7	32	29	31
FBH Huas Defence	23	9	7	7	31	29	34
Blue Kumuls	23	10	3	10	41	38	33
Kurti-Andra	23	8	6	9	21	25	29
Pepsi Momase	23	7	7	9	21	25	29
Telikom	23	7	4	12	27	43	25
Guria	23	7	1	15	27	26	22
PS Rutz	23	4	6	13	27	25	21
GFC	23	2	2	19	30	54	8
Sunam	23	-	4	19	28	67	4
First							
Sobou	20	10	9	1	43	20	39
Tarangau	20	12	3	5	30	14	39
Sians	20	9	8	3	35	22	35
Shell Eastenders	20	9	6	5	38	28	33
Buresong	20	7	8	5	26	20	29
Ilimo Bommers	20	7	6	7	25	22	27
Keweh	20	7	6	7	25	26	27
Wanzesi	20	7	5	8	21	26	26
Nomads	20	6	5	9	15	24	23
Kummindo	20	5	3	12	13	21	12
Murat	20	5	3	12	13	21	12
Kenmore	20	2	4	14	15	36	10
Second							
Tawala	20	15	4	1	44	18	49
Tarangau	21	12	7	3	34	7	42
CT. Kings	20	12	3	4	27	13	39
Nomads	20	9	5	6	31	16	34
Cyclone	21	10	2	8	29	16	30
Togelu	21	7	6	8	27	16	27
Ilimo Bommers	20	6	6	8	17	23	24
Bell United	21	6	2	12	15	27	20
Kenmore	20	5	3	12	17	26	18
H.W Haus	20	2	6	12	12	27	12
Women 2							
Ilimo Bommers	21	17	2	2	54	10	53
Tarangau	20	15	1	4	35	11	46
Keweh	20	13	5	2	31	10	44
Pepsi Momase	20	13	4	3	35	13	43
Tawala	20	11	4	5	13	13	37
Blue Kumuls	21	5	5	11	13	19	20
Murat	21	4	8	9	14	32	20
CT. Kings	20	4	6	10	10	24	18
Togelu	20	4	5	11	11	25	16
PS Rutz	20	2	3	15	7	34	9
Rapatona	20	1	6	13	4	37	9
Women 1							
Telikom	18	16	1	1	63	6	49
University	18	14	4	-	60	4	46
Wanzesi	18	11	2	5	23	17	35
Nomads	18	8	5	5	18	18	29
FBH Defence	18	7	5	6	12	21	23
Sunam	18	5	2	11	18	23	18
Sobou	18	5	2	11	12	37	17
GFC	18	3	4	11	7	33	6
Kurti-Andra	18	1	1	11	4	43	4
P/Reserve							
University	23	18	4	1	48	12	58
Ela United	23	18	3	2	59	13	57
Pepsi Momase	22	14	4	4	38	15	46
Rapatona	22	12	5	5	26	11	41
FBH Defence	23	10	7	6	2	15	37
Babaka	23	10	5	8	36	17	35
Kurti-Andra	23	7	6	12	19	25	26
Guria	23	7	5	14	19	27	24
Blue Kumuls	23	6	5	13	21	26	23
GFC	23	3	4	16	15	28	16
Sunam	23	3	4	16	15	30	13
Telikom	23	3	4	16	19	30	13
PS Rutz	23	3	3	17	14	26	12
Hoods	23	2	4	18	11	46	10
Under 19							
Pepsi Momase	22	17	2	3	57	10	59
Ela United	23	13	6	4	26	13	45
FBH Defence	23	11	4	9	26	19	37
Rapatona	22	10	6	6	27	21	36
Kurti-Andra	22	11	3	8	23	20	36
University	23	10	5	8	24	22	35
Guria	22	10	2	10	23	20	32
Blue Kumuls	22	8	4	10	17	16	28
Telikom	22	8	3	11	13	20	27
Babaka	23	6	5	12	16	28	22
GFC	23	6	4	12	13	38	22
PS Rutz	23	5	5	13	19	29	20
Hoods	22	2	4	16	10	29	10
Sunam	22	1	6	15	5	35	9

PORT MORESBY SOCCER ASSOCIATION DRAW

Saturday October 12, 1996.				13.00	D1	Nomads	vs	Wanzesi	
Bisini I				14.15	D1	Buresong	vs	Sians	
08.00	U19	Uni	vs	Guria	16.00	Premier	Telikom	vs	GFC
09.15	U19	K. Andra	vs	Defence	Bisini II				
10.30	U19	Momase	vs	Ela United	08.00	Reserve	Telikom	vs	GFC
11.45	Reserve	Momase	vs	Ela United	09.15	D2	Togelu	vs	C.T Kings
13.00	W2	CT. Kings	vs	Momase	10.30	W2	Tawala	vs	Tarangau
14.15	D1	Kenmore	vs	Eastenders	11.45	D1	Murat	vs	Kummindo
16.00	Premier	Momase	vs	Ela United	13.00	D1	Tarangau	vs	Sobou
Bisini II				14.15	Premier	Rapatona	vs	Hoods	
08.00	Reserve	Uni	vs	Guria	15.00	Premier	B. Kumuls	vs	PS Rutz
09.15	Reserve	K/Andra	vs	Defence	SJG II				
10.30	W2	Rapatona	vs	PS Rutz	10.00	Reserve	Hoods	vs	Rapatona
11.45	D2	Kenmore	vs	Ilimo Bommers	11.15	U19	B. Kumuls	vs	PS Rutz
13.00	D1	Keweh	vs	Ilimo Bommers	12.30	Reserve	B. Kumuls	vs	PS Rutz
14.15	Premier	K/Andra	vs	FBH Defence	Bye: Premier: Babaka				
15.00	Premier	Uni	vs	Guria	Reserve: Babaka				
Sunday October 13, 1996.									
Bisini I									
08.00	U19	Telikom	vs	GFC	U19: Babaka				
09.15	W2	Murat	vs	B. Kumuls	D2: Tarangau				
10.30	W2	Keweh	vs	Togelu	W2: Ilimo Bommers				
11.45	U19	Rapatona	vs	Hoods	The following clubs/teams have been suspended D2: Maen, H.W Haus, Bell United.				

PORT MORESBY MEN'S SOFTBALL ASSOCIATION 1996/97 SEASON DRAWS ROUND ONE (1) - WEEK ONE

Sunday October 13, 1996.				Umpires	
Diamond 1					
Time	Grade	Particulars of Matches			
09.00-10.30	A	Elcom	vs	Admiralty	Chalapan/Gaz/NGI
10.45-12.15	A	Tigers	vs	MSC	Terra/Elcom/Admir.
12.30-14.00	A	Malagan	vs	Manolos	Moe/Tigers/MS
14.15-15.45	A	Fuji	vs	Hawks	Sorang/Malag/Mano
16.00-17.30	A	Gazelle	vs	NGI Taubar	Sogai/Fuji/Hawks
Diamond 2					
09.00-10.30	B	Malagan	vs	PNGBC	Moe/Eagles/Raiders
10.45-12.15	B	Fuji	vs	Hawks	Tol'ngling/Ma/PNGBC
12.30-14.00	B	Gazelle	vs	NGI Taubar	Chalapan/Fuji/Hawks
14.15-15.45	B	Dolphins	vs	Karanas	Simitap/Gaz/NGI
16.00-17.30	B	B/Eagles	vs	B/Raiders	Terra/Dolp/Karanas
Diamond 3					
08.30-09.50	C	Karanas	vs	Manolos	Simitap/Tigers/MS
10.00-11.20	C	B/Eagles	vs	B/Raiders	Tata/Karanas/Manoolos
11.30-12.50	C	PNGBC	vs	Dolphins	Tolopa/Eagles/Raiders
13.00-14.20	C	H/Bay	vs	Unicom	F Diap/PNGC/Dolphins
14.30-15.50	C	Elcom	vs	Admiralty	Simba/H/Bay/Unicom
15.00-17.20	C	Tigers	vs	MSC S	imitap/Elcom/Adm.

PORT WOMENS SOFTBALL ASSOCIATION DRAW

Date: October 12, 1996.				Umpires	
Diamond 1					
Time	Grade	Particulars of Matches			
0930	C	PNGBC	vs	All Stars	FUJ
1100	B	Tarangau	vs	Fujitsu	UMP
1230	B	ICDC/Dolphins	vs	Chebu	UMP
1400	A	Mazda	vs	Karanas	UMP
1530	A	All Stars	vs	Fujitsu	UMP
Diamond 2					
0800	C	Garamut	vs	Karanas	STR
0930	C	Taurama	vs	Gazelle	MAZ
1100	C	Malangan	vs	Admiralty	GAZ
1230	B	Yokomo	vs	Norths	UMP
1400	C	Royals	vs	University	UMP
1530	A	Gazelle	vs	Chebu	UMP
Diamond 3					
0930	C	ICDC/Dolphins	vs	Wantoks	YOK
1100	B	Royals	vs	Mazda	UMP
1230	B	Malangan	vs	Admiralty	UMP
1400	A	PNGBC	vs	Norths	UMP
1530	A	Yokomo	vs	Wantoks	UMP
Date: October 19, 1996.					
Diamond 1					
0930	C	Royals	vs	Wantoks	PNG
1100	C	ICDC/Dolphins	vs	Taurama	WAN
1230	C	Admiralty	vs	PNGBC	FUJ
1400	B	Admiralty	vs	Tarangau	UMP
1530	A	Karanas	vs	PNGBC	UMP
Diamond 2					
0930	C	Gazelle	vs	Karanas	NTH
1100	B	Norths	vs	Chebu	UMP
1230	C	All Stars	vs	Garamut	KAR
1400	A	Wantoks	vs	Chebu	UMP
1530	A	Mazda	vs	All Stars	UMP
Diamond 3					
0800	B	Royals	vs	Fujitsu	UMP
0930	C	Malangan	vs	University	MAZ
1100	B	ICDC/Dolphins	vs	Yokomo	UMP
1230	B	Malangan	vs	Mazda	UMP
1400	A	Gazelle	vs	Norths	UMP
1530	A	Yokomo	vs	Fujitsu	UMP

Sobou winim maina primia na redi long primiasip taitel

ASIawe na Sobou bai salens long mesa semi fainal long dispela wiken long Lahi soka resis long Lae. Dispela em wanpela bikpela gem bikos wina bilong dispela gem bai i go redi long gren fainel.

Long maina semi fainel bai Guria i mekim-save wantaim Rapatona na tim husat i lus bai i go hangamapim su na wetim neks yia. Tim i win bai go het na traim lusa bilong Asiawe na Sobou. Bihain long dispela bai gren fainel.

Long las wiken Guria i bin pait strong tru long winim posisen long ol dispela fainel olsem na em nekim ol Kande bilong Morobe Yunaitet 4-1 long fultaim. Na Rapatona i lus long Asiawe 5-3. Tasol Rapatona i gat wanpela sans i stap olsem na em bai traim Guria

LAHI SOKA

long dispela wiken. Lahi Soka Asosiesen (LSA) nau i pinisim olgeta gem bilong sisen na i go insait long ol fainel bilong em. Olgeta divisen i redi long pait long klap primia bilong dispela yia.

Sobou soka klap i winim pinis maina primia taitel bilong LSA long namba tu taim gen. Em i bin maina primia long las yia na i bin apim nem bilong Lahi insait long nesanel klap sempionsip. Sobou i wokim nem i go olgeta long semi fainel we em i lus long Telikom LFA. Long dispela yia em i winim gen maina primia na em bai traim gen long neks yia nesanel klap sempionsip.

Gem bilong ol meri long las wik tu i bin go gutpela tasol gem bilong ol meri Guria i no bin gutpela. Ol i winim ol meri Sobou 3-1 long fultaim. Tasol i gat luksave olsem ol meri Guria i mas brukim lo bilong soka liklik. Ripot i soim aut olsem golkipa bilong Guria Mirriam Nathan i no bin pilaim. 5-pela gem olgeta inap las wik em i bin pilai long dispela maina semi fainel. Olsem na toktok i kamap long dispela win bilong ol meri Guria bai i go long ol susa bilong Sobou. Olsem na win bilong ol meri Guria i abrus na Sobou bai kisim ples na go het long mesa semi fainel long dispela wiken.

Long resis bilong ol lig divisen, taim Sobou i kamap maina primia o lig sempion, em i bin kisim wan wik malolo long las wik

long wetim wina bilong namba foa na tri ples. Lahi Soka Asosiesen i makim yet 5-pela top tim long primia divisen long traim aut dispela fainal nokaut bilong painim primia klap bilong dispela yia, 1996.

Asosiesen i mekim wankain tu long olgeta divisen we em i makim 5-pela top tim long wanwan divisen long kik insait long nokaut bilong dispela yia.

I gat luksave nau olsem gren fainel bilong Lahi bai i no inap kamap long taim asosiesen i makim bikos long dispela wiken bai i gat Morobe Provinsal Agrikalsereel So. Olsem na i luk olsem bai LSA i srukim de bilong pilaim gren fainel i go long narapela wiken.

Angassa bai risain long MSA

MADANG SOKA

PRESIDEN bilong Madang Soka Asosiesen (MSA) Peter Angassa i tokaut pinis long risain long dispela yia.

Angassa i tokaut long tingting bilong em long dispela wik olsem em bai lusim wok bilong em olsem presiden bilong MSA. Em i bin mekim klia dispela tingting bilong em tupela taim pinis long lusim dispela posisen tasol ol soka klap long Madang i strong na votim em bek long posisen bilong presiden.

Angassa i tokaut olsem em bai lusim wok bilong soka long dispela yia bikos em i kisim nem pinis long kamap siaman bilong Madang Provinsal Spot Kaunsil long las mun. Em i no laik long holim tupela wok o tupela posisen long wanpela taim.

Em i tok em i wanbel long dispela wok bilong em bikos em bai helpim Provinsal Spot Kodineta John Biwi long mekim wok bilong kirapim olgeta spot insait long Madang provins.

Emi tok bai em i go aut na givim spes tu long ol yangpela long Madang long holim na ronim wok bilong soka. Em bai tokaut long dispela disisen bilong em long narapela mun bihain insait long miting bilong olgeta soka klap long Madang.

Namba tu presiden bilong MSA, Bobby Morris i wok long go het long mekim wok bilong stretim ol dro na redim ol tim long pilaim ol wasaut gem bilong ol. Em i wok long mekim ol dispela long pinisim ol wasaut gem na larim pilai i ron gut bai MSA i ken go insait long fainel bilong ol gut na pinisim olgeta pilai long pinis bilong dispela yia.

Bobby Morris em wanpela eksperiens soka pilaia na tu wanpela biknem referi bilong soka long Madang. Nau em i kamap wanpela kosa bilong Madang.

Angassa i tok em bai givim dispela posisen bilong em long nupela presiden pastaim tasol long taim gren fainel bilong Madang soka resis i stat wantaim ripot bilong em olsem presiden.

Angassa i tokaut olsem em i ting Bobby Morris inap kamap gutpela presiden long ronim soka edministresen long Madang. Tasol dispela disisen em bilong ol klap eksekutiv yet long makim nupela man.

Morris i bin tokaut bipo olsem em i gat dispela bikpela tingting yet long kirapim na developim soka long Madang provins. Em i save tingim yet long bringim bek dispela nesanel soka taitel bilong B&H Kap we Madang i bin winim long 1991 i go bek long Madang. Long dispela taim tu, Morris i bin wanpela pilaia tu husat i bin winim dispela soka taitel egensim Mosbi.



• Pilaia bilong Kumunindo i pulim bal abrusim pilaia bilong Buresang long Mosbi soka resis bilong divisen 1. Kumunindo i win 1-0.

Blue Kumuls winim sans long LFA nokaut

LFA SOKA

long 48 long givim em namba foa ples.

BLUE Kumuls soka klap i winim pinis namba foa ples insait long Lae Futbol Asosiesen (LFA) soka resis long las wiken. Blue Kumuls i nekim HC West 3-0 long las wiken long bringim skoa bilong em i go antap long 48.

Kumuls nau bai bungim ol boi bilong Mopi, Buresong na Goro long ol nokaut bilong painim primia klap bilong dispela yia 1996.

LFA i makim pinis foapela top tim long kik insait long dispela nokaut olsem ol foapela tim nau em Mopi, Buresong, Goro na Blue Kumuls.

Kumuls i bin go insait long bikpela salens tru long winim gem bilong em long stap insait long top foa tim.

Long las wiken em i no isi long pilai. Em i pilai wantaim bikpela strong tru long traim winim HC West. Dispela bikpela salehs i bin mekim ol boi bilong Kumuls i pait strong tru long stat bilong gem i go inap long fultaim. Hat wok bilong ol i kamap tru taim ol i nekim HC West 3-0 long fultaim.

Dispela win tasol i apim poin bilong Kumuls long 45 i go antap

Telikom i bin pait strong tru long winim tupela gem bilong em wantaim long las wiken long traim kisim tu namba foa ples long dispela fainel nokaut. Em i pilai strong tru na autim tiket bilong Faze 8-1 na tu em nekim Jaura 2-0 long fultaim. Tasol dispela tupela win i no helpim Telikom long kisim namba foa ples bikos olgeta skoa bilong em i bung kamap tasol long 47. Wanpela poin tasol aninit long Blue Kumuls.

Mopi i kisim gutpela malolo tru long antap na i wetim ol arapela tim ya long bungim em. Mopi i go pas long poin lata bilong LFA soka resis na tu em i winim pinis maina primia o lig sempion bilong LFA long dispela yia.

Mopi em wanpela olupela biknem klap na em i wok long pait strong gen long bringim nem bilong em i kam bek.

Buresong tu em wanpela olupela biknem klap bilong LFA na em i wok long pait strong yet

long stap. Em i winim pinis namba tu ples long stap insait long dispela nokaut bilong LFA long dispela yia.

Buresong i gat nem long bipo na olgeta soka provins long Papua Niugini i save long em. Tasol dispela strong o nem bilong em i pundaun pinis na em i pait isi isi yet long kisim nem bilong em i kam bek.

Goro tu i winim namba tri ples na em bai traim laki bilong em long traim winim ol gem bilong em long go insait long fainel bilong LFA soka resis. Goro em wanpela olupela klap tu na em i gat gutpela pilai bilong em tu.

Blue Kumuls i bin winim nem las yia long go insait long fainel. Olsem na em i gat dispela kain eksperiens na strong bilong kik insait long kain bikpela salens olsem.

Kumuls em wanpela strong-pela klap tu na i gat bilip olsem em inap mekim i go olgeta antap long fainel long dispela yia.

LFA i no tokim Wantok yet long wanem tupela tim bai pilaim narapela na wanem taim bai ol pilai ya i stat na pinis.

Yunivesiti soka meknais long Somare Kap

MICHAEL MIISE i raitim

DISPELA wiken Sande bikpela kik tru bai kamap long Univesiti ov Papua Niugini long Somare kap resis namel long Kula na Kapran-do long divisin bilong ol man na Morobe wantaim Sewes long ol meri.

Bai ol sapota i ken save olsem ol bai lukim gutpela kik tru long dispela gren fainel namel long dispela foapela tims.

Long ol man tupela tim wantaim i strong na yumi no nap save stret long wanem tim tru bai i winim dispela traipela kap.

Kapran-do em tim bilong ol wan solwara, Vanuatu em i maina primia long pinis bilong olgeta kik na Kula, tim bilong ol Milen Be i bin kam namba tu.

Olsem na bai i gat bikpela resis tru namel long dispela tupela top tim bilong sisen. Kula i bin winim ol boi Vanuatu long namba wan semi fainel 2-1. Tupela tim i bin dro 1-1 long ful taim na long ekstra ten minits long Kula i putim nambu tu gol long winim dispela pilai.

Tasol nau i kam bek gen long bugim ol Kula taim ol i nilim ol Morobe kauntri 2 nil long las wiken.

Wanem tim i holim bal plenti taim na i mekim yus long ol gols bai winim dispela kik.

Long ol meri, Sewes tu i kam bek gen long bugim ol Morobe bihain ol i winim ol Tumbuna long 1-nil long las Sande. Sewes nau i luk nogut olgeta na ol Morobe i mas was gut tru sapos ol i laik winim dispela Somare kap. Sapos nogat kap ya bai i go antap long Hailans bilong PNG.

Morobe husat i gat ol pilaia i save kik long taun bai i yusim ol dispela lain long brukim banis bilong ol Sewes na tu long banisim gol bilong ol.

Ol i gat ol gutpela pilaia long olgeta hap tasol noken luk daun long ol Sewes bikos ol lain ya i ken kik strong tru olsem ol man.

Sapos ol Morobe i no was gut long ol bai win i ken go long ol wantok Sewes.

Palais brukim rekot long skoaim namba wan trai

RODNEY KAMUS i raitim

MASKI ol i lus long bikpela tes pilai egensim ol Australia Kangaroo, Papua Niugini Palais i soim olsem ol i wanpela strongpela tim tru bihain long ol pulim bikpela sapat tru long ol manmeri husat i kamap long lukim pilai long las wik Sande.

Oi Palai tu i brukim wanpela bikpela rekot egensim ol Kangaroo long tes pilai long wanem ol i namba wan lain long skorim trai egensim ol Kangaroo na go pas long skoa 6-0 taim Tuksy Karu i kikim konvesen i go insait.

Kepten Adrian Lam i brukim dispela rekot long wanem insait long ol Tes pilai em PNG i save pilai wantaim Australia, olgeta taim Australia i save putim trai pas na bihain PNG bihain

long namba tu hap o dispela kain ol i save skoa.

Tasol insait long namba wan 15 minit bilong pilai, PNG Palai wantaim lukaut bilong Lam i skorim namba wan trai.

Lam i kikim wanpela liklik bal i go insait long gol eria na winga bilong ol Kangaroo Matt Sing ino ketsim gut dispela bal na Lam i pundaun antap long bal ya na skoa.

Taim ol manmeri i lukim dispela, man olgeta i kalap nogut tru na singaut we klostu pilaia graun i bruk. Na taim Tuksy Karu i kikim dispela gol i go insait long bringim skoa i go antap, ol PNG sapat long PRL i amamas nogut tru long wanem ol i namba wan lain long skorim trai.

Tasol ol Kangaroo i soim olsem ol i namba wan tim insait long wol na

bihain long ol i kamapim gutpela pilai tru, fulbek Tim Brasher i kamapim gutpela liklik pilai na salim senta Mark Coyne i go insait long skorim wanpela trai. Huka Andrew Johns i kikim gol i go insait na tupela sait wantaim i pas wantaim long 6-6.

Dispela em laspela taim tupela tim ya wantaim ol pas wantaim long skoa. PNG tu em laspela trai bilong ol na bihain em olgeta samting i go long rot bilong ol Australia Kangaroo.

Oi Kangaroo i putim planti moa trai na olgeta kik bilong ol i go gutpela na fainel skoa bilong dispela pilai i bin stap long 50-6 egensim ol Palais. Tasol ol Palai i soim gutpela pilai long wanem planti man insait long kantri na autsait long kantri tu i bin tok olsem ol Palai bai ol Australia bai memeim ol long skoa antap tru.

Tasol nogat, narapela kain stori i kamap. Oi Palai aninit long lukaut bilong Adrian Lam i bringim skoa bilong ol i kam daun. Australia i gat rekot long winim ol PNG Kumuls long Townsville long 1987 we skoa em 84-6 na i bin stap insait long ol wol buk bilong ol rekot.

Maski ol Palais i lus, planti manmeri i sapatim ol tru long wanem dispela tim ol planti ol pilaia i nogat nem. Namba tu kepten Kera Ngaffin i go pas wantaim long ol 9-pela Vipers pilaia, na ol narapela ol pilaia em ol i kam long ol kainkain kantriu resis long Australia. Lam tasol em wanpela pilaia bilong ol Palais husat i pilai long Optus Kap resis insait long Australia.

Oi Palai i ken lus tasol ol i bin soim olsem ol i wanpela strongpela tim bilong kantri.

Kumuls bai bungim ol Kiwis long namba 2 tes

LAS wiken em i bikpela taim bilong ragbi lig long Papua Niugini long wanem tupela Nesenel tim em Kumuls na Palais i bin pilaim ol tes pilai bilong ol. Palais i traim bun wantaim ol Kangaroos long Pot Mosbi na Kumuls i traim bun bilong ol Kiwis long Nu Silan.

Tasol sore tru olsem tupela sait wantaim i lusim pilai bilong ol. Oi Kiwis i bagarapim stret sindaun bilong ol Kumuls long 62-8 long Nu Silan na ol Kangaroo i mekim wankain long ol Palai long 50-6 long Mosbi yet. Tasol Papua Niugini Kumuls kepten Adrian Lam i gat bikpela tingting na nau yet i wok long traim long painim rot we ol ARL bai tok orait long em na go pilai wantaim ol Kumuls long namba tu tes pilai egensim ol Nu Silan.

Long las wik bipo long em i pilai wantaim ol Palais, ol ripot i kamap i tok olsem Lam bai ino inap pilai long Kumuls moa sapos em i pilai wantaim ol Palais. Tasol ol lain bilong ARL i tok olsem ol i pasim toktok wantaim PNGRFL olsem Lam i ken pilai long Kumuls sapos em bai pilai logn ol Palais tu egensim ol Australia Kangaroo.

Olsem na Lam i bin kamap long pilai egensim ol Great Britain Lions na las wik em i mekim wankain tasol bihainim agrimen olsem em bai pilai long Palais. Tasol namba tu siaman bilong Papua Niugini Ragbi Futbol Lig Kevin Murphy i tok olsem Lam bai ino inap pilai long Kumuls tim moa. Nau yet menesa bilong Lam i wok long traim mekim rot bilong em na toktok wantaim ol ARL sapos ol i ken lusim Lam i go pilai long tes pilai egensim ol Nu Silan long dispela wik Fraide.

Bikpela tingting bilong Lam em long pilai wantaim ol Kumuls long tes egensim ol Nu Silan. Olsem na Kumuls kosa Bob Bennett i wok long tingting strong tru olsem sapos ARL i oraitim Lam, bai flai long namba wan balus i go long Nu Silan long keptenim ol Kumuls bilong em long pilai egensim ol Nu Silan Kiwis. Long ol ripot i kamaut, i luk Lam i gat bikpela tingting long lusim kontrak bilong em wantaim ARL na joinim Supa Lig long wanem bikpela laik bilong Adrian Lam em long pilai na keptenim ol Kumuls.



• Adrian Lam i painim poroman bilong em long pasim bal long gem namel long Not Kwinlen. Em i bin putim mamba wan tri bilong Palais long las wiken gem namel long Palais na Kangaroos.

Bennett laikim Lam long Kumuls tim

KEPTEN bilong Papua Niugini na Sydney Siti Roosters hapbek Adrian Lam i luk olsem em bai namba wan pilaia bilong Australian Ragbi Lig long lusim ol na go joinim Supa Lig. Nau yet Lam i laik pilaia wantaim ol Kumuls egensim ol Nu Silan Kiwis long namba tu tes pilai long Fraide nait. Lam i bin stap klostu tru long telipon na toktok wantaim tim husat i go raun na i tokaut olsem em i redi long brukim kontrak bilong em wantaim ARL long pilai wantaim kantri bilong em.

"Em i wok long ring long olgeta dei na tok olsem em i laik kam hariap tru," kosa bilong PNG Bob Bennett i tok long Nu Silan.

"Adrian i tok olsem em i ken mekim eni kain samting long kam bek na pilai wantaim mipela, tasol mipela i askim em long wet taim mipela i traim na go stret long rait wel". Lam i sko-

rim wanpela trai long wanpela Tes pilai bilong ol PNG Palais egensim ol Australia Kangaroo long las wiken, we em i soim stret olsem em bai ki man insait long ol Kumuls husat em ol Kiwis i bagarapim sindaun bilong ol 62-8 long las wik Sarere.

I gat ol toktok tu i kamap olsem ol Sidney Siti Roosters i wok long toktok wantaim ol lain bilong Supa Lig na i luk olsem nogut ol tu bai lusim ARL. Narapela klab em nem bilong em i kamap em Norths Sydney.

Long wankain stori yet, Canberra Raiders fowat David Westley i joinim PNG Kumuls tim long Mandeville na i gat toktok olsem em bai stat pilai long Fraide nait namba tu tes pilai long Palmerstone North. "Em i gat liklik hap bun i bagarap long skru bilong em, tasol em bai pilai. Em bai givim mipela planti go fowat pilai," Bennett i tok.

Lam em trupela PNG pikinini

MASKI wanem sait Adrian Lam i pilai long em, Adrian em trupela biknem man bilong ragbi lig long kantri.

Em i ken pilai long Kumuls o Palais tasol bikpela samting tru em olgeta manmeri i save olsem Lam em mangi PNG na em bai karim nem bilong PNG long olgeta hap em i go long em.

Long taim Lam i kisim luksave bilong Papua Niugini long pilai egensim ol Frans long tupela yia i go pinis, em i kamapim nem bilong em yet i go bikpela tru taim em i kisim ol Kumuls i go pilai long wol kap resis long lnglen long las yia.

Em i pilai long tupela sait wantaim. Em i gat planti tes pilai wantaim ol Kumuls na tu em i gat wanpela tes pilai egensim ol Kangaroos aninit long jesi bilong ol Palais. Planti manmeri i sapatim tru Lam na kain man



olsem em Papua Niugini bai hat tru long lusim ol. Taim Lam i karim ol Palais i go insait long pilai graun long las wiken long Llyold Robson pilai graun long Mosbi, planti manmeri i singaut na kolim nem bilong em.

Na long dispela kain sapat ol manmeri i save givim long Lam, em i gat bikpela bilip olsem em i mas go pas long kantri maski gutpela taim o taim nogut.

Olgeta taim Lam i holim bal na brukim banis bilong ol Kangaroo, bikpela singaut i save kamap long ol sapat na ol strongpela takel bilong em em i save givim i go long ol Kangaroo em ol manmeri i save laikim tru.

Olsem na lam em wanpela ragbi lig biknem man bilong kantri em nogat narapela pilaia o man inap long winim em.

WANTOK SPOT



Craige em Junia Kangaroo • Yangpela senta bilong Newcastle Knights Owen Craige wantaim bal i ron i go long trai lain egensim Mosbi selekt sait long las wiken. Junia Kangaroo i nilim stret Mosbi selekt sait. Long Tunde ol Junia Kangaroo i bin stap long Westen Hailans long pilai wantaim Nondugl selekt sait. Ol i win 44-0. Dispela Sande ol bai pilaim PNG selekt sai gen long wanpela Skul Bois Ragbi Tes long Mosbi. PHOTO: IVAN BAYAGAU

K100m helpim ARL long pait egensim Supa Lig

TIM menesa na kosa bilong Australian Ragbi Lig Geoff Carr na Bob Fulton i tok olsem dispela tes pilai bilong Kangaroo na Palais long las wiken i wanpela strongpela pilai tru. Tupela i mekim dispela toktok taim Optus Vision bilong Australia i givim K100 milien long Australian Ragbi Lig.

Dispela mani i mekim na wok bilong ol long pait egensim Supa Lig i go strong moa.

Fulton i tok olsem taim ARL i holim tes pilai bilong ol egensim ol tim bilong PNG na Fiji, ol Supa Lig lain i tok olsem dispela tes em ino trupela long wanem Kangaroo bai win long bikpela skoa.

Tasol long las wiken, Fulton i tok olsem Nu Silan i bin sanap namel long 60-70 points long winim ol PNG Kumuls na long Fiji em Great Britian i bagarapim stret ol Fiji long skoa namel long 70 na 80.

Olsem na i luk olsem i nogat wanpela strongpela pilai i kamap namel long dispela

ol sait na i wanpela fani samting stret.

Wantaim K100 milien kina i kam long Optus Vision, Australia Ragbi Lig i redi nau long pait egensim Supa Lig. Na wanpela bikpela samting tru em long traime na baim ol pilai bilong Supa Lig.

Kosa bilong Australia Ragbi Lig Bob Fulton husat i go bek long Australia bihain long pilai bilong ol wantaim ol PNG Palais i mekim dispela toktok taim em i kamap long Sidni.

Optus Vision husat i spona bilong Australia Ragbi Lig i givim mani inap long K100 milien i go long ARL long ranim resis bilong ol neks yia.

"Mi bai lukluk pastaim long ARL na bihain tok yumi traime stat na sainim sampela ol pilai bilong ol, em wanem samting dispela mani i laikim mipela long mekim."

Tim menesa bilong Australia Kangaroo Geoff Carr i tok olsem nau mani i kam pinis, ol i mas traime atekim Supa Lig na i no Supa

Lig i atekim ol.

Fulton i tok olsem dispela ol tes pilai em ol Supa lig i kamapim i olsem wanpela fani samting stret.

Em i tok olsem taim ARL i holim tes bilong ol egensim ol sait bilong Fiji na PNG, ol supa lig i bagarapim ol stret.

"Lukim skoa bilong Nu Silan 'we Nu Silan i pilai egensim PNG na winim ol long kain points olsem 60-70 points. Na tu yumi gat Great Britian i pilai wantaim Fiji na winim ol long 70-80 points. Nau sapos ol i tok olsem bilong mipela i no trupela tes pilai, bilong ol em fani tasol."

Tim menesa Carr i tok olsem em i gat strongpela bilip olsem dispela PNG sait em Australia i pilai egensim ol i moa gutpela long Kumuls na em i tok moral bilong ol Australia skwat i bikpela tru long dispela pilai.

Long wankain stori bilong Supa Lig yet.

ARL sief eksekutiv John Quayle i tok olsem em i gat strongpela bilip olsem ol bai salensim yet disisen bilong Federal Kot long bikpela kot bilong Australia.

Quayle i tok olsem Australia Ragbi Lig i pait wantaim Supa Lig inap long tupela yia olgeta na ol i redi long bringim dispela pait i go antap olgeta long bikpela kot long lukim olsem dispela ragbi lig pilai i stap aninit long kontrol bilong ol.

"Mipela i no bin statim dispela samting. Mipela i bin gat wanpela gutpela kompetisen na News Limited i laik kam na kisim wantaim tupela as...win mani na pay televisen," em i tokim Channel 9 Today Show.

Long narapela stori yet, PNG Kumuls taim husat i stap long Nu Silan nau i amamas long kisim toksave olsem kepten bilong ol Adrian Lam bai kamap na pilai wantaim ol bipo long dispela Fraide.

AAP


PNG

MADE

TRADE

FAIR

OKTOBA 12th & 13th



**BAIM PNG-MADE
KAMAPIM MOA WOK**

Program bilong 5th PNG Med Tred Fe 1996

SARERE Oktoba 12

9 am Geit i op long Pablik long Sir John Guise Stadium

JENERAL ERIA

Gol Nugget Hunt (Pilai bilong painim gol) Promosen bilong Vipers na pilai-takol (wrestling).

11-12:00 Royal Papua Niugini Polis Ben
1-kilok i go 4-kilok Royal Papua Niugini Polis Ben

CHIN H MEEN ROK KONSET

0900: Namba bilong ol ben husat bai pilai ba kamap long program bilong CHM.
1-kilok: SP No.1 Bia Parasut i kalap

LONG ATLETIK ERIA

10:00: Tas ragbi gem bilong ol meri
10:20 Tas ragbi gem bilong ol man
10:40 Miks pilai namel long man na meri
11:00 Taipans (Vipers 11) vs ol lain ol i askim long kam.

12:00 -13:30 Selebriti Kriket Salens
4-kilok: Eria long Basket ball kot bai i pas.
6-kilok i go 9:30 pm em pilai takol (wrestling). Dispela bai i kamap long ples bilong ron atletik long Sir John Guise.

- Bai i gat 2-pela ful-kontek karate i kamap.
- 2-pela pilai takel (wrestling) i kamap
- 2-pela tim bilong ol lain i takol bai i kamap. Tupela tim bilong PNG bai traim ol intanesenel wrestlers.

SANDE. Oktoba 13

9 am Geit i op long Pablik long Sir John Guise Stadium

JENERAL ERIA

Gol Nugget Hunt (Pilai bilong painim gol) Promosen bilong Vipers na pilai-takol (wrestling).

11-12:00 Royal Papua Niugini Polis Ben
1-kilok i go 4-kilok Royal Papua Niugini Polis Ben

CHIN H MEEN ROK KONSET

0900: Namba bilong ol ben husat bai pilai bai kamap long program bilong CHM.
1-kilok: PEPSI Parasut i kalap
2-kilok: Welkam toktok i kam long Mista Mal Lewis

Dro bilong Bikpela Hempa Kompetisen bai i kamap

LONG ATLETIK ERIA

10:00: Tas ragbi gem bilong ol meri
10:20 Tas ragbi gem bilong ol man
10:40 Miks pilai namel long man na meri
11:00 Taipans (Vipers 11) vs ol lain ol i askim long kam.

12:00 -13:30 Selebriti Kriket Salens
4-kilok: Eria long Basket ball kot bai i pas.
6-kilok i go 9:30 pm em pilai takol (wrestling). Dispela bai i kamap long ples bilong ron atletik long Sir John Guise.

- Bai i gat 2-pela ful-kontek karate i kamap.
- 2-pela tim bilong ol lain i takol bai i kamap. Tupela tim bilong PNG bai traim ol intanesenel wrestlers.

Planti nupela promosen long 1996 PNG Med Tred Fe

SOPHIE FURIGI i raitim

Helpim bilong Gavman

OLGETA yia Papua Niugini Manufeksaras Kaunsil i save wok hat tru long kamapim PNG Med Trad Fe.

Dispela yia PNG gavaman i bin givim planti helpim tru Manufeksaras Kaunsil long PNG long givim moni na stretim toktok long kamapim dispela PNG Med Tred Fe. Dispela yia planti gavamani na praivet kanpani i soim bikpela laik tru long soim ol niupela na ol samting ol i wokim.

Insait long lo bilong PNG Manufeksaras Kaunsil, sapos ol dispela kampani ol dipatmen bilong gavman i laik soim aut samting bilong en, ol dispela samting ol i mas wokim long PNG stret.

Ol samting ol i yusim long mekim ol dispela prodak tu i mas kam long PNG stret.

Oganisa bilong PNG Med Tred Fe, Keryn Laphorne i tok olsem long dispela yia PNG Made Tred Fe bai kamap bikpela na gutpela tru na bai i ken pulim planti manmeri

Laphorne i tok olsem long dispela yia (1996) wankain namba bilong ol kampani husat i baim ol spes long stol husat i baim gen wankain olsem ol narapela yia.

Long September 17, radio stesin NAU FM na Steamships kampani i bin putim aut wanpela bikpela kempein o kompetisen long baim ol prodaks ol i wokim long PNG stret. Insait long dispela ol kempein husat manmeri baim ol prodak ol i wokim long PNG ol i raitim nem long risit na putim go insait long bokis. Long dispela wiken sapos ol i pulim-aut nem bilong yu long Traid Fer yu bai winim wanpela bikpela hampa ol bikpela samting bilong stua. Dispela hampa i gat ol kain kain kaikai wantim ol samting insait. Namel long ol dispela em wanpela bikpela banana boat wantim ol planti gutpela kaikai prodak ol i wokim long PNG stret.

Em i gutpela taim tru bilong ol manmeri long kam bung na lukim ol samting we ol i no save lukim bipo insait long prodaksin long faktori.

Ol samting bilong pulim ol manmeri na pikinini

Sampela bikpela pilai long

Wanpela pilai bilong ol pikinini i mas painim gol tu bai i kamap long PNG Med Tred Fe. Ol sampela ofisel bilong Tred Fe bai i haitim wanpela liklik gol na ol pikinini i mas raun na painim.

PNG Med Tred Fe we bai i pulim planti manmeri em dispela Wol wrestling Sempion bai i soim ol stail bilong ol.

Insait long dispela pilai takol ol bikpela patpela man bai pait. Nem bilong ol em Action Jackson, Killer Brooks, Sam Houston na Thunderblood Norris. Laphorne i tok ol dispela lain bai pulim planti manmeri long go na lukim, tasol i gat ol planti moa kain kain samting bilong papa mama na pikinini. Pilai bilong painim gol (Nugget Hunt)

Wanpela pilai bilong ol pikinini i mas painim gol tu bai i kamap long PNG Med Tred Fe. Ol sampela ofisel bilong Tred Fe bai i haitim wanpela liklik gol na ol pikinini i mas raun na painim.

Chin H Meen bai putim kamap rok konsent we ol lokal atis bilong en bai i soim stail bilong ol long stes. Ol PNG Police ben tu bai pilai na ol man bai kalap long balus long parasut. Bai i gat tas ragbi gem we bai i lukim tim bilong man, meri na miks tim i pilai. Bai i gat Kriket salens na golf pilai tu i kamap.

Tim bilong Mosbi, Vipers tu bai i stap long soim ol promosen pilai bilong en long dispela tred fe.


Sapos yu stap long Mosbi na no gat samting long wokim long dispela wiken go long PNG Made Traid Fer. Geit f em K3.00 long ol bikman meri na K1.00 long ol pikinini.

Ol Tred Fe Opisal i bin stretim toktok wantaim ol lain long transport dipatiment na ol dispela lain bai larim ol bas draiva ron long nait long karim ol manmeri i go bek long haus bihain long ol i lukim tred fe.

SPatF

SOUTH PACIFIC APPROPRIATE TECHNOLOGY FOUNDATION


Promoting technologies for sustainable industries and rural enterprises




PACIFIC FOOTWEAR




WOKABAUT SOMIL



PACIFIC RATTAN INDUSTRIES



HANUACRAFT





SPatF has developed many inexpensive products and appropriate technologies suitable for PNG and the Pacific region.

Here are a few of the products we manufacture, retail and export

- | | |
|----------------------------|--|
| Hanuacraft | The finest PNG authentic artifacts and handcrafts |
| Hanuacast | Aluminium and lead products and scrap metal |
| Village Equipment Supplies | Portable complete sawmills and deep well water pumps |
| Pacific Rattan Industries | Rattan cane furniture |
| Pacific footwear | Leather footwear and industrial leather products |

Write or Fax NOW For Information or Detailed Brochures

Location: Ahuia Street Gordons, Port Moresby, Mailing Address: PO Box 6937 Boroko NCD, Papua New Guinea
Telephone: 325 8153, 325 8452. Facsimile: 325 8822 (ISD 675)



• Antap:
Ausait

• Lephan:
Basketbal
eria
na
Foyer

Eria bilong ol Kampani i gat yunit

Basketbal eria

- 1 Wong Tim
- 2 Nau FM
- 3 Internatonal Food Corporation Pty Ltd
- 4 Hugo Canning Company Pty Ltd
- 5 Hugo Canning Company Pty Ltd
- 6 Moore Business Systems
- 7 Moore Business Systems
- 8 Steamships
- 9 Steamships
- 10 Steamships
- 11 EMTV - Media Niugini
- 12 EMTV - Media Niugini
- 13 International Food Corporation Pty Ltd
- 14 Rad Tel
- 15 Lucky Star
- 16 Viki's Trade Jewellery
- 17 Gulf Fisheries
- 18 Coca Cola Amatil
- 19 Coca Cola Amatil
- 20 Coca Cola Amatil
- 21 Papua New Guinea Banking Corporation
- 22 Luk Poy Wai Tailoring Pty Ltd
- 23 Tropical Frond Oils Pty Ltd
- 24 Morgan Engineering
- 25 Post PNG
- 26 Pryde Furniture Pty Ltd
- 27 Pryde Furniture Pty Ltd
- 28 Pryde Furniture Pty Ltd
- 29 Investment Promotion Authority
- 30 Papua New Guinea Banking Corporation
- 31 Coca Cola Amatil
- 32 Papua New Guinea Electricity Commission
- 33 Papua New Guinea Electricity Commission
- 34 Gulf Fisheries
- 35 Colgate Palmolive
- 36 Belltek Chemicals Pty Ltd
- 37 Computers & Communications
- 38 Fairdeal Liquors
- 39 Evercrisp Snacks
- 40 Trukai Rice
- 41 Amalgamated Knitwear Industries Pty Ltd
- 42 SBS
- 43 Hamper
- 44 Hamper
- 45 SBDC
- 46 Accent
- 47 ICI Dulux
- 48 Chin H Meen & Sons Pty Ltd
- 49 Fairdeal Liquors
- 50 Department of Commerce & Industry
- 51 Protect Security
- 52 Protect Security

- 53 Telikom
- 54 SBDC
- 55 SBDC
- 56 Industrial Centres Dev. Corp
- 57 Amotts Biscuits
- 58 BHP Steel
- 59 Bismil Trading/Kurumul tea
- 60 Pacific Foam Pty Ltd
- 61 Pacific Foam Pty Ltd
- 62 Barlow
- 63 Barlow
- 64 Coffee Industry Corporation
- 65 Coffee Industry Corporation
- 66 Amotts Biscuits
- 67 KK Kingston
- 68 KK Kingston
- 69 KK Kingston
- 70 SBDC
- 71 Nestles
- 72 Nestles
- 73 Wills (PNG) Ltd
- 74 Hohola Softdrinks
- 75 National Capital District Commission
- 76 National Capital District Commission
- 77 Travelodge PNG Limited
- 78 PNG Printing
- 79 PNG Printing

UPSTAIRS FOYER
Barcoding
Education in PNG

FOYER

- 1 Rothmans of Pall Mall (PNG) Pty Ltd
- 2 Department of Foreign Affairs & Trade
- 3 SP Brewery Ltd
- 4 SP Brewery Ltd
- 5 SP Brewery Ltd
- 6 SP Brewery Ltd
- 7 Manufacturers Council

AUSAIT

- 1 Tanubada Dairy Products
- 2 SP Holdings
- 3 Cultural Display
- 4 Vipers Promotional Tent
- 5 Coca Cola
- 6 Monier Allied Products
- 7 Pacific Products
- 8 RPN Police Band
- 9 St John Ambulance
- 10 Cleanline
- 11 Steel Industries
- 12 Hornibrooks
- 13 Big Rooster
- 14 SP Holdings
- 15 Tanubada Dairy Products
- 16 Chin H Meen Stage

KAI KAI COOKWARE




For Your Total Cookware Range

P.O. Box 565, LAE. Phone: 475 7399 Fax: 475 7299

Wholesale Enquiries: Ring for our New Product Catalogue

Ol masolman bilong Amerika bai soim stail bilong takol



SOPHIE FURIGI i ratim



LONG Sarere na Sande nait, ol manmeri long Mosbi bai i lukim 4-pela masel man o restlas bilong Amerika i soim stail bilong ol long takel-pait long PNG Med Tred Fe long Mosbi.

Dispela so bai i gutpela tru na bai i pulim tru planti ol femili na ol pikinini long kam na lukim ol lain masel

man ya i soim stail bilong ol. Dispela 4-pela man bai i bringim stret gutpela promosin ol kampan olsem Arnotts, Ela Motors, NauFM, Spear na Wopa i wokhat tru long bringim i kam long PNG.

Dispela ol 4-pela restlas bilong Texas, USA bai pait insait long 7-pela pait insait long kantri taim ol i kam long hia. Ol dispela masel man ya em Action Jackson, Killer Brooks, Sam Houston

na Thunderblood Norris.

Sapos yu bungim hevi bilong dispela 4-pela masel man ya wantaim, em bai i go antap tru winim 500 kilogram. Ol i karim planti taitol aninit long nem bilong ol.

Ol taitol i stap insait long nem bilong ol em NAWA teg-tim taitol, 6-Man Wol Teg Taitol. All Japan Hevi-weit taitol, Texas Hevi-weit Taitol, Texas Nakels Sempion na NAWA hevi-weit taitol.

Insait long 7-pela pait o promosen bilong ol dispela lain, ol bai i mekim 4-pela pait long Mosbi, wanpela long Goroka long Nesenel Spots Institut na narapela tupela pait bai kamap long Lae long Sir Ignatius Kilage Stadium.

• Geit fi diskaut

Ogenaisa bilong PNG Med Tred Fe, Karyn Laphorn i tok olsem ol dispela lain husat i go long PNG Med

Tred long san bai i kisim diskaut long go na lukim restling we bai i kamap long nait.

Sapos ol i peim K3, ol bai i peim K1 tasol sapos ol i lakim go lukim wrestling pait long nait.

Laphorne i tok olsem dispela em i namba wan taim bilong dispela kain spot i kam long soim em yet long PNG na i luk olsem planti manmeri tru bai i pulim lain long go lukim.



Rothmans of Pall Mall (PNG) Pty Limited

**Manufacturers of Quality
Cigarette & Tobacco Products.**

Winfield

CAMBRIDGE

MUTRUS

**MUTRUS
FRESH**

**KOL
BRUS**



DUNHILL

Vipers promosen bai kamap long PNG Med Tred Fe

... sekim

*Lloyd
Robson Oval*

JAMES KILA i raitim

MOSBI Vipers ragbi tim bai i stap insait long wanpela promosen bilong spots insait long PNG Med Tred Fe long dispela wiken.

Dispela ol promosen bai i kamap long Lloyd Robson Oval long Boroko. Tasol, Ogenaisa bilong 1996 PNG Med Tred Fe, Keryn Laphorne, i tok olsem bai i gat ol bas bai i ron long dispela rot long karim ol manmeri husat i laik stap insait long dispela program.

Dispela program bilong Lloyd Robson bai i stat long 10-kilok we tupela tas tim bilong ol meri bai i pilai na bihain long dispela wanpela gem bilong ol man bai

i kamap long 10:20 am. Long 10:40 am wanpela selekt tim Taipans bai pilai wantaim wanpela invait-tim na long 11:30 am Vipers bai i pilai Ragbi Yunien Seven Asaid.

Dispela em i namba wan taim bilong dispela kain samting bai i kamap long tred fe.

Long Sande bai i gat wanpela Skul Bois Ragbi Tes bai i kamap long Australia Skul Bois sait na PNG sait.

Olgeta ol bikman meri husat i go long PNG Med Tred Fe bai i kisim wanpela K1 diskaun kupon bilong go na lukim dispela Tes gem long Lloyd Robson Oval.

Laphorn i tok olsem ol manmeri i mas noken wari bikos ol bas sevis bai i ron namel long PRL ragbi graun long Boroko na Sir John Guise Stadium long Waigani. Dispela em bihain long tok-orait i kamap namel long ol ofisel bilong PNG Manufeksaras Kaunsil na Dipatmen oy Trensport.

Tumbuna Trak bai bringim sampela nupela grup

... Wali Hits bai kam tu

JAMES KILA i raitim

TUMBUNA Trak Studio long Madang bai i bringim sampela ol nupela grup husat i rekot wantaim em long dispela wiken bilong PNG Med Tred Fe long Mosbi.

Jeneral Menesa bilong Tumbuna Trak, Chris Seeto i tok olsem planti bilong ol dispela grup i nupela long pilai long ai bilong ol manmeri long Mosbi, olsem na dispela bai i gutpela sans tru bilong ol na ol manmeri husat bai i raun lukim rok-konsel.

Ol dispela grup bilong Tumbuna Trak em Ziros, Gembok ben bilong Angoram (Is Sepik), Lamea, Yangkiss, Mogoi Hotline na Wali Hits. Ol dispela grup bai i kisim

sapot i kam long ol musikman husat i save wok long studio.

Namel long ol dispela ben Wali Hits tasol i bin go pilai long Mosbi na kirapim skin stret bilong ol manmeri long hap. Wali Hits i bin pilai long Benson na Hedges Golden Tones Konsel.

Ziros ben i bilong Sinem viles long hap bilong Arnele eria bilong Madang provins yet. Ples bilong ol i stap kostu long ol lain Wali Hits. Ol i bin soim stail bilong ol pinis long redio taim kaset bilong ol i bin goaut long stua. Wapela song bilong ol Sori O Lewa i bin mekim nois liklik insait long PNG Top 20 program long Redio Kalang.

Mogoi Hotline tu em i wapela atis husat i bin soim

pinis stail bilong em long wapela singsing ya Sela Mola we i save winim lewa bilong ol lain husat i save laikim ol musik grup bilong Madang.

Tupela nupela grup husat i redi pinis long kamaut wantaim nupela kaset bilong ol em Gambok na Lamea.

Gambok em i wapela grup bilong Angoram long Is Sepik na stail bilong em long Sepik disko tu bai i muvim ol manmeri husat bai i go long PNG Med Tred Fe.

Lamea em i wapela ben bilong ol lain yangpela man husat i save stap long Kerema kompaun long Madang. Ol manmeri i mas redi gut long harim stail bilong ol dispela mangi K-Ave bilong Madang.



* Demas Saul bai kam wantaim ol lain grup bilong Tumbuna Trak.

Monier Allied Products i redi long givim aut bikpela prais

SOPHIE FURIGI i raitim

MONIER Allied Products bai i soim gen wapela nupela prodak bilong en long 1996 PNG Med Tred Fe.

Long dispela yia husat man o meri i go insait long tred fe, tiket bilong em bai i go long hampa dro we bai i kamap long pinis bilong tred fe long Sande, Oktoba 13. Dispela hampa bai i gat wapela Trident 20 bot na planti ol narapela gutpela prais em ol kampani i putim wantaim.

Las yia Monier Allied Products i winim awot olsem wapela "Gutpela Nupela Prodak" taim em i soim nupela Trident 20 dingi bilong en long tred fe.

Dispela yia em i putim aut gen wapela nupela kain prodak bilong en i go wantaim Trident 20. Dispela Trident 20 ol i wokim long polietlin, wapela kain samting bilong wokim bot na we i save gat

moa strong wankain olsem ol narapela samting long wol.

Monier Allied Products em i wapela nupela kampani we i go insait long operesin long mun Mas, 1994. Kampani i save wok long kamapim ol prodak yusim polietlin we i gutpela long laipstail na kalsa bilong Papua Niugini. Ol wokman bilong en i save yusim planti ol masin we i gutpela long kamapim gutpela prodak we kwaliti bilong en i win tru na bai i ken stap longpela taim.

Kampani i save givim wok long planti ol lokal man na i save lukluk long mekim long prodak long salim long kantri na tu long ovasis.

Monier Allied Products i save wokim ol kainkain polietlin septik na ol tenk bilong wara we i ken stap strong long taim bilong ren na weda long PNG. Dispela ol tenk em i wokim i strong, ino hevi, na isi long muvim na i gutpela tru long helt.



MONIER ALLIED PRODUCTS

TANKS

PNG MADE TRADE FAIR SPECIALS

From 11th - 18th October, 1996

Monier Allied Products manufactures a range of polyethylene septic and water tanks that are designed to withstand the demanding conditions of Papua New Guinea. Our range of tanks are strong, light, easily transportable, ultra violet stabilised and hygienic.

The Range: There are five tanks in our range.

- * 450 Gallon one piece septic tank = K 530.00
- * 1000 Gallon one piece water tank = K 710.00
- * 1000 Gallon two piece water tank = K 760.00
- * 2000 Gallon two piece water tank = K1 300.00
- * 3000 Gallon two piece water tank = K1 550.00



LIMITED STOCK ONLY

- Features:
- * Easy to Transport
 - * No lifting Equipment required
 - * Does not rust
 - * No Algae growth
 - * Repairable
 - * Maintenance Free
 - * Available
 - * Simple to install
 - * Ultra Violet resistant
 - * Non-Toxic (Health Department approved)
 - * Flexible
 - * Full ribbed for strength and durability
 - * Under normal conditions the tank will last for 25 years.

Trade Inquiries to:

Monier Allied Products

Telephone: 325 3344 Fax: 325 3389

P.O. Box 328, Port Moresby.



PACKAGING FOR PNG

OVER 20 YEARS OF SERVICE THROUGHOUT PNG

- Amalgamated Packaging
- A National Enterprise
- Manufacturer of Corrugated Packaging for the Nation

MANUFACTURERS OF ALL SORTS AND SIZES OF CARDBOARD BOXES

- | | |
|-------------------------------|--------------------------------|
| - Meat and Poultry | - Beverages |
| - Brewery Cartons | - General Industry |
| - Fruit and Vegetables etc... | - Heavy Duty Cartons |
| - Packaging Cartons and Rolls | - Specialty Goods and Displays |

AMALGAMATED PACKAGING (NG) PTY. LTD.

P.O. BOX 868, LAE, SPEYBANK ST. LAE, PAPUA NEW GUINEA.

PHONE: 472 5900

FAX: 472 6600

WORD/ W/ AMALG/ 2377

Chin H Meen rok konset bai kamap long nupela eria

... go lukim planti gutpela PNG musik

JAMES KILA i raitim

WANPELA eria we i save pulim moa manmeri long taim bilong PNG Med Tred Fe ples we Chin H Meen i save putim kamap rok konset bilong en.

Olgeta yuia ol manmeri na pikinini i save amamas tru long go na lukim ol lokal musik grup bilong kantri i soim ol stail bilong ol long pilai musik.

Sif Enginia bilong CHM Supasauns, Eddie Elias i tok olsem dispela nupela eria insait long Sir John Guise Stadium em i gutpela bikos em i gat bikipela spes na ol femili i ken go na amamas long dispela tupela de bilong PNG Med Tred Fe.

Mista Elias i tok i gat ol diwai tu i stap we i ken givim gutpela ples kol we ol femili i ken sindaun na lukim ol ben i pilai.

Dispela nupela eria i stap long sait i go olsem long NCDC opis sait bilong stedium na i sanap klostu long Waigani Draiv.

Dispela yia bai i gat sampela nupela grup husat i rekot wantaim CHM bai i pilai long soim stail bilong ol.

Bai i gat ol sampela lain husat i winim pinis lewa bilong ol manmeri long kantri i pilai tu long dispela rok konset. Sampela bilong ol dispela grup em

Long Sarere bai i gat bikipela lain-ap bilong ol sampela top musikman bilong kantri i soim stail bilong ol.

Ol nupela grup husat bai i soim stail bilong ol em Junior Yangkiss na Western Black.

Junior Yangkiss bai i lukim wanpela nupela atis bilong Sio-Madang, Gideon Kapai na Mesi Dawo i soim stail bilong ol. Narapela nupela grup em Western Blacks, wanpela grup bilong Goroka.

Ol lain planti manmeri i save pinis long ol em, Malokiss, PS 2, Junior Jacash, Kundu Reggae, Lamaika/Tairuma, Duaks, Hitsu Golou, Old Dog (Willie Tropu), Chris Kuskus, George Telek, Leonard Kania, Amerek, BS ben bilong Oro, Saugas, Robert Oeka na Kuakumba Ruts.

Sampela bilong ol dispela lain grup bai i pilai long samting tasol bai i gat sampela moa lain tu i joinim ol gen. Sampela bilong ol dispela lain em long gospel grup.

Sampela ol lain husat bai pilai long Sande em MCY, Glenda and Friends, Seven Seals, Mandara Souls, New Adams, Hearts of Fire, Dabsy Yapuk na Higher Vision.

Bai i gat ol sampela grup i kam long Tumbuna Trak Studio long Madang tu i pilai insait long dispela rok konset long tred fe.



Accent Interiors Pty Ltd

Box 670 Mt Hagen

Box 99 Lae

Fabrics

Curtains Upholstery


Commercial & Domestic

Furniture Hospitality &

Craft Supplies

Rugs, Mirrors,

Lamps, Prints.



Dobel
Kagamuga Rd
Mt Hagen
Ph / Fax: 545 1545

CNR Huon
Boundary Rds
Lae
Ph: 472 0630 Fax: 472 3891

PMV bai ron stret namel long PRL na Sir John Guise Stedium

JAMES KILA i raitim

MOA long 340 PMV bas i givim nem pinis long wok insait long dispela wiken bilong PNG Med Tred Fe.

Sampela bilong ol dispela bas bai i karim ol manmeri husat bai i go lukim ol pilai long Lloyd Robson Oval na bihain kambek long Sir John Guise Stedium.

Ogenaisa bilong PNG Med Tred Fe, Karyn Laphorne i tok olsem ol bikman bilong PNG Manufeksaras Kaunsil i tok-orait pinis wantaim Dipatmen bilong Trensport long dispela wok bilong ol bas sevis.

Laphorne i tok namba tru bilong ol bas husat bai i wok em 343-pela PMV bas olgeta. Hia em rut na hamas namba bilong bas i wok long en. Namel long ol dispela PMV em Rut-6 (35 bas), Rut 8 (47), rut 9 (52), rut 11 (41), route 14 (17 bas), rut 15 (80 bas) na rut 17 (28 bas).

Laphorne i tok tu olsem sampela ol dispela bas i rejista pinis long wok i go inap 9:30 long nait. Dispela em bikos planti ol manmeri long siti bai i go long Sir John Guise Stedium long lukim pilai wrestling em ol masel man bilong Amerika bai i soim ol pilai bilong ol 6-kilok long apinun na pinis long 9:30 long nait.

Dispela ol 4-pela masel-man bilong

USA i gat planti namba aninit long nem bilong ol na ol bai pulim planti manmeri long go lukim ol.

Laphorne i tok olsem long dispela yia PNG Med Tred Fe i pulim moa promosin tru olsem na ol i bringim sampela pilai i go long Lloyd Robson Oval.

Long dispela yia sampela program bilong tred fe bai i kamap long Lloyd Robson Oval we ol manmeri bai i pilai tas ragbi na tu bai i gat wanpela tes gem namel long ol Nesenel Ragbi Lig wantaim Australia Skul Bois.

Soim pass pastaim

Stat long Tunde morning Oktoba 8, olgeta manmeri husat i laik go insait raun long Sir John Guise Spot Kompleks i mas i gat hap pepa o pas we i ken larim yu i go insait.

Olgeta kar tu i mas i gat pass bilong go insait na lukim ol pilai. Draiva na olgeta lain tu i mas gat tiket.

Hia em kala bilong ol pass. Ol lain husat i gat stol pas bilong ol em GRIN, ol kari i mas gat YELO pass, ol niusman o lain bilong TV na radio i mas gat RED pass, ol wokman bilong hap bai i gat BLU pass, ol ofisel bai i werim PINK pass, ol lain husat i stap long eria bilong stedium bai i werim GREY pass na ol lain bilong pilai ben long stes bai i werim WAITPELA pass.



Bismil Treding (PNG) redi long soim prodak bilong en

... sekim long Kurumul Ti

JAMES KILA i raitim

BISMIL Treding (PNG) Pty Ltd bai i soim ol prodak bilong en long PNG Med Tred Fe long dispela wiken.

Dispela kampani i gat nem long PNG long ol wok bilong en long kamapim namba wan samting ol manmeri i save dring long morning taim. Dispela em ti.

Bismil i save soim strong bilong en long maket wantaim Kurumul Ti. Nau yet ol i amamas tru long kamaup wantaim nupela Kurumul Raun Ti Beg, Kurumul Grin, Kurumul Blu na Kurumul Kaddis stat long Septemba 27, 1995. Bikos long narakain disain bilong en na tu i no gat glu, tret na mak, em i save kamapim gutpela smel

tru, kala na gutpela swit bilong en i winim ol narapela.

Long dispela yia Bismil i bin win tru taim em i salim ol prodak bilong en, Kurumul i go ovasis long Solomon Ailan long mun Me long dispela yia.

Planti ol kantri olsem USA, Inglen na ol kantri long Yurup tu i save laikim Kurumul Ti.

Long soim ol spesel prais bilong Kurumul Ti be, dispela em ol holsel prais bilong ol. Raun Ti beg insait long katen em K48. Kurumul Grin 125gram insait long wanpela katen we i gat 100 paket em K48.86. Kurumul Blu 125 gram insait long wanpela katen we i gat 100 paket em K41.38.

Bismil Treding wokim yunifom

Narapela bikpela wok Bismil Treding i save mekim em samapim na wokim ol yunifom bilong ol skul, kampani na ol gavman dipatmen.

Ol i save wokim, salim ol gament na yunifom.

Nau yet ol i stap strong long wokim ol kain kain yunifom olsem ol dispela ol wokman i save werim long wok long balus, ol yunifom bilong ol lain i save wok long ben na ol skul yunifom.

Bismil i save wokim ol kain kain sekuriti yunifom na ol ovarol. Ol i save wokim tu ol spots yunifom na ol jaket, na ol spesel klos bilong man, meri na pikinini. Ol i save wokim tu ol logo bilong ol kampani na ol dipatmen bilong gavman na tu ol yunifom bilong ol lain bilong kuk.



Are you paying too much lease rentals for your business?

Is your business costs influenced by high lease rentals?

Do you want to move into a location where:

1. THE LEASE RENTALS ARE BELOW EXISTING MARKET PRICES;
2. ELECTRICITY, WATER, TELEPHONE ETC. SERVICES ARE READILY AVAILABLE;
3. SPECIAL TAX INCENTIVES ARE AVAILABLE FOR SPECIFIC BUSINESS;
4. YOU CAN RUN YOUR BUSINESS IN A SECURE ENVIRONMENT

If you answer 'yes' to all the above, then the Malahang Industrial Centre in Lae is the ideal place to move in to.

The Malahang Industrial Centre can offer -

- Standard Factory Buildings;
- Allotment of various sizes each with individual access, street lighting, drainage, sewerage and power services;
- Nursery units for small scale businesses;
- An Administration Centre with facilities for meeting, training and secretarial services;
- An Amenities Centre to provide commercial and community services like banking, postal and even police services;
- PABX system for your communication needs;
- 24 hour security in the centre.

If you are genuinely interested, please contact the Industrial Centres Development Corporation on Telephone 323 2913 and ask for the Operations Manager or contact directly:

The Manager

MIC on telephone 422 844, 422 743, 422 660

or write to:

Industrial Centre Development Corporation

P.O. Box 1571

BOROKO

NCD

FAX 323 1109

BISMIL TRADING (PNG) PTY. LTD.

**UNIFORMS
GET DRESS AT BISMIL**



ALL TYPES OF UNIFORMS
Selected from our wide range and have tailor made by us.

- Men & Women Executive wear.
- Security Uniforms
- Security Accessories
- Company Uniforms
- Overalls and Men work Uniforms
- Chef Uniforms
- School Uniforms
- Badges and Logo's

Guaranteed Quality and Customer Satisfaction

Call the No. 1 Tailors in town

**FOR FREE QUOTES
BISMIL TRADING (PNG) PTY LTD**

P.O. BOX 1454,

BOROKO, NCD.

Phone: 323 5551 / 323 3767

Fax: 323 3767

"We do the best for less"

IFC salim tinpis ovasis bihain long 14 mun

SAPOS yu lukluk raun long PNG Med Tred Fe noken lus tingting long go na lukim stol bilong Intanesenel Fud Koporesin (IFC)

IFC i stap long yunit namba-3 insait long Sir John Guise Stedium basketbal eria

Fektori bilong IFC i stap long Malahang klestu long Lae na i save go pas long wokim ol mekerel tinpis long PNG. Em i save wokim tu fismil na fis-oil long salim.

Long dispela yia IFC i bin mekim wanpela bikpela samting tru long mun Me na Jun, taim em i salim ol tinpis em i wokim long kantri i go ovasis.

IFC i bin salim tu ol samting olsem fis-mil na fis-oil tu i go long ovasis. IFC i save stap strong long tupela tinpis mak bilong en, em long Besta na Suprem, ol fismil na ol fis wel bilong en. Kampani i bin salim ol dispela samting i go long Indonesia na Solomon Ailan.

Ol samting bilong wokim fismil na fis-oil i save kam long ol hap hap samting bilong ol fis ol i no save putim long tin. Maski olsem dispela namba bilong ol dispela prodak i go ovasis i no bikpela tumas, em i wanpela gutpela rot kampani i soim long gohef strong



• Dispela tupela foto i soim ol wokmeri long IFC tinpis fektori long Lae i putim "Besta" tinpis long katon.

bilong en long Papua Niugini. Em i helpim long bringim senis insait long sait bilong salim ol prodak i go ovasis na tu bringim mani kantri i nidim hia.

Narapela gutpela samting tu, i olsem dispela rot bilong kisim ol samting ol i wokim long en pinis i helpim long strongim wok bilong kampani long eria bilong kwaliti na strong bilong mani long ol prodak i kamap long PNG. Dispela fis keneri we i bin statim operesin bilong en moa long 16 mun i gat strong long moa long planti ol gutpela masin bilong wok na tu kwali-

ti kontrol bilong en i gutpela moa. Dispela stendet bilong en long kaikai prodak long kantri i helpim manmeri (wokman meri) i kisim save gut long wanem ol nupela kain teknoloji i kam insait long kantri.

Dispela win bilong IFC long salim tinpis, fismil na fis-oil i go ovasis bihain long 14-mun tasol i soim olsem em i karimaut promis bilong en long trensefe bilong teknoloji na save i go long ol wokman meri long Papua Niugini. Dispela win bilong IFC i soim tru olsem na ol ol prodak ol i wokim long PNG i



ken stap strong, maski liklik askim i kam long lokal maket, liklik manmeri long wok na nogat inap moni na bikpela kos bilong trenspot.

Planti taim i gat dispela tingting namel long ol manmeri long PNG olsem planti ol gutpela wok i save stap long sait bilong egrikalsa. I tru olsem egrikalsa bai i stap strong yet long PNG, tasol i mas gat gutpela economic wok tu i kamap long sait bilong manufeksaring - dispela polisi we planti lida long kantri i luksave.

Ating dispela kain pasin o wok IFC i mekim i ken soim ol lain husat i laik wokim bisnis long kantri olsem dispela ol hevi i pun-daun sapos ol i gat gutpela rot na tingting long operesin bilong ol na skelim maket insait long kantri wantaim invesmen. Wantaim bikpela tingting long wok na lain-im samting planti ol lokal manmeri i ken kisim gutpela save long wok insait long nupela teknoloji i kam insait long kantri.

International Food Corporation

Hau mipela wokim prodak bilong yumi?

Mipela save wokim ol IFC prodak i kamap olsem, o winim narapela mackerel tinpis ikam long narapela hap. Ol tin mipela wokim long narapela haus, tasol bihain mipela karim ol ikam long ples bilong wokim tinpis. Ol pis mipela katim bel bilong ol, na klinim ol gut tru. Bihain mipela putim pis igo insait long tin, kukim pastaim, pulumapim wara bilong en igo insait, pasim ol gut na kukim ol gen.

Pinis lusim ol i kol pastaim bihain putim karamap bilong ol na putim ol igo insait long katon.

Laik bilong yumi PNG i bikpela samting. Olsem long IFC, igat wokman long luksave olsem ol prodak mas kamap olsem hau yumi laikim.

Olgeta de ol wokman save sekim ol pis na tu ol tinpis taim ol iwokim pinis. ol mas stap klin na tes gut olgeta taim. Mipela i no save tromwe ol liklik hap pis. Long dispela liklik hap

pipia pis tasol, em i kosim ol IFC 3.5 milion kina long kamapim ples long wokim kaikai bilong ol pik, kakaruk na tu ples bilong wokim wara ikamap klin gen. Planti long ol man meri i save yusim dispela kaikai long fam bilong ol bikos em i kos liklik moni tasol.

Oil bilong pis tu em narapela prodak mipela kamapim long pipia bilong pis. em i kamapim moa namba long ol prodak yumi wokim long PNG.

IFC i sanap strong long soim we long lukautim ples, na tu hap long kamapim wara gut. As bilong dispela hatwok em bilong lukautim olgeta hap giraun bilong PNG long kisim bagarap.

KAM LUKIM HAP BILONG MIPELA LONG PNG MADE TRADE FAIR



Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.